

NDWA YETUNA KUFITISISI

YEKILE YALWANIWA



Ni itumezi, Muzwale Orman. Mulena aku fuyole.

² Ki kakusasana, balikani. Ki tabo fa kuba mo hape kakusasana cwana, mi ka mukwa wa ku sa libelela nyana, Na sepa, ku na kasibili, mi Na sepa ikaba cwalo ni kwa kopano. Mi Ne ni sweli fela kubala... Ni itumezi, kezeli. Mi Mulena ubonahalile fela kubeya sika sesiñwi fa pilu yaka, sa kutisa kwa Keleke, mi Ne ni hupula kuli neli nako ya kueza cwalo. Mi cwale se...

³ Ha Ni fitile, mi ni sa zibi kuli lu kaba kwanu la Sunda cwana, Ni zibahalisize kuli Ni na ni—ni Liñusa la Keleke. Mi Ni bata kuli, haiba Mulimu alata, nitise Liñusa le ka la Sunda yetatama. Mi ikaba nako yetelele nyana, kacwalo, yona kaniti haina kufitelela nako ya twelufu seti, wani kiloko, hakulata, haiba ki ka nako yani. Libile fa pilu yaka fa nako yetelele hahulu, mi Ni sepa kuli Ni kolotezi nyangela kalabo ya seo Ni sikabela teñi kwande mwa simu. Ni kutilize ka ku li kekuluhu kaufela lona, kono Ni ziba kuli halisika taha hande ko li lukela kuba. Kacwalo Ni sepa, Mulena ha lata, ka la Sunda yetaha, Ni bata fela kunga nako ka kuiketa ni ku tatulula, libaka ni mulelo, ni kutuhela kuli muzibe, ka Mañolo, sesisweli ku ezahala, mwabona, libaka fela leo sitalusa. Kakuli, Ni kaya kwa buse bwa mawate kamba kokuñwi ona cwanoñu fa kapili. Ni libelezi cwale kubona kuli ki nzila ifi Ya ka ni biza kuli niye ka yona. Maabani...

⁴ Mwendi ka masihu amalalu afelile, kamba masihu amabeli, Ne ni amuhezi pizo ya luwaile bu kaufi ni mwahala busihu; mi neli ka za kulapelela musali yomuñwi ya nali mwa sipatela. Mi kiha bani biza, se bali, "Mulapele." Mi Ni libezi libizo le ne ba ni file, kuli... Bali neli mulikana musala Bo James Bell, kezeli luna kwanu kwa keleke, kezeli yomunsu, ya likute hahulu, musali yomunde. Na lumela libizo neli Shepherd, le ne lifilwe kuna. Kacwalo Na zuha fa mumbeta ni ku kubama, mi—mi ni ku bulelela musala ka. Luwaile se lu to lila, se ni mu zusa. Mi Na li, "Lu lukela ku lapelela musala Bo Shepherd, kezeli ya lizize, yani ki mulikana musala Bo James Bell." Kacwalo ki ha lu mu lapelela, ni ku kutela mwa mumbeta.

⁵ Mi cwale mwendi haieza teni kamba ilebene kiloko, zazi lelitatama, Na amuhela pizo hape. Neli Billy. Mi ki hali, ne si musala Bo Shepherd, ali neli musala Bo Bell, yena kasibili, isiñi mulikana musala Bo Bell. "Neli musala Bo Bell, mi yena umwa

sipatela, ka kukula hahulu.” Mi na akufela kwa sipatela, kono na sa ile. Mulena na bizeлизe musala Bo Bell, kwa Hae.

⁶ Musala bo Bell ubile mutu ya kopananga ni luna kwanu kwa keleke ya sepahalile, fa myaha. Muuna hae, James, ni Na, lu belekile hamoho, ni bo ndate, myaha yemiñata yefitile, kwande, inze icibilika... Lutile mwahala mitai ye, kuzwa kwa Pennsylvania, ku taha mwa Colgate kwanu, lilimo zeñata zefelile, Na sepa ki lilimo ze mashumi amalalu zefelile, kamba zeñata cwalo. Mi lwa mu lata Kezeli Bell. Nali mutu ya na ipitezi.

⁷ Mi Ni utwisisa kuli nana ni tasezo yetuna ya buino bwa kukula sinya, mi kiha... Mualafi wa hae, yana zibile butata hande luli, na siyo mwa tolopo ka nako yani. Mi mualafi yomunca ataha kuto mu bona, mi—mi a eleza kuli ba mupazule kapili, mi sa palelwa kupila. Mi—mi kiha sa... Na sepa yena... Kuya kamo Ni utwisisiza, kikuli mualafi wa hae wa kamita nasike kuñola milyani ya—ya kupazula, kakuli nali yomukima mi sinya sa hae nesili maswe ha butuku. Mi nana ni macwe, Na hupula, kamba sesiñwi mwateni, mi—mi Mulena nabile ni makeke. Nana ni kutasezwa kwani sapili mi Mulena na litokomezi kale zani, linako zeñata. Kono ne ku ezahalile ona cwalo... Ki hande, haiba lulitisa mwa tikanyo yetezi, nelu ka bulela cwana kuli: Mulimu ubizize Kezeli Bell, mi yani kona nzila ya mo lilukela kungelwa, mwa bona.

⁸ Mi mane ni ha kutokwile sani, ha si ni tahela, kuli mane Na hupula kuli neli musala Bo... bo Ma Shepherd. Ne ni sa muzibi Ma Shepherd. Kalibe yani wa kona kuba mo, kakusasana wo, mi mwendi Na muziba haiba Ni talima fa sifateho sa hae. Kono, ne ku bulezwi kuli neli musala Bo Shepherd. Mi seo kaufela ne sili sona nesibile cwalo, kacwalo haiba... Kambe Ne ni ziba kuli ki musala Bo Bell ya nabile mwa buino bwani, Ne ni kaya kwani ni ku yo mu lapelela ona fani kapili. Mi he, mwabona, sani, Mulimu nasalati kuli lueze sani, mwendi. Kacwalo, “Luziba kuli lika ze kaufela libelekisana hamoho kwa bunde ku bani ba balata Mulimu.”

⁹ Mi Ni sepa kuli Kezeli Bell na lata Mulena luna. Nali musali yomunde. Cwale, ki alimuñwi wa luna. Mwahali mo, luna haluna miseto ifi ni ifi ya mibala. Lubasi lwa Mulimu halu lalangi milulwani ka mibala. Kamba luba bafubelu, bufubelu nyana, babansu, kamba ba ba ñandatalukeke, halina taba, ba basweu. Seo kaufela sili sona, luna lu mizwale ni likezeli ku Kreste. Mi kacwalo lwa—lwa mu lata. Mi lu ka mutonda, yona tabernakele. Ni ka Mu tonda cwani, Kezeli Bell, ni ma, “amen” a hae amatuna, asilezi linzwi kwa mulaho kwani mwa lilulu. Ni ku mungela kwa hae, na kona kubulela kaza Mulena Jesu.

¹⁰ Mi haiba Ni utwisisa hande, nenisa li zibi konji ka linako nyana zefitile, kono Ni ziba kuli maswabi a hae alukela kubela kwanu ona mwa keleke ye. [Muzwale Neville uli, “Yani ki

niti.”—Mu.] Kala Bubeli lelitaha le ka [“Wani kiloko.”] wani kiloko. Mi Ni sepa kuli wena ni Na lu lukela ku zamisa [“Yani ki niti.”] mwa sebelezo ya maswabi ye.

¹¹ Kono, mwa puteho fela, kuli lu batu baba fokola ka alimuñwi. Ka likute ku kezela luna Kezeli Bell, halu yemeñi fela fa nako nyana, halunze lu inamisa litoho zaluna.

¹² Mulimu wa bupilo, Ya fa ni kunga bupilo, sina Jobo wa kale hana ize, “Mulena wafa mi ki Mulena ya amuha; ku fuyolwe Libizo la Mulena.” Lilimo zeñwi zefitile, No lumile Kezeli Bell mwahala luna, kuba muhaesu ni luna, wa naha yetuna ya Mulimu. Mi lwa itumela ku Wena ka susumezo kaufela yeo nali ku luna, ka mwa na latela kuopela ni ku paka, mi nelutalanga Moya kufitela hana huwanga katata luli. Mi na sa swabeli Evangeli ya Jesu Kreste, kakuli, ku yena, Neli Mata a Mulimu aisa kwa puluso. Kubona lilimo za hae hali ekezeha, mi nako ya taha fo lu lukela kuyo ikalabela. Mi Wena umungile kuzwa mwahala luna, kakusasana wo, kuba fa Pila Hao. Kakuli, niti luli ki cona cwalo, ha lu kazwa fa, lu ba mwa Kubateni kwa Mulimu.

¹³ O Mulimu, lwa itumela ku Wena kwa lika kaufela. Lu lapela kuli U fuyole muuna hae, mulikana ka, James; mwana hae, bana ba hae ba basizana, kaufela bani. Lu ziba kuli mwana hae wa mushimani utaha ka fulai kuzwa kwa Germany, kuzwa mwahala sikuwata sa masole, utaha kwa hae, ku to fa likute la mafelelezo leo akona, fa lifasi, ku bo mahe baba ikezi. Kamo pilu ya mucaha yani ikona kuba ye lobehile kakusasana cwana. Na mulapelela, Mulena. Mulimu, mu fuyole. Fuyola Jimmy, ni kamo a... Ku mubona inza beleka kwande kwani, ni ka lihola ze katalisa, kubata bupilo bwa lubasi lwa hae. Ni lapela kuli lubasi lo lutuna lusike lwa kauhana, kono tamahano ya lubasi haina ku pumeha mwa Naha yani kwa neku la mwa buse.

¹⁴ Mi luna, Mulena, lutame ka kutiya lilwaniso ni makanda, ka kutiisa nyana, ni kuya kwande mwa ndwa cwale, kulwana lunze lu latehezwi ki alimuñwi kufita mone lubezi sunda ye felile. Lu lapela kuli Ulu konise mi ulutiise, mi ulutuse halunze luzwela pili, mi zazi leliñwi lukone kuyo kopana hape hamoho mwa buse kwa neku leliñwi. Kakuli lu kupa ka Libizo la Jesu. Amen.

¹⁵ Cwale moyo wa kezela luna ya ikezi upumule mwa kozo. Ni tabela kubulela kuli sebelezo ya—ya maswabi a hae ika kutazwa kwanu la Sunda, kamba la Bubeli, mi luka bata... Mutu kaufela u amuhezwi kutaha ya kona kutaha. Na sepa Muzwale Neville kwanu una ni litukiso. [Muzwale Neville wa lumela—Mu.] Mi una ni zona. Cwale, kacenu, Ni fitile...

¹⁶ Mwabona, hakuna babañata hahulu. Haiba kuna ni sipula kokuñwi sesi tiselizwe Muzwale ni Kezeli Slaughter kwa mulaho kafoo. Ni amuhezi pizo ya hao, Kezeli Slaughter, mi naya kuyo lapelela... Kezeli Slaughter yomuñwi, Kezeli Jean Slaughter yana na ni fibele ye buhali, butuku bobubizwa tularemia. Yena

kaniti unani taba yetata yateni, kono lu sepa Mulimu kuli ukaba hande.

¹⁷ Cwale lu bata kubala Mañolo nyana. Mi Ni bata fela kubala kakusasana cwana, ka kuiketa hande, kakuli Nali kuzwela kwa, Arizona, kihande, mumizo waka u omile fela.

¹⁸ Mi cwale, ka la Sunda yetatama, musike mwa libala, mi Ni sepa kuli Billy u zibahalisize kale li-li papazo. Mi ikaba sebelezo yetelele nyana, lwa lumela, kacwalo mutahe ka kuitahanelka mo mukonela. Lu bata kukala, haieza naini seti, kamba Ni taluse, kuli teni kiloko. Mi mwendi, muhupule, mwendi haieza wani kamba wani... hakulata, kamba twelufu seti, wani kiloko, sesiñwi se si cwalo, lihola zetalu kamba zene, kamba zeñata, Ni tabela kunga, ni kunga fela Mañolo. Mutise lipotoloto za mina ni mapampili, mi mu to añola. Haiba ku na ni puzo, mu buze—mu buze, mwa bona, mi mwendi lwa kona ku itatulula, lueze se lukona kutusa.

¹⁹ Cwale halubalen Mañolo nyana, pili, cwale. Ni nani libaka zetalu mwa Bibele, zeo Ni tabela kubala. Mi yapili ya zona, haiba mutabela ku añola, mi haiba mu nani lipotoloto, Ni bata kuswanisisa teñi, kakusasana cwana, kwa litoho za taba ze Ni bata kuli... kamba kwa Mañolo amañata nyana, ni taluse, zeo Ni tabela kuswanisa kwatene. La makalelo ki Pitrosi Wapili 5:8-10, Maefese 6:10-17, ni Daniele 12:1-14. Cwale, ka kubala, lukaya ka kuiketa.

²⁰ Mi mutu ni mutu kubonahala kuli uinzi ka swanelo. Kacwalo, babañwi ba sa yemi, kwa mulaho ni mwa matuko. Kono lu ka lika kufeza kapili ka mo ku konahalela ni ku mi lukulula, kutuha foo lu ka lapelela bakuli.

²¹ Kuna ni kalibe yalobezi fa kakusasana cwana, yakula hahulu. Ni utwisisa kuli nakula hahulu, maabani. Mi Ni—Ni bata fela kuli autwe, kakusasana cwana, pili, Ni sika mu lapelela kale. Mi Na ziba buino bwa kalibe yomunyinyani yani. Mi yena ukula hahulu, kono luna ni Ndate yomutuna wa Lihalimu Ya tuzi ka mata ni kufita matuku kaufela. Mi Ni nani ni—ni bunyinyani...

²² Ni buzize musala Bo Woods haiba uka ibala, kono yena—yena nali ya itibezi nyana kwa—kwa kueza cwalo. Kalulo nyana, koo mualafi wa za milyani hana komokile luli. Sapili, nali wa likañi kaza foliso ya Bumulimu mi na sa tuhela mutu kaufela ku ambola ka zona mwa ofisi ya hae; ni nasi wa hae, ni yena. Kacwalo, neku ezahalile kuli, na tiloba ni mukuli yana na ni butata bwa kansa, kansa yetuna. Yena ne kusina sa na bata kueza ka zona, kacwalo a mu lumela kwa sipatela sesiñwi. Ne kusina sene ba bata kueza ka zona kwani, kacwalo ki ha ba mu lumela kusili. Kacwalo kih... Oh, neli fa lizwele, mi neibile fa sibaka sesi maswe. Mi litalo kaufela nelicilwe kuyebuha. Mi haili kansa, ne ikeni mwahala lizwele, mwahala makupo. Ni sepa mwa utwisisa seo Ni talusa.

²³ Bana ni mualafi wa luna yomunyinyani ya zwa kwa Norway yainzi ni luna kakusasana cwana.

²⁴ Mi kiha itukisa ka libelekiso za hae kaufela, kakuli naize kuli na ziba kuli—kuli musali yani na bata kuli amupazule mi azuse lizwele. Mi neli musebezi wa kusulula mali luli. Mi—mi kiha anga lipangaliko za hae, kaufela. Nasi a lukisa kalibe yani mwa sibaka sa kupazulela, mi kiha kuta kuyonga libelekiso, hape, zene lukela kuitusiswa ki dokota ni mutusi wa hae wa mualafi, kuli azuse kwateni lizwele. Mi kacwalo neba nani masila ni lika zeñwi linze libeilwe fani. Mi kacwalo se batateka . . .

²⁵ Mi hana kalile ku sikuluha, muuna hae nabata kuziba kamba na ka kena ni kuina kwa mafelelezo a musiyo kuli alapele. Nali mukutazi ya lukile. Mi kiha ina kwani kwa liutu la mumbeta, mi alapela. Kakuli, dokota na sa tabeli hande zani, mwa ziba, yena fa kuli abe mwani. Kono haibile fela na sa toni, mi li sa mu utwisi bumaswe, kupalañi, “Na sepa neli nto yende; nasike—nasike awelela.”

²⁶ Kacwalo hane ba sa inzi cwalo, banze ba lapela, kwa taha nyungano mwa sibaka. Mi dokota a sikuluhela kwateni, ni yena, ni liitusiso za hae, kukala kuzusa lizwele. Azusa siemba mwa mulaho wa siemba. Ne kusina nihaiba liñiba; ne kusina nihaiba liñiba. Ki hali, “Kana—kana sa kona . . . Kana sa kona kushenya?” Mi kiha kala . . . Mi nasi namufile bupaki bwa hae. Sibeli sabona baile kwande mi babile mapentekota, batezi Moya o Kenile, banze ba sebeleza Mulena. Kusina nihaiba liñiba!

²⁷ Mi Dokota yabizwa Holbrook na pakile, yena muñi, kuli, “Muzuzu ulimuñwi basika fita kale fani, ne kuna ni—ni musali yana lobezi fani, ni nasi, ni kansa yetuna hahulu kaufela ne ili fa lizwele la hae. Mi muzuzu ulimuñwi kasamulaho, ne kusina nihaiba liñiba fone izusizwe.” Yani ki alimuñwi wa madokota babande ba milyani bo lunani mwa America. Naize kuli na ikolwisisize onafani. Mi yena, niteñi, nali dikoni mwa keleke. Mwabona?

²⁸ Mwabona, batu ba hupula kuli keleke ki kulo fela kwa kuya cwalo, mi ki, “Oh, mwaya kwani kuyo ituta mwa kubela babande, kamba zeñwi ze cwalo.” Zani haki zona, mulikani. Batili. Mulimu ki Mulimu. Yena usali yomutuna kacenu sina mwa Na inezi, kamita mwana belanga. Mi Yena ukabanga yaswana kamita. Mi Uka . . . Lwa Mu lata fela.

²⁹ Cwale, lu bata kubala cwale kuzwa mwa Pitrosi Wapili, kauhanyo ya 5, timana ya 8 ni ya 10, ka kukala.

Mutone, . . . muitibelele; kakuli sila sa mina yena diabulosi, . . . tau ye lila, unza zamaya, kubata yo a kaca:

Muhane kuyena ka kutiya . . . mwa tumelo, munze muziba kuli butata bobu swana bufumaneha ni kwa banabahabo mina ba ba mwa lifasi.

Kono Mulimu wa sishemo kaufela, ya lu bizeлизe kwa kanya ya hae ya kuyakuile ka Jesu Kreste, hamuse munyandile nyana, ukamieza baba petehile, amitiise, amife mata, ami tome.

³⁰ Kamo Mulimu alumbekwe! Cwale mwa Buka ya Maefese. Lu tabela kuapula mo mwa Buka ya Maefese, kauhanyo ya 6, mi ni tabela kubala kuzwa fa timana ya 10 kuisa ku ya 17, Ni ñozi cwalo.

Ka ku feleleza, banabahesu, mutiyele ku Mulena, ni mwa mata ahae asa palelwi sika.

Muapale lilwaniso za Mulimu, kuli mukone kuyema kakutiya kwa lunya lwa diabulosi.

Kakuli halu lwani ka nama ni mali, kono ni milonga, ni mibuso, ni malena a lifasi le leli lififi—a lifasi, ni mioya ye lunya ye mwa mabaka a mwa lihalimu.

Kabakaleo mu swale lilwaniso kaufela za Mulimu, kuli mukone kuyema mwa lizazi le limaswe, . . . hamuse muezize kaufela, tuyeme.

Kifohe tuyeme, munze muitamile niti mwa liteka zamina, . . . muna ni si silelezo sa kuluka fa sifuba;

Mi kwa mautu muapale za kuitukisa kuisa evangeli ya kozo;

Fahalimwa lika zeo kaufela, . . . tebe ya tumelo, yeo mu ka kona kutima masho kaufela atuka aya maswe.

Hape muapale kuwani ya busole ili ku piliswa, ni lilumo la Moya, lona linzwi la Mulimu:

³¹ Cwale mwa Buka ya Daniele, Ni tabela kubala amañwi mwateni. Cwale, Daniele kauhanyo ya 12. Ni bata kukalela fa 1, ni kubala kuisa—kuisa mufumbo nyana wa yona, litimana ze fotini.

Mi ka nako yani . . . Mikaele uka yema, nduna yomutuna ya yemela sicaba sa henu: mi ikaba . . . linako za ñalelwa, ze eza kuli samba kuba ha ku sika bonwa nako ye cwalo mwa macaba: mi ka nako yeo sicaba sa henu sika piliswa, mutu kaufela yaka fumanwa añozwi mwa buka.

Mi buñata bwa baba lobezi mwa liluli la lifasi baka zuha, babañwi bazuhele bupilo bo busafeli, . . . babañwi kwa kunyazisezwa kokusafeli.

Mi ba ba butali baka benya inge liseli la mwa halimu; mi ba ba sikululezi—ba ba sikululezi babañata kwa kuluka babe sina linaleli za kamita ni mita.

Kono wena, O Daniele, ukwale—ukwale . . . buka, mane kuisa nako ya mafelelezo: babañata baka matela kafa ni kafa, mi zibo ika ekezeha.

Mi Na Daniele na talima, mi, nabona, ne ku yemi ba babeli babañwi, . . . alimuñwi kwa neku la kwanu la nuka, mi yomuñwi kwa . . . kwa buse bwani bwa nuka.

Mi yomuñwi ki hali ku muuna ya apezi za line, yana yemi fahalimwa mezi a nuka, ali Kukanga nako yekuma kai kuisa mafelelezo . . . a litaba zeo?

Mi Na utwa muuna ya apezi za line, yana yemi fahalimwa mezi a nuka, a nanula lizoho la hae la bulyo ni lizoho la hae la nzohoto mwa lihalimu, ni kutapanya ka ya pila kuyakuile ali kusiyeyezi nako iliñwi, ni linako, ni fahala nako; mi mata a sicaba se sikenile ha sa lobehile kufeleleza, . . . litaba zeo kaufela lika felelela.

³² Na lumela Ni ka yemela ona foo. Ni bata kunga toho ya taba, haiba ikona kubizwa toho ya taba kuzwa fani, yezwa fani, kuba ni ngambolo ya kuli: *Ndwa Yetuna Kufitisisa Yekile Yalwaniwa*. Yani kona ye Ni bata kuitusisa kwa kuba toho ya taba.

³³ Cwale, kamo Nitezi kutoba ni taba ye kuba toho ya taba kakusasana cwana: Kona lusazo kuta fela; ni sikuwata sa basepahali, kwanu kwa keleke, ni na kasibili, neluli kwani kwa Arizona. Mi kiha luya, luli, kuba ni mukopano kwa Phoenix, ni Muzwale Sharrit, kwa tabernakele ya hae. Kono hane Ni fumani kuli—kuli muzwale nali mwa tolopo, inza nani lisebelezo mwa tende, kihande, kiha Ni ikutwa kuitibala nyana kaza kuba ni mukopano. Na hupula kuli mwendi Ni kaba ni ona kala Sunda musihali, kuli kusike kwaba yaka katazwa mwa likeleke za bona. Kono, na to fumana, kuli nana ni lisebelezo za musihali la Sunda, ni yena. Mi Ne nili ya—ya bilaela nyana kaza kuba ni sebelezo.

³⁴ Mi kacwalo luna mizwale, mwa sibaka sa kuli lu ye mwahala musihali, sina hane luli kwande kwa kuzuma, kiha lu ya kwa tolopo, cwalo ni kuyo itukisa, mi kiha lu ya kwa lisebelezo za Muzwale Allen. Muzwale A. A. Allen nana ni lisebelezo. Kacwalo ki ha lu yo ya kwa lisebelezo, mi Muzwale Allen akutaza kutazo ye mata. Ne lubile ni—ni nako, yende, kuteeleza ku Muzwale Allen, kuutwa ba—ba opeli, ni zeñwi cwalo, mone ba opelela, ni kuhuwa, mi neba nani ni lisebelezo zetuna.

³⁵ Mi kiha lubona, mwa mikwakwa kaufela, lizoho la Mulena. Kaufela kone luya, Mulena Jesu na kopana ni luna. Mi kuna ni sesiñwi kakuba kwande ka wena unosi, kwande mwa mahalaupa. Kuna ni sesiñwi ka zona, kuli hauli unosi ka mukwa wani, kuna ni sesiñwi se si ku hoha. Sani, Na sepa, ki libaka lililiñwi leo Ni tabela libaka zani za kwande. Muba kwahule ni mata a sila, hahulu luli sina haluli kwanu.

³⁶ Diabulosi habangi ni mata konji abe ni sesiñwi mwa kubekela, una ni. Mwa hupula mioya ya diabulosi yani yekile ya lelekwa mwahala Mpi yani, mone ibezi? Ne ilo eza ka lunya, kacwalo neibata kukena mwa likulube. Kona kuli, diabulosi

una ni kuba ni sika mwa ku belekela, mutu yomuñwi mwa kubelekela teñi.

³⁷ Mi cwalo kona mwa ezezanga Mulimu, ni yena. Una ni kuba ni luna. U itingile ku luna, kuli abeleke kufitela ku luna.

³⁸ Mi babañata kiha ba taha hane luli fa musipili, ni litolo. Mi Mulena Jesu na sika palelwa kono afa litoloko ka swanelo, mi kakuba fela ona cwalo, ona cwalo fela ka nzila yani.

³⁹ Mi he Nali yomunde ku luna, ku luetelela kwa sibaka ni kulu bulelela kone si fumaneha. Mi, mwa ziba, fa kuba fela teni cwalo, kinto yende fela. Nelu ina, mwa busihu, kwa mulilo mwa mafulo, kwahule ni batu kaufela, ka limaele ni limaele ni limaele, ni kutalima ona—ona mulilo mwa mafulo mwahala macwe. Mi, oh, neli fela hande!

⁴⁰ Muzwale alimuñwi kwani, yana na ni butata ni musala hae, yana bile... Lilimo zakwa mulaho, na yemisize toho ya hae mwa mukopano, kwani kone Ni nani sebelezo. Mi Ne ni ba kupile kuli bainamise litoho zabona; nana ni moya o maswe ono sika musiya yena—yena musali yani, kwa katala. Mi kalibe yani, na sina likute, kiha nanula toho ya hae niteñi. Mi moya wa tuhela musali yani, ona kwa katala, mi waya ku yena. Mi fa seli lilimo ze lishumi kazene, mi kalibe yani ubile mwa buino bo busabissa; hahulu, nihaiba mwa ngana, kufitela aeza lika mane ze si ka luka. Ka mutuala, na siyanga muuna hae, aya kuyo nyalwa ku muuna usili inza pila ni muuna hae; ni kuipapata kuli na sa zibi kuli uezize cwalo. Mi kaewalo kiha—kiha ba lika ku mutatuba ka zona. Ki sikamañi sani semubiza kuli, fani ha mu... Butuku bwa kuitibala? Ki... Mawi, kamba ki libizo mañi lani. Na sepa sani si cwalo, dokota. Kono ne si seo. Neli si moya. Mi yena... Mi kalibe yani nali mulikana ka yomunde. Kono kuzwa busihu bwani, kuya kwapiili, ato ni toya kusina mulatu. Kakuli, mwakona kubona libaka hane kuli cwalo.

⁴¹ Kono cwale muuna hae hanatile, mi lwa kubama mwa sibaka sani kulapela, mi Moya o Kenile kiha utaha. Fani neli fona. Mi ki Ha i ponahaza ku muuna hae busihu bwani, mwa tolo. Na kutile ni tolo, ahupula kuli neli lisheha. Ku to fumana kuli, neli kalabo luli ya foliso ya musala hae. Kamo Moya o Kenile no belekezi!

⁴² Kuya cwalo kwa Tucson, ni Muzwale Norman ni babañwi, ona kwani hape Mulena akala ku beleka ka butuna, lika zetuna ni kupatulula lika.

⁴³ Busihu bobuñwi, sene si ni tiselize munahano wo fa, Ne ni yemi ni Muzwale Wood ni Muzwale Sothmann. Mi ne luli... Ne se li bukaufi ni kuba teni kiloko ya busihu, mi Ne ni sweli ku talima mwa halimu mwa mbyumbyulu, mi sabo yetuna ya ni tahela. Mi se Nili, "Ku talima fela! Ona mpi tuna, ya lihalimu yani!" Mi se Nili, "Lika kaufela liinzi ka swanelo mwa kutwano."

⁴⁴ Mi Muzwale Wood ali, “Inza talimile fa linaleli zepeli zeneli bukaufi hahulu ku yeñwi ni yeñwi, kuli, ne ku pangehile pono yeswana sina liseli.”

⁴⁵ Se nili, “Kono, mwa ziba, Muzwale Wood, kuya ka sayansi, kuya mwa Butungi, ka Butungi Nyana, Kutunga Kokutuna, linaleli zani hali bonahalangi kuli li kauhani nihaiba kusiana hanyinyani; mi zona li kwahule hahulu ku yeñwi ni yeñwi kufita mo lubezi ku zona. Mi haiba neli ka kala kutaha fa lifasi le, ne ku kanga, limaele ze likitikiti ka hola, neku kanga mianda anda ya lilimo kuli lifite fa lifasi.” Mi se Nili, “Mwahala mulao tuna, wo oliteñi kwanu, mi balu bulelela kuli ha ba talimanga mwa magilasi, bakona kubona lilimo ze handeleti ni twenty milioni za liseli mwa nako, kwande kwani; mi kusana ni likweli ni linaneli. Mi—mi, ibo, Mulimu nabupile yeñwi ni yeñwi ya zona. Mi Yena uinzi mwahala zona.”

⁴⁶ Mi se Nili, “Kokuñwi mwahali mwani, Ne ni talusize hande na, nako yeñwi mwa mukwa wa kulemuha, za zodiaki; kukalela ka Mwalyanjo, kutaha cwalo ni mwa Lusika lwa Kansa, mi ni kuya cwalo kufitel ya mafelelezo haitiloba tau, Leo yona tau. Ili kutaha kwa pili kwa Kreste, ka mwalyanjo; kutaha kwa bubeli, ka Tau ya lusika lwa Juda.” Mi se Nili, “Ni likile ka mo ku konahalela kaufela kubona zodiaki, mi ha Ni si ka ibona. Kono, ibo, iteni fani. Bani baba lutilwe, ba ziba kuli iteni fani. Jobo naiboni. Batu nebanze batalima. Neli Bibele, ka zazi leliñwi. Kono mwahala buñata bwa ma milioni ni ma bilioni a—a lilimo za liseli, Mulimu uina mwahala zona zani kaufela, mi U talimafafasi. Paulusi uteni kwani. Boma bateni kwani, kokuñwi, banze ba talimafafasi.”

⁴⁷ Mi Ne ni hupula ka swanelo ya libupiwa za lihalimu zani, hakuna nihaiba yezwa mwa sibaka sa yona. Yeñwi ni yeñwi ibuluka nako ya yona, ka swanelo. MPI yetuna ya Mulimu! Ne ni hupula ka masole; kuli kambe kweli yani neika lika kushenya kuzwa mwa sibaka sa yona, lifasi nelika apeswa hape ka mezi, mwa mizuzu fela ye likani. Lifasi ne likaba fela inge fani Mulimu hana itakaleza kuitusisa lona, kuli abe ni luna mo ku lona. “Ne lisina sibupeho, mi nelili fela, ni lififi, mi mezi nali fahalimwa buliba bwa lifasi.” Mi haiba kweli yani neika shenya, ne ikaeza taba yeswana hape. Mi kweli haishenyeza kwahule nyana ni lifasi, buliba bwa pahama. Haiya mwatasi, ika latelela fela bupahamo bwa buliba. Ki mpi yetuna ya Mulimu. Mi cwale hane Ni nahana ka zeo . . . yani ki mpi yetuna ya Mulimu kwani . . .

⁴⁸ Cwale, seluya kwa kulobala. Mi se Ni kala ku nahana kuli hakuna nihaiba iliñwi ya zona yezwanga mwa sibaka sa yona. Kaufela zona liina mwa sibaka sateni. Mi haiba kuna ni kushenya, kai kamba kai, mwahala zona, ki ka mulelo, mi likona ku zieza lifasi le. Lubona fela litaba za teni cwale, kuzwa ku zeñwi za zona kuya mwa libaka zeñwi. Kwa konahala. Likazikinyisa lika kaufela.

⁴⁹ Mi Na hupula, cwale, haiba mpi yetuna ya lihalimu yani, sina cwalo, ina ni kubuluka sibaka sa yona, kueza lika kaufela mwa swanelo, kucwañi he kwa kulyangana kwa limpi za lifasi? Kamo, fani iliñwi haizwa mwa sikuka sa swanelo, mo inepela lika kaufela mwa sinyeho! Tukiso ya Mulimu kaufela ya filikana haiba membala alimuñwi uzwa mwa sikuka sa swanelo. Lu lukela kuzwelapili ku ikataza ku buluka sikuka sa Moya.

⁵⁰ Mi Ne nika tabela, ku Mulimu, kakusasana cwana, kuli lutahise se kwa sebelezo luli ya kufoliswa, kuli lukone ku buluka siemba se...sikwata se lu kopanyize mwatasi a situwa se kakusasana cwana, mwa tamahano ye cwalo, kuli Moya o Kenile utomahanye membala kaufela wa Mubili, yali mo kakusasana cwana, mwa tamahano ye cwalo, kufitela kuba foliso ye sa konahali kataluswa yani ya moyo ni mubili, haiba luka buluka fela libaka zaluna.

⁵¹ Cwale, sina ha Ni bulezi kwa makalelo, kalibe yo yana nani kansa yo Dokota Holbrook nangile...na lukela kuli amunge. Cwale, yena Mulimu yana tisize nyungano mwa sipatela sani, ni kuzusa kansa yani ku sina kusiya nihaiba liniba, kana hamuzibi kuli Mulimu yaswana yani uteni mo? [Puteho ili, "Amen."—Mu.] Mi sika fela seo A libelela, ki mpi ya Hae—Hae kuba mwa sibaka sa yona, sina linaleli, halibanga mwa sibaka.

⁵² Cwale, kana mwa ziba, lubile ni lindwa mwa mulaho wa lindwa, ni mihuwo ya lindwa? Mi haiba lifasi lizwelapili kubateni, lukaba ni lindwa zeñwi zeñata. Kono kana mwa lemuha kuli kuna ni fela mata amabeli mwa lifasi loote? Mwahala kushutana kwa luna hala linaha, ni kushutana mwahala yomuñwi ni yomuñwi, ni lika kaufela, lifelela mwa mata amabeli kaufela zona. Kuna ni fela mata amabeli, mi kuna ni fela mibuso yemibeli; mata amabeli, ni mibuso yemibeli. Zeñwi zesiyezi kaufela, lika zenyinyani, litamahani kwa neku leliñwi la mata ani. Mi mata ani ki mata a Mulimu ni mata a Satani. Sani kona...Ndwa kaufela, kusa lumelelana kaufela, sika kaufela sesitaha cwalo, sikona ku zamaiswa ki mata a Mulimu kamba mata a Satani, kakuli ani kona fela mata amabeli aliteni. Mi ani ki mata a bupilo ni mata a lifu. Cwale, ani kona mata amabeli.

⁵³ Mi Satani ukona fela...mata a Hae, una ni, ki mata a Mulimu a fetuzwi. Ona haki mata aluli. Ki kulyanganisa kwa mata a Mulimu, lika kaufela za nani Satani. Lifu ki bupilo bobu fetuzwi fela. Buhata ki niti yesika bulelwa fela hande. Mwabona? Boozwa ki—ki kezo ye sa itusisiwi hande, kezo yelukile ye sa itusisiwi hande. Mwabona? Lika kaufela zeo Satani anani ki sika sesiñwi sesi lyanganisizwe, kono ki mata.

⁵⁴ Mi luna, kacenu, aluinzi cwana, mata alimañwi kamba asili aka lu zamaisa. Kacwalo halu haneleñi ya maswe. Halungeni libaka zaluna sina linaleli za lihalimu.

⁵⁵ Sina Bibebe haibulela, “Linaleli ze icambaela,” mwani mwa Buka ya Juda, “linze lilwala maswabi a zona.” Mi luna halulati kuba linaleli ze icambaela; ha ni zibi kamba *se* silukile, ha ni zibi kamba *sani* si lukile, ha ni zibi kamba sika ezahala, ha ni zibi mo si ka ezezwa. Musike mwa zingeha ka ku saziba. Muine sina linaleli zani za lihalimu, sina musole wa niti fa sibaka sa musebezi wa hae. Muyeme foo, mulumele! Bupilo ni lifu.

⁵⁶ Cwale, mpi ya ndwa, haiba ki mpi luli ya ndwa, naha ha iitukisa kuyela naha yeñwi, ilukela pili kuina ni ku fumana sesinde ni sesi maswe, kubona haiba bakona kuyela naha yeñwi ku yo ilwanisa kamba nee. Jesu na lutile cwalo. Mi haiba batu baka eza cwalo, haiba linaha lika—lika inafafasi, ni kutuhela ni ku nahana fa lika zani, kwa maneku amabeli, nelusike lwaba ni lindwa ni hanyinyani.

⁵⁷ Cwale, lu fumana kuli, haiba mutu haezi cwalo, haiba litoho ze zamaisa liluko la masole hali inifafasi, pili, ni kubona kunyakisisa haiba ba lukisize, ni maikuto ni milelo ya bona ilukile, mi haiba bana ni bundume bo buswanela ni mata akukona kukoma sikwata sa masole sesitatama, konakuli ba tamehile ku komiwa.

⁵⁸ Fani kona fana pangezi mafosisa amatuna Muzamaisi Custer. Muzamaisi Custer, sina ha Ni utwisia, nana ni litaelo kuzwa kwa muso, kuli asike aya kwa naha yama Sioux, kakuli neli nako ya bulapeli kubona. Neli nako ya milapelo. Neba na ni mukiti. Kono Custer kiha kolwa, mi ahupula fela kuli naka eza mwana latela. Kuli ayo sila, ni ha neikaba litaelo kamba kusina litaelo. Mi kaniti se ba kunupa batu babañwi babasina mulatu, ba ba kunupa. Na sepa neba natile babañwi ba kubona. Neli ba lipapali za sikauti, kwande, inze ba bata lico, kuli bafepe sicaba—sicaba sa bona hane sili mwa milapelo. Mi Custer, inza sila, kiha ba bona, mi ahupula kuli ne ba bata sikwata sa neku labona, mi kacwalo bato kunupa ba lipapali za sikauti bani. Mi ba sikauti ba se ba mata, ku kuta. Ki sikamañi sene ba ezize? Neba itukisize za ndwa, mi kiha seba taha. Mi ani neli ona mafelelezo a Muzamaisi Custer, kakuli nasika inafafasi ni ku nahana, pili.

⁵⁹ Nasina musebezi kwani. Nasina tukelo yakuba kwani. Na kashize ma Indian kuzwa kwa Likamba lakwa Upa, musipili kaufela kuyofita kwa Wiko, hamoho cwalo. Mi neba nani bulikani, kono yena a loba bulikani. Mi cwale hana lobile bulikani, kona fana luzelize ndwa.

⁶⁰ Mi kacwalo mpi, sapili, ka kuitukiseza kuya kwa ndwa, pili kulukela kuba liketisa, masole babañwi. Balukela kuapala za kulgana ni zona. Balukela kulutiwa kaza kulwana.

⁶¹ Mi Ni lumela kuli ndwa yetuna kufitisisa yekile yalwaniwa, cwanoñu fa ilibezezi kukolota. Nilumela kuli Mulimu ubile aketa

masole ba Hae. Na lumela Ubile aba tinisa, kuba luta. Mi ndwa se itomile cwale, kuitukiseza kukala.

⁶² Ona ndwa, tuna yapili yekile yalwaniwa ye, neikalezi mwa Lihalimu, fani Mikaele ni Mangeloi a Hae analwanisize Lusifa ni mangeloi a hae. Kona kone ikalezi lwapili, ndwa ya pili neili mwa Lihalimu. Kacwalo, sibi ne si sika kalela fa lifasi, nesi kalezi mwa Lihalimu.

⁶³ Mi he kiha si nepelwafafasi kuzwa mwa Lihalimu, ku nepelwa kukashiwa kuzwa mwa Lihalimu, kutaha fa lifasi, mi sato wela fa libupiwa za batu. Mi ndwa, yeneli ya mangeloi yatoba ndwa ya batu, se liba lindwa za batu. Mi Satani kiha taha kuto sinya pupo ya Mulimu, seo Mulimu nabupile kuli sibe sa Hae luli. Sa na ezize, Satani, ataha kuto si sinya. Sani kona sene sili mulelo wa hae, neli wa kusinya. Mi ndwa kiha ikalela fa lifasi fa, mi ikalela ku luna, mi ibile ikolota kuzwelela ona fani.

⁶⁴ Cwale, ndwa ifi kaufela isika beiwa kale kuli ikale, pili bana ni kuketa sibaka sa makopanelo, kamba sibaka koku lukela kulwanelwa ndwa, sibaka se siketilwe.

⁶⁵ Mwa Ndwa Yapili ya Lifasi, neku ketilwe sibaka, se si sina muña sona kone ba lwanezi. Mi ku lukela kuba sibaka se si ketilwe.

⁶⁶ Sina fani Isilaele hane iyanga kwa ndwa ni Mafilisita, ne kubanga ni—ni—ni lilundu kwa maneku amabeli kaufela kone ba kopanelanga. Mi kwani kona kwa na tile Goliati ku to biza limpi za Isilaele. Kwani kona koo Davida na mu katanyelize, mwa musindi, hana silile kanukana kene kali mwahala malundu amabeli, a nopa macwe.

⁶⁷ Kuna ni kuba sibaka se si ketilwe. Mi ku sona se, kuna ni—ni sibaka sa makopanelo, sibaka se si sina muña sona, mi balwanela *kwanu* fa sibaka se. Bona haba ezi fela, yomuñwi ulwanela *kwanu*, mi yomuñwi kwatasi *kwanu*, mi yomuñwi umatela *kwanu*. Kuna ni sibaka sa kulwanelia ni ku kopanelia ni ku tatuba mata abona, koo mpi kaufela itatuba mata ayona kulwanisa mpi yeñwi, sibaka sa makopanelo. Cwale, musike (munge) mwa mbwinja se.

⁶⁸ Mi ndwa yetuna ye hane ikalile mwa lifasi, nekuna ni kuba ni sibaka sa makopanelo. Nekuna ni kuba ni sibaka se si ketilwe fakuli ndwa ikale, ni kuli ndwa ikolote. Mi ndwa yani ikalezi mwa munahano wa mutu. Kwani kona koikalela ndwa. Munahano wa mutu wo neli sibaka sene si ketilwe sa kulwanelia ndwa, kone ikalezi, mi sani kikuli buketelo bu ezezwa mwa minahano, mwa toho. Cwale, neba sika ikaliseza mwa katengo. Neba sika ikaliseza mwa kutwano ya za lilemano. Kabakaleo lindwa neli sika kalela kwani. Kabakaleo, katengo kani ha ka koni, kueza musebezi wa Mulimu, kakuli libaka za ndwa, ko mulukela ku kopana ni sila sa mina, ki mwa munahano. Mu lukela kupanga buketelo bwa mina. Za mikatanyeza.

⁶⁹ Ni bata kalibe yomunyinyani yo fa, ya kula hahulu, kuli abe ni niti ka kuteeleza ku se, ka tokomelo luli.

⁷⁰ Buiketelo bupangiwa mwa munahano, mwa toho. Kwani kona koo Satani akopana ni wena, mi buiketelo ki kuli, kakuli Mulimu na bupile mutu ona cwalo.

⁷¹ Cwale, Ni nani (kambe mutualimile ku ze ni ñozi fa) mapa yenyinyani ye swanisizwe fateni. Ne nina ni yona kwanu haki kale hahulu, fa . . . neitusisizwe fa limati. Mutu ubupilwe fela sina lubeke lwa buloto. Ki peu. Mi mutu ki peu. Kabutu, mina mu lipeu za bo ndata mina ni boma mina; mi bupilo buzwa ku bo ndate, litalo lizwa ku boma. Kacwalo, ba babeli, hamoho, ona lii ni—ni mali, litaha hamoho. Mi mwahala mali kuna ni bupilo. Mi mwahali mwani kona mo bukalela, kuhula, kubupa ona—ona mwana. Cwale, peu kaufela ina ni sikapi kwande; mwahala kuna ni litalo lelipila; mi mwahala litalo lelipila kufumaneha towati ya bupilo. Kulukile, cwalo kona mo lu bupezwi. Luna lu mubili, moyo, ni moyo. Sa kwande, ki mubili, ona sikapi; mwahala sani, lizwalo ni zeñwi cwalo, ki moyo; mi mwahala moyo, ki moyo. Mi moyo kona o busa zeñwi zani kaufela.

⁷² Cwale, haiba mu yo inafafasi kwa hae, mi muswanise tukwenda totulalu totunyinyani. Mu ka fumana kuli mubili wa kwande una ni maikuto a ketalizoho ao uitusisa kuswaliwa ka ona, mi zani ki kubona, ku lwaza, kuswala, ku nunkelela, kuutwa. Ani kona maikuto a ketalizoho a zamaisa mubili wa mutu.

⁷³ Mwahala mubili kuna ni moyo, mi moyo wani u zamaiswa ki ku akaleza, lizwalo, kupuzo, ku nahaniseza, ni kutasezwa. Zani kona lika ze zamaisa moyo.

⁷⁴ Kono, haili moyo, ona una ni fela maikuto alimañwi. Ona moyo . . . Oh, halu teezezeni. Moya una ni maikuto alimañwi, mi maikuto ani ki, kamba ku ubusa, ki tumelo kamba kukakanya. Yani ki niti. Mi kuna ni fela ka nzila kalikañwi ka kaya mwateni, yani ki tukuluho ya kuiketela. Wakona ku amuhela kukakanya kamba ku amuhela tumelo, iliñwi ya zona kona ye mutabela ku beleka ka yona. Kabakaleo, Satani na kalezi fa siemba sesituna, ku ezisa moyo wa mutu kukakanya Linzwi la Mulimu. Mulimu na kalezi fa sibaka sesituna, kubeya Linzwi la Hae mwa moyo wa hae. Kifohe cwale. Sani kona sesi peta zeo.

⁷⁵ Haiba keleke ye, ona fa neika beiwa hamoho, ni kulukiwa hamoho ka mukwa wa kuli mutu kaufela uba mwa swalisanayo buñwi, kusina nihaiwa muluti wokana wa kukakanya, nekusike kwaba mutu ya fokola mwahala luna, mwa mizuzu ye ketalizoho yemiñwi. Nekusike kwaba alimuñwi mo ku luna yana ka lakaza Moya o Kenile kono konji yana ka U amuhela, kambe ne mu kanga taba yeo ku iutwisisa. Cwale, kwani kona koo ndwa ikalelanga, ona mwa munahano wa hao, kamba wa itakaleza.

⁷⁶ Cwale muhupule, haki Sayansi ya Sikreste, cwale, muisize kwateri muhupulo. Sani hasisika... Munahano u amuhela Bupilo, ye li Linzwi la Mulimu, mi mwani kona mo kutaha Bupilo. Mihupulo yamina haiezi cwalo. Kono, Linzwi la Mulimu, litisiwe mwa sikuka sa minahano ya mina. Mwabona? Ha ki mihupulo, sina Sayansi ya Sikreste mo iezeza, muisize kwateri muhupulo. Batili. Sani haki sona.

⁷⁷ Kono, muhupulo wa hao wa I amuhela. Wa I swala. Kana muhupulo wa hao u zamaiswa kañi? Moya wa hao. Mi moya wa hao uswala Linzwi la Mulimu, mi sani kona sika se si na ni Bupilo ku Sona. Sitisa Bupilo mwahali ku wena. Oh, muzwale! Mi sani ha si ezahala, mi Bupilo habutaha cwalo mwa buino bwani, ku mina, Linzwi la Mulimu libonahalela ku mina. “Ha mu ina ku Na, mi Manzwi Aka aina ku mina, mukupe se mu lakaza mi si ka eza ku mina.”

⁷⁸ Konakuli sani si eza sikamañi? Kuzwa mwahala pilu, mo kuli moyo, kuzwa mwani, kufepa buino kaufela. Butata bwa teni ki kuli, lu yemi mwahali *mo* ka kukakanya kokuñata, ku lika ku amuhela sesili kwande *kwani*. Mu lukela kutuhela zani; mi mushetumuke ka buino bwa Linzwi la Mulimu la niti, mi kipeto waya kwande, ona uñi, ka ona uñi. Ki sesili mwahali. Yani kona taba ya butokwa, ki mwahali.

Tasezo ya Satani izwa mwahali.

⁷⁹ Cwale, mu li, “Hani uzwangi. Hani nwangi. Hani ezangi lika ze.” Zani halina sa kueza ni sona.

⁸⁰ Mwabona, ki mwahali. Hakuna ka mobezi yomunde, ka mobezi ya iswala, ka mobezi ya na ni niti, lika zani za kutekeha. Kono Jesu naize, “Konji pili mutu apepwe sinca.” Mwabona? Kuna ni sesi lukela ku ezahala mwahali. Haiba hamuezi, zani ki za kuikankabeka fela, kakuli mwahala pilu ya mina mu itakaleza kueza cwalo nihakulicwalo. Hali koni kuba za kuikankabeka. Lilukela kuba za luli.

⁸¹ Mi kuna ni fela nzila iliñwi yekona kutaha ka ku shetumuka, mi yani ki ka tukuluho ya buketelo, kutaha mwa moyo, ka mihupulo ya mina. “Ona mwa nahanelu mutu mwa pilu ya hae, kona mwa inezi.” “Ha mu kali kwa lilundu le, ‘Zamaya,’ mi mu sa kakanyi mwa pilu ya mina, kono mulumela kuli se mubulezi sito ezahala, mwakona kuba ni se mubulezi.” Mwa utwa kana? [Puteho ili, “Amen.”—Mu.] Kifo he cwale. Mwabona? Kwani kona kokuna ni mafulo a ndwa. Haiba mukona fela kukalisa sani, pili.

⁸² Lu mwa tibelelo yetuna fa kubona lika ku ezahala. Lu mwa tibelelo yetuna kuli lu ezeze sesiñwi ku Mulimu. Kalibe yomunyinyani yo haki... tibelelo, hakuna kukakanya, tibelelo ya kupila. Ubata kuba hande. Babañwi bateni mo, baba bata kuba hande. Mi halu utwa kaza taba ye, sina dokota, zuho ya bafu, lika zetuna zeo Mulimu waluna uezize, konakuli lu ba mwa

tibelelo. Mi taba yateni kikuli, lu lika kufita mwahala maikuto aa, kuba ni kuswala sika sesiñwi, lika lizwalo.

⁸³ Batu babañata hahulu, linako zeñata, ba bulezi Linzwi ka mafosisa. Mi ha Ni sika utwisiswa ka taba ye, ka kubizeza batu kwa katala. Ni ize, “Ne ni sa ami hahulu fa kubizeza kwa katala,” hanitalusi kuli musike mutokwe kubizezanga batu kwa katala.

⁸⁴ Kono mutu yomuñwi aswale mutu yomuñwi kwa lizoho, muli, “Oh, Muzwale John, kana wa ziba? Na ni wena lubile bo muyaha mabapa linako kaufela. Utahe kwanu kwa katala, taha ukubame.” Kiñi sa eza? Kambe Ni bile ni limati fa, Neni ka mibonisa sa sweli kueza. Ulika kubelekela mwa moyo wa hae, fa kutasezwa. Sani ha si beleki. Yani haki yona nzila. Kaniti, haki zona.

⁸⁵ Mwendi ubelekela mwa (mwa sikamañi?) mwa kupuzo, kufitela mwa maikuto a moyo wa hae. “Oh, Muzwale John, no nani bo maho babande. Ba shwile seli kale.” Ki kupuzo! Mwabona? Hamukoni kueza cwalo.

⁸⁶ Silukela kutaha ka kushetumekela mwa buino bwa tukuluho ya buketelo. Wena, kasibili, utuhele Linzwi la Mulimu... Hautahi kakuli bo maho neli basali babande. Hautahi kakuli u muyaha mabapa yomunde. Utaha kakuli Mulimu ukubizize kuli utahe, mi u Mu amuhele ka mutomo wa Linzwi la Hae. Linzwi lani kona lelitalusa lika kaufela. Linzwi Lani! Haiba ukona kuzusa lika kaufela mwa nzila, lizwalo kaufela, maikuto kaufela, mi utuhele fela Linzwi kukena mwahali, Linzwi lani likatahisa fela ze petehile.

⁸⁷ Kwanu, mwabona seo Li apesizwe ka sona? Mu li, “Kulukile, cwale,” mu li, “kulukile, ze, lizwalo ni maikuto, ni zeñwi cwalo, musike mwaba ni sa kueza ni zona, Muzwale Branham?” Kaniti, ku cwalo. Kono haiba mutuhela Linzwi kukena mwahali, mi mu Li apese ka lizwalo, konakuli Hali sa hula; likona kuba linzwi leli kopamisizwe.

⁸⁸ Kana mukile mwabona peu ya mbonyi yecezwi mwa mubu, mi mutuhela kakota kuba fahalimu a yona? Neika hula ka ku sikama sikama. Mutai kaufela, sika kaufela sesihula, sikaba, kakuli sesiñwi si sitibezi.

⁸⁹ Kulukile, bwani kona butata bobuli ni Tumelo ya mapentekota kacenu. Lu tuhelezi lika zeñata hahulu ku Li tibela, Tumelo ye lu lutilwe, ona Moya o Kenile opila ku luna. Lu tuhelezi hahulu lika zeñata, ku talima ku mutu usili fela.

⁹⁰ Mi diabolosi kamita ulikanga ku mi supeza kwa mafosisa a yomuñwi, kono ulika ku mi beya kwahule ni bupaki bwa niti. Uka mi supeza ku muipi, linako zeñwi, ya naile kuyo likanyisa sika sesiñwi. Na sika eza sani, kakuli nasweli kulikanyisa. Kono haiba sizwa kwa makalelo a niti a Linzwi la Mulimu, “Lihalimu ni lifasi lika fela, kono Linzwi la Ka halina kufela,” Li lukela kuina fani.

Mwa si bona, kezeli?

⁹¹ Li lukela ku amuhelwa mwa munahano, mi Li lumelwa ka pilu. Konakuli Linzwi la Mulimu likaba la niti, konakuli maikuto kaufela a mwa moyo ni mubili aka swalana ni Moya o Kenile. Konakuli maikuto amina a Mulimu, lizwalo lamina la Mulimu, lika kaufela zeli za bumulimu, zabuba ku mina. Hakuna kukakanya kai kamba kai. Hakuna sesi kona ku zuha.

⁹² Hakuna sesi kona kutaha mwa kupuzo, mi muli, “Kulukile, Ni hupula Ma Jones yana likile ku sepa Mulimu, mi Me wa *Kulini-kuli*. Ma Doe nalikile ku sepa Mulimu ka foliso, nako yeñwi, mi napalezwi.” Mwabona?

⁹³ Kono haiba muzamao wani ulukisizwe mi u tapisizwe, mi ortalizwe mwahali ka Moya o Kenile, sani mane hasitahi mwa kupuzo, hakuna taba ka zeo Ma Jones ni sa na ezize. Ki wena ni Mulimu, hamoho, mi hakuna usili kono ki mina ba babeli. Kifo he cwale. Yani kona ndwa yamina. Ku mu bulaya kwa simuluhu. Ku mubeye inza shwile mwa nzila ya hae. Haki butelele bo mu buluka ndwa inze ikolota. Ki, mutuhele ona fa!

⁹⁴ Haiba mu taha, mi muka buluka likupuzo zani ni lizwalo, ni lika kaufela, munahano zakuli, “Kulukile, Ni kasana nipalelwa. Ha ikoni kuba ka kuluka.” Musike mwa eza ze cwalo, ni hanyinyani.

⁹⁵ Munepele kwatuko lika kaufela, mi mu kwalule muzamao, mi muli, “Mulimu, Linzwi la Hao kila niti Kuyakuile, mi Ki laka. Haiba keleke kaufela ikapalelwa, haiba lifasi kaufela lika palelwa, ibo Na hanina ku palelwa, kakuli Ni nga Linzwi la Hao.” Yani kona ndwa. Yani kona taba.

⁹⁶ Kikabalañi Mulimu ya Mata hana ka zusa kansa kuzwa fa lizwele la musali, kusina liñiba, mi atuhele mwana hae alibale inza shwile? Batili, sha.

⁹⁷ Musizana yomunyinyani natile kwanu, haki kale hahulu, ya zwa kwa sikolo se si pahami. Bo mahe neba ni bizize, ali, “Muzwale Branham, musizana waka una ni butuku bwa lubete ni sibiti.” Yani ki kansa, ibupanga bikokoma. Mi dokota anga siemba sa silama sene sipazuzwi fa mumizo wa hae, a si lumela kusili, mi neli butuku luli lwa lubete ni sibiti.

⁹⁸ Kacwalo ki hali, “Kuli kutahe yeñwi, ikona kututela fa pilu. Haikaba cwalo, kipeto waikela.” Ali, “Yena haana... Kamo litahelanga, una ni, nihakulicwalo, ka likweli zetalu, za kupila.”

⁹⁹ Bo mahe sebali, “Ki sikamañi se Ni kaeza? Ku muisa kwa sikolo?”

¹⁰⁰ Ali, “Mutuhele azamaye, kakuli u kaya hande kapili.” Mi ali, “Mu mutuhele fela aye apile ni bupilo bobu iketile, kuya ka mwa konela. Musike mwa mu bulelela sika kaufela.”

Kacwalo kalibe ali kuna, “Ki sikamañi se Ni lukela kueza?”

¹⁰¹ Se nili, “Mu mutise kwanu mi mubeye mwa mukoloko wa kulapelelwa.” Mi se Nili, “Mu tahe ni yena.” Ne niikutwile maikuto nyana a lisheha.

¹⁰² Mi musizana yomunyinyani yani hanatile, kakusasana wani, ni milomo yebonahala bundilu, bakenisa mipende, mi sina sikolo halina ni zona. Mi—mi yomunyinyani wa batu kiha taha. Ne nisa zibi yo akatoba yena; yana ka ni biza ka luwaila. Ne ni muswelii kwa lizoho. Se nili, “Ki kakusasana, kezeli.” Nali fani cwale. Yani neli yena. Mwa mizuzu fela yelikani, kuto talima bo mahe ni kubona sibeli sabona basina Mulimu, kusina Kreste. Se nili, “Mukona ku libeleta cwani foliso fa mayemo a cwana? Kana mu ka amuhela Jesu Kreste kuba Mupilisi wa mina?” Se nili, “Kikuli mu ka taha kwa kasa kwanu kuto kolobezwa ka Libizo la Jesu Kreste kwa swalelo ya libi za mina?”

Kiha bali, “Luka eza cwalo.”

¹⁰³ Oh, mwa ziba sene si ezahalile. Musali yani hakulata uinzi mo kakusasana cwana. Buñata bwa mina mwa iziba taba. Muzwale Mike Egan, alimuñwi wa basepahali kwanu, na talimile taba. Sani sesibile lilimo zene kamba ze ketalizoho zefelile. Musizana yomunyinyani na kutisizwe ku dokota, nekutokwile nihaiba pono ya butuku bwa lubete ni sibiti.

¹⁰⁴ Butata neli bufi? Ne mu na ni kukwalula muzamao, pili. Mu na ni kunga Musole, yena Moya o Kenile, kubeiwa fa pata a mafulo a ndwa, sani silwala Linzwi la Mulimu. Yena ki Linzwi. Mi Uyema fani, hakuna sika sesi ka Si tuhelisa hasamulaho. Hakuna sesika... Mizamao yeñwi kaufela ise i felisizwe. Sina fela mungomo wa kale ni mukoti utalimezi mwa halimu; mubeye mulilo fateni, uka kasheza sibyana sa mina mwa halimu. Bwani kona butata bobuli ni Bakreste babañata baba ikuhumusa, kakuli ha ba lukisangi muzamao, habayangi kufita kuza mwahali. Mu lukela ku likenisa, lizwalo, kupuzo, minahano, kubeya kwatuko lika kaufela, mi kukalela mwahali kutaha kwande, ka Linzwi la Mulimu lani leli sika zwakiwa, kuli Ki yona Niti.

¹⁰⁵ Hakuna taba babaeza likiti zelishumi aka shwa kwa neku *le*, kacenu, kakusepa; kuli baabeza likiti ze lishumi ba shwa kwa neli *lani*, kamuso, kakusepa; sani hasina sa kueza nina. Na ni inzi ni nosi. Kina ya sweli kusepa. Kina ya li lumela. Mi lwa bona kwa mulaho kwani, kambe ne luka bata kukwalula mizamao ya luna kwani, haiba lu kona, ni kubona. Lu fumana *yo ni yani*, ni *yo ni yani*, likiti za bona, inze bapaka.

¹⁰⁶ Kono diabolosi uka lika kukuta luli. Mwabona, haiba akona kukena mwahali mwani, ni hanyinyani, kona kuli una ni mpi ya hao mwa nzila yateni.

¹⁰⁷ Haiba mu na ni maikuto amina, kubona, kuutwa ka lulimi, kuutwa ka kuswala, ku nunkelela, ni kuutwa, kaufela ki zende, kono musike mwa li sepa konji haiba li lumelelana ni Linzwi.

Ki zende zani, kono, haiba li lwanisana ni Linzwi, musike mwa liteeleza. Cwale, ku nahaniseza, lizwalo, likupuzo, kukakanya, ni kutasezwa, ki zende haiba li lumelana ni Linzwi. Kono haiba litasezo za mina ha li lumelana ni Linzwi, mu lizuse. Muka futa kuli lizwe, kapili luli. Mwabona? Haiba kukakanya kwa mina haku lumelani ni Linzwi, mube kwahule ni kona. Yani ki niti. Yona injini... Haiba kupuzo yamina, haiba ku nahaniseza kwa mina, haiba kupuzo ya mina, sika kaufela, hali lumelana ni Sani sesili mwahali, mube kwahule ni zona.

¹⁰⁸ Ki sikamañi semunani kasamulaho? Mu na ni mulao wa kucisa kwa lizazi. Haleluya! Ki, Mulimu yana tomile linaleli mwa swanelo mi sali, “Muine onafo kufitela ha Ni ka mibiza!” Li ina ona kwani. Hakuna sika se si ka lishenyisa. Mi Mulimu hakona kunga mutu mwa mazoho a Hae, kufitela aba ni maikuto, lizwalo, lika kaufela za zusiwa mwateni, kufitela liyema ni Mulimu mwa mulaho wa zona, mwa moyo, hakuna diabolosi mwa lifasi yakona kukasheza kukakanya mwahali mwani. Yani ki niti.

Uka taha mwa mulaho ni kutoli, “Wena ha uikutwi hande ni hanyinyani.”

¹⁰⁹ Lizwalo la hao liile mane, ku sani. Kwa kuzwela kwa iponahaza, kwa huweleza, “Haleluya!” Kwa kuzwela kuliza pindo, “Kanya ku Mulimu!” Kwa benya katata, kaniti, ka kukena ni ku iponahaza, kuli Linzwi la Mulimu li beleke mwateni, Mata a Mulimu. Mwabona? Yani kona taba yateni.

¹¹⁰ Sani kona sibaka sa ndwa ya mina. Sibaka sa ndwa ya mina si kwa mulaho kwanu kwa simuluho, kwa mulaho kwanu mwa moyo, kwa mulaho mwa muhupulo wa mina. Mu—mu nahano ki munyako wa mwa moyo, munyako wa mwa moyo, ni taluse. Munahano wa mina wa kwaluha ni ku amuhela moyo, kamba wa hana moyo. Mwa kona kuba ni lizwalo lelinskyanyi, ni maikuto amanyinyani, ni kuzamaya mubili kokunyinyani, lika ze kaufela. Sani hasina sa kueza ni sona. Kwani ki kuzamaya mubili ko kunyinyani fela ni lika. Kono halitaha kwa buniti, munahano wa mina wa kwaluha. Munahano wa mina uka iamuhela kamba kuhana. Kona cwalo, balikani.

Mulimu, kusike kwaba nihaiba alimuñwi yaka si mbwinja.

¹¹¹ Mwabona, ki munahano wa mina o kwalula sikwalo; kamba kukwala sikwalo, mi muteeleza kwa lizwalo lamina, muteeleza kwa kupuzo ya mina, muteeleza kwa kutasezwa kwa mina. Kono munahano wa mina hauikwalela kwa lika ze, ni kutuhela Mulimu, ona Moya wa Linzwi la Hae, kutaha mwateni, Uka kasheza kwande lika zeñwi kaufela. Kukakanya kaufela kwa iconga. Sabo kaufela ya iconga. Ku zamaya mubili kaufela kwa kukakanya kwa iconga. Maikuto kaufela aiconga. Hakuna sesi yemi mwani kwanda Linzwi la Mulimu, mi Satani hakoni

kulwanisa Sani. Batili, sha. Hakoni ku Si lwanisa. Cwale, lu ziba kuli yani ki niti.

¹¹² Lindwa ze libile likolota kukalela ka lizazi la simu ya Edeni, ndwa ya mwa munahano wa mutu. Satani kiyena yana i kalile. Ki sikamañi sa na ezize hana katani Eva? Na si ka latula Linzwi la Mulimu, kono na Li kabisize. Na yemisize mizamao yemiñwi cwalo fokuñwi fa. Na ize, “Kono kaniti Mulimu...” Genese 3:1. Mwabona? “Kaniti, Mulimu, lika ze kaufela za Na—Na—Na sepisize...” Nazibile kuli Linzwi neli lukile. Kono nazibile kuli na sika kona kutaha fela cwalo ni ku Li hanyeza, ku tompolola ona cwalo, kono na—na—na lungile shuka ku Lona.

¹¹³ Sina boma hane ba luisanga kwa ku nwa mulyani, mi nebalika kubeya teni mulo wa olonji mwa mafula akushengununa. Mawi, mwa sikaba sa ku nwa fela mafula akushengununa kusina ku nwa mulo wa olonji! Sika kaufela sesili sa buipi! Mwabona? Boma... Ne lu zuhangka nako ya busihu, mi ne ba lu fanga oli ya mafula a likota, bakeñisa kufipelwa kwa banana. Mi neba beya oli ya kushengununa kwa likota, ni kubeya mwateni shuka; mwabona, mufuta wa buipi. Kono neicisa mwa makilihani, onacwalo, kuyafafasi, kasamulaho wa shuka imano fela.

¹¹⁴ Kulukile, cwalo kona mo ku inezi, mulikani. Satani ulika kuba—kuba wa buipi ka zona. Ulika ku mi bonisa sika sesinde, nzila ye bunolo, mulelo ona ni bunangu. Kono hakuna mulelo ona ni bunangu kufita zeo Mulimu na tomile kwa simuluhu, Linzwi la Hae. Muswale Linzwi lani. Mube ni kuswala ku Lona. Ni lona Li mi swale. Muine fani ni Lona. Yani kona—yani kona taba.

¹¹⁵ Ndwa neitilo kolota fani Eva ha to kwalula muhupulo wa hae, kuteeleza kwa ku kakanya kwa hae. Wani kona mukwa one itezi ka ona. Wani ki—ki muzamao onotaha fafasi, ku kakanya kwa hae. Musali, mwa moyo wa hae, na kakanyize.

¹¹⁶ Meto a hae nali a buheha. Na boni noha. Nali yomunde, lizwabande, bunde bone bufita muuna hae. Nali yena ya butali kufitisisa mwahala libatana kaufela za mwa simu, mi yena nali muuna yomunde kufita muuna hae. Na bonahala sina sibatana sa mibili otomile hande inza yemi fani. Haki butuna ni boo! Mi na lika ku mu bulelela butuna bwa sika sa teni mone buinezi.

¹¹⁷ Mi sika sapili sa na ezize, na kwaluzi muhupulo wa hae. Mi hana ezize, kukakanya kwa butu kwa sikumalela. “Kiñi, kana sani nesisike saba se sitabisa?”

¹¹⁸ Sani kona sika saeza ku musali kacenu. Musali yomuñwi yana ni muuna hae yomunde yomunyinyani, ufunama yomuñwi, yomutuna, sinata sa muuna. Muuna yo uka lika kukwalula minahano ya hae. Muhupule, yani ki Satani. Yani ki diabulosi. Kamba, ku shutanisa, muuna ku musali, musali ku muuna, mwa mufuta kaufela. Yena ueza sikamañi? Ubelekela mwa mata a

kunahanisisa ani, lizwalo lani kamba sesiñwi, ukala ku zamaya ona cwalo.

¹¹⁹ Kono mufange Linzwi la Mulimu sibaka sa pili. Mutu hakoni mane nihaiba ku . . . Hakoni kueza sibi . . . Haleluya! Ki se fa. Se sitaha, bunca. Mutu hakoni kueza sibi konji pili anepela Linzwi la Mulimu kwa tuko. Yena mane hakoni nihaiba kueza sibi, sani, ki kusalumela. Konji pili atokolomohe Linzwi la Mulimu, ona Pata ya Mulimu, hakoni kueza sibi.

¹²⁰ Eva na sa koni kueza sibi konji pili anatilobeya kwatuko Linzwi la Mulimu, ku kwalula muzamao wa ku nahaniseza ka kukakanya mwa moyo wa hae, mi akala ku nahaniseza. “Kiñi, kaniti. Muuna ka hasika ni bulelela kale lika ze, kono Na lumela kuli wena . . . Na ni bulelezi kuli Niske na eza se, kono, mwa ziba, usi utwahalisa hande mi ka bukwala. Na—Na lumela ikaba sika sesinde, kakuli usi utwahalisa ka bukwala kuna.” Mwabona, yani neli ndwa yapili. Mi, kufitela mwa ndwa yani, kutahile lindwa zeñwi kaufela. Ni mali kaufela akile asuluha, na tisizwe kwani kwa Edeni. Na sika lumela Linzwi la Mulimu.

¹²¹ Mi haiba ka towati kalikañwi ka Linzwi la Mulimu neka hanilwe, kona kokutahile butata boo, luka kuta cwani, kusa lumela Linzwi? Hamukoni kueza cwalo. Mu lukela kukwala likupuzo ze kaufela, lizwalo, likupuzo, mi muli . . . kukakanya, ni lika zeñwi ze. “Munepele kwahule kukakanya kaufela.” Ha lu kakanyi ka lona, ni hanyinyani, hakuna ze cwalo.

¹²² Lu amuhelanga fela Linzwi kuya ka mutomo wa kuli, “Mulimu na bulezzi cwalo,” ni kutoma mulapo mwahala hao ni Mulimu. Muzamao kaufela utaha ukwaluhile mwahala hao no Mulimu, kasamulaho.

¹²³ Yani kona ndwa, ona sikhenda, sa pili sani. Lusike lwa itusisa tobolo yabu twenti tuu; halungeni bomba ya—ya atomiki. Haluezeni misebezi ka kuluka. Halungeni bomba ya atomiki ya Mulimu. “Ki sikamañi sani, Muzwale Branham?” T-u-m-e-l-o mwa Linzwi la Hae. Yani kona bomba ya atomiki ya Mulimu. Ikasha matuku ni mioya ya diabulosi, kwa silyo ni nzohoto. Ya—ya liyundisa. Ki ku kauhanya . . . Oh, ki . . . Yona ika sinya fela. Yona ya kauhanya lika kaufela ze si za bumulimu. Mi bomba yani ya tumelo ha iwela mwani, ni Linzwi la Mulimu mwa mulaho wa yona, ikasha diabulosi kaufela, makulano kaufela, butuku kaufela.

¹²⁴ Mu li, “Kana ki niti yeo, Muzwale Branham? Cwale kiñi hasi, fokuñwi, mi isiñi ku zeñwi?”

¹²⁵ Ki ka mukwa wa muzamao. Mwakona kutalima ni kubona. Kono mulukela kuba ni zona *mo*, kutalima neku *le*. Isiñi kwande *kwani*, kutalima mwani; mulukela kuba mwahali, kutalima kwande. Mwabona? Hamukoni kokena ka kukakanya. Hamukoni kutaha ka lika zeñwi ze. Mulukela kutaha ka

muzamao wa Mulimu wa zona, kukalela mwa moyo. Mi muka lieza cwani? Kiufi muzamao wa mafelelezo?

¹²⁶ Ki kuka- . . . ku shetumuka cwalo. Mu li, maikuto, “Oh, Na—Na kona ku ikutwa zona. Eee, kifohe cwale. Uh-huh. Oh, Na—Na kona ku nunkelela, kamba zeñwi cwalo. Lika ze liteni. Eee.” Sika sesitatama, mwa kakanya, “Kulukile, ku bonahala kuli ulukela kuziba za bulela fateni. Dokota ubulela kuli Hanina kufola. Sani silukela kuba.” Mwa bona, ona fani mu—mu fosize. Yani ki diabulosi ya yemi fani. Yani ki diabulosi yakenya lika ze ku mina. Musike mwa li lumela.

¹²⁷ “Halleluya! Linzwi la Mulimu liize Ni ka . . . ‘Fahalimwa lika kaufela, Ni lakaza kuli mube hande mwa buiketo.’ Yani ki niti.” Ukona kuba cwani musole kwande kwani? Mwabona, “Ni bata kuli mube hande mwa buiketo.”

¹²⁸ Ki sani fani, ona fani, mizamao yani. Mu ikungele yona, mukwalule. Musike mwa lifitelela fela.

¹²⁹ Mi cwale haiba Satani wakona kukena mwani, mufitelele lizwalo le ni lika zeñwi ze kaufela, mi kipeto utaha kwanu kwa mafelelezo a moyo, mwa munahano. Cwale, haiba akona fela ku miinga . . . Hamuna ku—hamuna kutalima ku yeñwi ya zona konji pili mu mulumeleze kukena mwahali *mo*. Mu lukela ku mu lumeleza kukena. Mi ha sakeni mwateni, una ni tamaiso. Mi ki sikamañi sa ka eza? Ukala ku itusisa lizwalo. Ukala kuitusisa *se*, kukala kuitusisa munyako *wo*. Ki sikamañi sani? Mwabona, kutatuba ka lulimi, kuutwa ka kuswala, ku nunkelela, kutwa; kunahaniseza, lizwalo, kupuzo, kukakanya, kutasezwa. Ukala kuitusisa mizamao yenyinyani yani kaufela yeshutana, haibile fela uka kona kukena, ku wani fahala *fa*. Ukaba ni kukena mwa munahano wa hao, pili, mi una ni ku li amuhele. Za kona . . . Muteeleze. Za kona ku kulwanisa, kono hali koni kukena ku wena konji uli amuhele pili.

¹³⁰ Fani Satani hana tile ku Eva, ni kutoli, “Wa ziba, muselo ki o tabusa,” na yemi fa nako nyana. Oh, fani kona fana ezelize mafosisa, hana yemi fa nako nyana.

¹³¹ Musike mwa yemela ze sina tuso. Mu na ni Liñusa. Jesu wapila. Mulimu ki Mufolisi. Lani ki Liñusa. Musike mwa yemela ze sina tuso, hakuna kukakanya, hakuna sika sisili fela.

¹³² Kono yena na yemi fa nako nyana. Fani kona fana kenezi Satani mwa munahano wa hae. Ali, “Kulukile, li utwahala kuba zena ni tuso.” Oh, musike mwa eza sani. Munge fela sa bulezi Mulimu.

¹³³ Abrahama, kuewañi hana ka yema kuli a kakanye, fani ha Na mu bulelezi kuli ukaba ni mbututu ka Sarah, mi yena nali waze mashumi asilezi ka ze ketalizoho yena ana ni ze mashumi asupile ka ze ketalizoho? Mi fa hana eza ze mwanda, mi yena ana ni ze—yena ana ni ze mashumi a ketelizoho ka amane, yena, niteñi, na—na—na paka kuli Linzwi la Mulimu neli la niti. Mi abiza lika zani,

zenesiyo, kuli nelili teni. Mwabona? Yena . . . Nihaiba sepo, kana neku na ni sepo kaufela? Yena mane na sika itusisa sepo.

¹³⁴ “Kulukile,” mu li, “Na sepa Na kona kuba hande. Na sepa Ni kaba hande. Na sepa Ni na ni Moya o Kenile. Na sepa Ni Mukreste. Na sepa Ni eze *cwana*.” Ha mu lati zani.

¹³⁵ Abrahama na sika talima nihaiba ku sani. Amen. “Kulwanisa sepo, yena na sa lumela Linzwi la Mulimu.” Tumelo ifitelela sepo. Tumelo izwelela kwa mulaho *kwanu*, mwahali. Tumelo izwelela *kwanu*.

¹³⁶ Kana ukena cwani mwani? Kufitela mwa munahano wo, munyako—munyako wo, mafulo a ndwa ayemi fani.

¹³⁷ Cwale, ha mu ba ni ndwa kuli itomilwe! Cwale, diabolosi uinzi bukaufi ni pilu kaufela, kakusasana cwana. U inzi, mwa pilu ya musizana yomunyinyani yo. U inzi kwa pilu ya hao. U inzi ona mwahali mwani. Wa bulela kuli, “Oh, Ni kubona ulikile sapili. Ni utwile cwalo sapili.”

¹³⁸ Mu mukasheze kwande. Ku felile. Mu mukasheze kwande. Ki sikamañi sene i bulezi Bibele fa, toho ya taba ya luna? “Ku mukasheza kwande.” Yani ki niti. “Ku mukasheza kwande.” Lu lutilwe.

¹³⁹ Na sepa, “Ki butata mañi bobuli ni luna bakutazi?” Hani zibi kuli ki mufuta mañi wa tuto yelubile ni yona.

¹⁴⁰ Mulimu usweli kuluta bakeñisa ndwa yetuna ye. Mateu 24 i bulezi mwani, mi hape ni Daniele 12, i ize kuli, “Kukaba ni nako ya ñalelwa, yesikabe i bateni mwa lifasi haisali.” Mi lu pila mwa nako yani, fo sizo, ni tuto, ni zeñwi, li lambilwe fahalimwa Linzwi la Mulimu, mi likeni mwa kukakanya ni zeñwi cwalo. Ndwa ki cwale. Ki mañi yaka yema? Haleluya! Ndwa ilibelezi ku kolota. U i tukisize cwale. Mutualime kangisano tuna yeluna ni mwa buse.

¹⁴¹ Ki mañi ya kaba sina Davida? Yakali, “Mu yemi ni kutuhelela Mufilisita yo ya sika kena mwa mupato inza nyefula limpi za Mulimu ya pila? Naya niyo mulwanisa.” Amen. Mulimu ubata baana ni basali kakusasana wo ba bakona kuyema ni kubulela kuli, “Ni kanga Mulena ka Linzwi la Hae.” Amen. Hakuna taba kaze pala, koo *se* kamba *sani*, ni seo *yani* aezize. Sani hasina sa kueza ni sona. Mina bo Saule, ni babañwi cwalo, haiba mwa musaba, mukute kone mubanga. Kono, mpi ya Mulimu izamaya kuya kwa pili, amen; baana ba lindume, baana ba—ba—ba tumelo, baana ba mata, baana ba kutwisiso. Haba lukeli kuba baba butali. Haba lukeli kuba baba itutile. Ba lukela kuba mizamao. Mulimu unga ona mizamao yenyinyani yani.

¹⁴² Musali na yemi fa nako nyana, ni kukakanya, ali, “Kulukile, cwale, ha lubone.” Kulukile, sina fela, kucwañi he haiba . . .

¹⁴³ Kalibe yomunyinyani yo, kakusasana cwana, ha ku kakanyiwi kuli dokota umu bulelezi, kuli uinzi bukaufi ni

maungulo a musipili wa hae, "Hakuna sesi kona ku ezahala." Kulukile, cwale, yani kiyena dokota yani. Ha ni mu nyazi. Muuna yani ki muuna wa sayansi. Uboni kuli butuku ku komile mubili wa mwana. Ki kufitelela lika kaufela. Haana mulyani okona ku li tuhelisa.

¹⁴⁴ Kacwalo kana kansa yani ika koma musali yani; luli, lifu neli komile mbututu yani; kono Kapitao wa mina Yomutuna, haleluya, wa mpi tuna ye, ki Yena zuho ni Bupilo. Hakuna se si kona ku Mu koma. Haleluya!

¹⁴⁵ Ngana ya mpi i itingile ku kapitao wa yona, ona zibo. Rommel, mwa Germany, nali yena ngana ya Germany; isifī Hitler. Rommel! Yani ki niti. Eisenhower! Baana ba sisole! Patton! Baana bani bene bali kwapili, ne ku itingile ka nzila yene bafa litaelo ka yona. Mu latelela kapitao wa mina, haiba ki mufuta omunde wa caziba. Haiba ki mufuta omunde, haiba ki caziba wa situlo sa bune, u nyakisize, haiba u fumanehile kuli ki ya sepahala, mu mulatelele. Ni ha kuka bonahala kufosahala, ku mina, muzamaye cwalo kwapili. Mueze ka mwa mi bulelezi.

¹⁴⁶ Haleluya! Luna ni Caziba wa situlo sa bu ketalizoho, upeletelwa kuli J-e-s-u, kubeya litulo ze ketalizoho ku luna, t-u-m-e-l-o. Yena asika luza kale ndwa. Haleluya! Na komile lifu, lihele, ni libita. Ku zusa bo diabulosi kaufela mwa nzila. Yena ki Kapitao Yomutuna. Kacwalo, diabulosi yena mane haayo nhaiba mwa siswaniso.

¹⁴⁷ Ndwa yetuna kufitisisa yekile yalwaniwa, ise itomilwe ka buitukiso cwale ona fa. Kaniti, ku cwalo. Oh! Haleluya!

¹⁴⁸ Mi ha Ni nahana ka yona! Hane Ni yemi ni ku Mu bona inza eza lika, ku Mu bona inza patulula lika, ku kwalula lika, kuli, "Ku kaba ka nzila *ye* ka nzila *yani*," ki sani fani! Oh, mutualime kwa mulaho *kwanu*, mi muli, "Ki mañi Kapitao yomutuna yo?" Oh, Na hani talimi kwa mulaho ni kubona kamba ki Dokota wa *Kuli-ni-kuli*. Ni bona sa bulezi Kapitao. "Ki Kapitao wa puluso ya luna." Haleluya! Puluso ki sikamañi? Kulukululwa! Kanya! "Kiyena Kapitao wa kulukululwa kwa luna."

¹⁴⁹ Hola yetuna ya taelo isutelezi. Haleluya! Musole, ni lilwaniso ze benya, mibala ye fata! Tumelo ni kukakanya ku mibeya mwa mayemo a buitukiso, mwa tabernakele ye, kakusasana cwana; kukakanya kwa neku leliñwi, tumelo ku leliñwi. Masole, muyeme fa libaka za musebezi wamina. Haleluya! Kapitao wa luna, yena Naleli ya Kakusasana, wa eteleta. Yena hakuti mwa mulaho. Yena (hakuna) hazibi linzwi la kukuta mwa mulaho. Yena hatokwi ku kuta mwa mulaho. Amen. Kaniti.

¹⁵⁰ Ndwa yetuna kufitisisa yekile yalwaniwa, isweli ku kolota ona fa cwale, eeni, sha, mwahala bupilo ni lifu, mwahala makulano ni buiketo, mwahala tumelo ni kukakanya, oh, mawi, mwahala tukuluho ni butanga. Ndwa ikalile! Mubenyise malumo amina, masole. Mututule hande lilwaniso. Mulimu

usweli ku baakanya masole ba Hae. Amen. Mulimu utoza mpi ya Hae.

¹⁵¹ America itinisa masole ayona ka bunde bo ikona ku ba tinisa: likuwani za busole za lisipi, ni lilwaniso, ni zeo kaufela ze ba nani, mingomo ya lilwaniso, kaufela ze batina.

¹⁵² Mulimu utinisa mpi ya Hae. Haleluya! Ki sibyana sa mufuta mañi se lu itutisa? Ki Moya wa Mukwale, ona Linzwi la Mulimu! Amen! “Linzwi la Mulimu li buhali kufita mukwale olozizwe kafa ni kafa,” Maheberu 4, “upunya ni kwa makauhanelo amasapo, mane ni kwa—kwa mooko mwa masapo, li Lemuhu ni maikuto a mwa munahano.” Linzwi la Mulimu! Ku lumela Linzwi la Hae, mi cwalo kona mo Mulimu atiniseza.

¹⁵³ Sani kona sa Na file Eva ku isileleza ka sona. Kono yena aloba lilwaniso za hae. Na ezize cwani? Ka ku kwalula muhupulo wa hae kwa kukakanya. Ha mulukeli kukakanya Linzwi la Mulimu. Lona halina maikuto a kukakanya. Mina... Lona ki Linzwi la Mulimu fela. Hakuna nihaiba—hakuna nihaiba ku bilaela ka Lona. Hakuna kukakanya ka Lona. Ki Linzwi la Mulimu. Ani kona mafelelezo. Zani li kondile. Sani sa feleleza kuyakuile.

¹⁵⁴ Wabona se Ni talusa, mulatiwa? [Kezeli uli, “Amen.”—Mu.] Ki Linzwi la Mulimu. Mulimu na sepisize. Mulimu na bulezi cwalo.

¹⁵⁵ Neba ize ku Abrahama, “Uziba cwani kuli ukaba ni mbututu yoo?”

“Mulimu ubulezi cwalo.” Ani nali mafelelezo.

“Kulukile, kiñi cwale hausina yena?”

¹⁵⁶ “Hani zibi fo Ni kabela ni yena, kono Ni ka ba ni yena. Mulimu na bulezi cwalo. Sani hasina ku ni tuhelisa ni hanyinyani.” Ukabiza-...

¹⁵⁷ “Kiñi hausakuti haenu, koo zwelela?”

¹⁵⁸ “Ni lukela kuba muzamai mwa naha ye.” Amen!...?... “Mulimu nafile sepiso. Mulimu uka fa mbututu ona mwa naha ye kwa Na ni lumezi.” Haleluya!

¹⁵⁹ Mulimu uka mifolisa ona mwa buino bo bwa Moya o Kenile, mona Mwa milumezi. Mulimu uka ifa ku mina. Mu i lumele fela. Amen. Mukwalule munyako ya moyo ni mubili, maikuto, ni lizwalo, mi mutuhele fela kuli Linzwi la Mulimu likene pili, munge muhupulo wani. Ani kona mafulo a ndwa.

¹⁶⁰ Musike mwali, “Kulukile, kambe Ni ikutwa cwalo, kambe Ne ni ka utwa kanya ya Mulimu ha i wa! Oh!” Sani hasina sa kueza ni yona; ki noto.

¹⁶¹ Mukwalule muhupulo wani. Ani kona mafulo a ndwa. Fani kona foo ndwa itomiwa mwa kangisano, ona kwanu kwa mufunda wa kwa pata, muhupulo wa mina. Ha mu ukwalule,

mi muli, "Ni . . . Ku bilaela kaufela, Na kakanya lipilaelo zaka." Amen. "Na kakanya lipilaelo zaka cwale. Ni lumela Linzwi la Mulimu. Kina yo Na taha, Satani." Sesiñwi si kanga sibaka. Luli, sika eza. Eeni, sha.

¹⁶² Utoza batanga ba Hae ka Moya wa Hae. Uba lumelanga mangeloi. Batu baezanga lisheha ka zona, fokuñwi, "mangeloi." Ha luboneñi ni—ha luboneñi ni sikuluhele ku sesiñwi fa ni mina, fa muzuzu fela. Ha lu apuleñi mwani mwa Maheberu, fa muzuzu fela. Maheberu kauhanyo yabu 4, kauhanyo yabu 4, ha lu . . . Ni talusa, makalelo a kauhanyo ya 1 ya Maheberu, mi luyeñi fa timana ya 14.

Hanili kamukana ona ki mioya ye mwa sebelezo, yelumiwanga kuzwa . . . ku sebeleza baba kayola sanda sa puluso?

. . . ki afi mangeloi ana bulezi kuli . . . Ina ku la bulyo laka . . . ?

. . . mangeloi a Mulimu kaufela . . .

¹⁶³ Cwale, fa Bibele ya taha ku to lu bulelala ona fa, kuli Mulimu ulumanga mangeloi. Kanya! Ki afi ani? "Mioya ye sebeleza." Kanya! Mioya ye sebeleza, ilumilwe (kai?) kuzwa fa Pila Mulimu. Kuto eza sikamañi? Kuto shaela Linzwi la Hae. Amen! Haalukeli ku shaela lituto zeñwi za bumulimu za sikhata sesiñwi sa kopano, kono ku shaela Linzwi la Hae. Kona cwalo. "Mioya ye sebeleza, ilumilwe."

¹⁶⁴ Lu ziba cwani kuli ilumilwe? Bibele i bulezi, kuli, "Linzwi la Mulena nelitile kwa bapolofita." Ki niti yeo? Mangeloi a shaela Linzwi la Hae, kufitela mwa Moya wa Hae; ku shaela Linzwi, kufitela ka Moya o Kenile. Mi Moya ni Linzwi nelitile kwa bapolofita, mi bapolofita neba na ni Linzwi la Mulimu. Lani kona libaka hane ba eza limakazo zene ba ezize. Ne si mutu; neli Moya wa Mulimu ku mutu. Moya wa Kreste ku mutu, ka Linzwi la Mulimu. Ki sikamañi sa na ezize? Na lukisize muzamao kaufela. Mulimu na mu ketile, mi na tozizwe ka Moya o Kenile. Mi ne si yena. Na si ka eza sika kaufela konji sa na boni mwa pono. Elia naize, fa Lilundu la Karmeles, "Ze kaufela Ni ezize ka taelo ya Hao. Cwale, Mulena, ha ku zibahale kuli ki Wena Mulimu." Oh, kanya ku Mulimu!

¹⁶⁵ Ni si boni ka linako zeñata hahulu, ha mu bona Moya wa Mulimu unata fa sibaka, mi sibaka sani si inzi mwatasa tozo! Haiba sikhata nyana se kwanu kakusasana cwana, sa kona fela kunga muhupulo o mo, muzuse kukakanya kaufela mwa nzila! Mu ka kakanya cwani ni hanyinyani, ha mubona bafu—bafu ha ba zuswa, lihole za zamaya, libofu za bona, bo shushu ba utwa?

¹⁶⁶ Lingeloi la Mulena, mane niheba siswaniso sa Hae sa lapelela falimota le, sina ni sikanto sa ba sayansi, kai ni kai. Ki sikamañi Sa eza? Mupile ka swanelo ni Linzwi. Amen! Li pumaka diabulosi kaufela. Eeni, La eza. Ki sikamañi sa Ni? "Ki mioya ye

sebeleza, yelumilwe kuzwa fa Pila Mulimu,” ku to toza babuleli ba Linzwi, baba pila ni Linzwi. Mi Yena wa paka Linzwi ni lisupo linze lilatelela, litisa Jesu ya swana maabani, kacenu, ni kuyakuile. Ki Yani fale.

¹⁶⁷ Kana lukona kukakanya cwani, kanti Yena ubonahezi habeli cwalo ka sayansi, ka libyana, ka moya, nzila kaufela yekona ku boniswa, U zibahalisizwe *kwanu*?

¹⁶⁸ Ki butata mañi? Ki mwa minahano ya luna. Lu kwalula mihupulo ya luna kwa lika, kuli, “Kulukile, cwale, Ha ni zibi kamba lika ezahala kamba kutokwa. Mwendi, haiba Ne ni ka ikutwa hande kamuso.” Oh, sani hasina sika silisiñwi sa kueza ni sona.

¹⁶⁹ Sina ha Ni bile ni bulelanga hañata, Abrahama mwendi naize ku Sarah... Yena na sa fitelezi myaha ya ku—ku ba musali. Mwa ziba se Ni talusa; ki nako ya bupilo, mazazi a hae mashumi amabeli ka a ketalizoho ka amalalu. Mwabona, nali wa lilimo ze mashumi asilezi ka a ketalizoho a kupepwa. Yena na sa fitelezi kale zani, ka lilimo ze lishumi ni ze ketalizoho, lilimo ze mashumi amabeli. Mi ki hali ku yena, mwendi, mazazi ana tatami a likani, ali, “Kana wa ikutwa shutano ni yekana, mulikani?”

“Hakuna shutano ni yekana.”

¹⁷⁰ “Sani hasina sika silisiñwi sa kueza ni sona. Luya lunze lu zwelapili, nihakulicwalo. Kulukile, cwale, ha mu kalela kwa mulaho sina—sina musali yomunyinyani hape, lwa ziba, kufitela mwa mali a bupilo ani, kulukile, kasamulaho, lu fumana cwana kuli lika beya mbututu mwahali, mi lika kaufela likaba hande. Cwale, mwa ikutwa shutano ni yekana kacenu? Sekufitile kweli kuzwa fa Na ni sepiselize. Wa ikutwa shutano ni yekana, mulikani?”

¹⁷¹ “Hakuna ni hanyinyani, Abrahama. Hakuna sisupo sa lika kaufela. Ni sa—Ni sa li fela mo Ni—Ni bezi cwale ka lilimo zenyinyani ze felile. Hakuna shutano nihaiba yekana.”

“Kanya ku Mulimu! Lu kaba ni yona, nihakulicwalo.”

¹⁷² “Kana ortalusa kuli, Abrahama, kasamulaho... Mutualime, haiba Na mi sepisize, kaniti Uka lu fa sisupo ka nzila *ye*. Kaniti Na ka lu fa sisupo.” Huh! Haleluya!

¹⁷³ “Lusika lwa bufokoli ni lwa butanya lu bata lisupo.” Yani ki niti. Nabile ni sisupo. Neli sikamañi sani? Linzwi la Mulimu. Sani neli sisupo.

¹⁷⁴ Mulimu ukona cwani kufolisa mwana yo? Linzwi la Mulimu libulezi cwalo; haiba Ni utwa maikuto a kusisimuka mubili, kamba kutokwa maikuto a kusisimuka mubili. Kambe Ni... Hakuna taba ka ze ne ezahalile, Mulimu na bulezi cwalo. Ani kona mafelelezo.

¹⁷⁵ Abrahama ali, “Mubeye likuwani za mina ni lika kaufela hamoho, se lu funduka kuya kwa naha.”

“Ki kai mo muya?”

¹⁷⁶ “Ha ni zibi.” Amen. “Kono, luse luya, niteni. Ki luna bao luizoya!” Lu i tukisize mi lwa ya. Haleluya! Lani kona Linzwi la niti la Mulimu. Neli sikamañi sa na talimile fa pata hae? Sepiso ya Mulimu, ona Linzwi la Mulimu. “Lu ya luba ni zona.”

¹⁷⁷ “Uzwe mwahala sicaba sa henu, Abrahama. Zani, mukwa wa bona ki bakuli, ki ba hanyeza ni baba salumeli. Ba ka mi beya mwa sibaka sesiswana. Muzwele kwande. Mu ikambuse ili mina, mi mu pilele Na.” Ki sikamañi sani? “Musiye lizwalo la mina ni maikuto mwa mulaho wa mina, sina cwalo. Mu kwalule mihipulo ya mina, mi muhupule, ki Na. Mutahe, mupile ni Na.” Amen.

¹⁷⁸ Mulimu usweli kubizeza Peu ya Abrahama, kakusasana cwana, kwa mufuta wa bupilo wani. Ndwa yetuna ya lwana, cwale, lifasi loote. Mulimu ubata bana ba Hae kuli ba ikauhanye kuzwa kwa sikamañi? Kubona, kuutwa ka lulimi, kuutwa ka kuswala, ku nunkelela, kuutwa; kukakanya, lizwalo, likupuzo, kusalumela, kutasezwa; lika kaufela. Ku kwalula mihipulo ni kutuhela Linzwi kukena mwateni, ni ku zamaelela ni Linzwi. Yani ki musole wa luli.

¹⁷⁹ Cwalo kona mo linaleli liyemelanga. Libupiwa za maseli a mwa halimu a lisika cinca; ona zodiaki. Naleli ya kakusasana ipazulela fa sibaka sa musebezi wa yona, kakusasana kaufela, ona cwalo mone iezelile fani lifasi hane libupilwe. Naleli ya manzibwana iinga sibaka sa yona; naleli kaufela. Buliba bo Bunyinyani, mi ona fani fa nako yateni, i inzi fela fo ilukela kuba. Naleli ya Kwa Mutulo i yemi ka kutiya mi ha ishenyi. Haleluya! Taba kaufela ipotoloha kutinguluka Naleli ya Kwa Mutulo, zeñwi zani kaufela, kakuli yona i fahala lifasi.

¹⁸⁰ Yani ki Kreste. Amen. U yemi fani, ulaela mpi ya Hae sina Kapitao yo muhulu.

¹⁸¹ Sina Mushe fa lilundu ni mazoho a hae ananuhezi mwa halimu, mi Isilaele nesweli kulwana, kupumaka linzila za zona cwalo, mi na yemi ni mazoho a hae mwa halimu. Na yemi ni mazoho a hae mwa halimu kufitela lizazi lilikela. Neba sweli mazoho a hae mwa halimu. Yani neli Mushe.

¹⁸² Nali mufuta wa Kreste. Kubona hande kuli mazoho a Hae aine mwa halimu, mazoho a Hae na kokotezwi fa sifapahano. Haleluya! Mi Na pahami mamota a Kanya, kacenu, ni liapalo za Hae zetezi Mali fa pila Mulimu, kwa lizoho la bulyo la Bulena bwa Hae Kwani. Mi yona ndwa, ku musole kaufela, uka iponela nzila ya kuya ka yona. Hani na taba ka se siezahalile; ka Linzwi la Mulimu, uka itiisa kwa tukuluho. Amen.

¹⁸³ Sina kuhu mwa lii, kucwañi he haiba isaba ku nangela? Kucwañi he haiba isaba ku njoma fa lii? Kucwañi he haiba kazwinyani ka kuhu mwahala lii, nyunywani yenyinyani, isaba ku njoma fa sikapi sa lii? Kucwañi he haiba ne ika utwa mulumo

kwande, kuli, "Usike wa nata fa sikapi seo, uka suhana wa ikolofaza"? Kono za taho luli, mwa nyunywani, za i bulelela kuli, "Njoma fateni! Punya musima ku lona."

¹⁸⁴ Mutuhele likopano kaufela za kale li bulele kuli, "Mazazi a limakazo a felile. Uka ikolofaza ili wena. Ukena mwa kulyangana."

¹⁸⁵ Kupunya fa sikapi, katata fela ka mo konela. Haleluya! "Satani, aku zwe! Niya kwande kuzwa mo." Kona zani. "Ha ni ineeli mo, ni hanyinyani. Ha ni ineeli mo, ni hanyinyani. Ha ni sali wa sibaka sa diabulosi se ni kamuta. Ni nangela kwande kwani, kakusasana cwana. Amen. Ni mbande." Amen! Haleluya!

¹⁸⁶ Kono ka mbande kaka nyinyani ka kale kani, mulala wani kwa mulaho wa kwani, kupunya fa sikapi sani. Hakuna taba kamo ne si tiyezi sikapi, ne ka zwelapili kupunya ku lona. Taba yapili mwa ziba, konakuli, neka kaka nata mafufa akona amanyinyani. Na ka li hande.

¹⁸⁷ Mupunye nzila ya mina mwa kuzwela. Yani ki niti. Mu ka eza cwani? Kuhuwa kaza kuli, "KISONA SA BULELA MULENA. KISONA SA BULELA MULENA. KISONA SA BULELA MULENA." Ka kufeleteza, mukala ku nunkelela moyo omuñwi o batelwa. "KISONA SA BULELA MULENA." Muna ni toho ya mina kwande. "KISONA SA BULELA MULENA." Mukashe ka kutiya cwale, musweli kuzwela kwande!

¹⁸⁸ Hana kukutela mwa sikapi hape. Amen. U lukuluhile. Oh, mawi! Linzwi lani ha likena ni kuinafafasi, kufitela mwahala maikuto ani kaufela ni mazwalo ni lika, kuli line hande ona *mo*, mi munahano wani wa kwaluha ni ku Li lumeleza. O Mulimu, ube ni makeke! Hakuna ni sesiñwi sa ku litama hape. Mu lukuluhile. Yena yo Mwana a lukuluzi uwzile mwa sikapi. Kopano ya hao ha i koni kukubiza kuli ukute. Diabulosi hakoni kueza sika kaufela ku wena. Wakona kuliza muloli ni ku huwaka, kasamulaho.

¹⁸⁹ Kono wena umwa Nzila ye pahami, umata ka lubilo lolutuna, oh, mawi, ku mata mwa Nzila ya Mulena, musole ya tozizwe wa sifapahano. Mi ki mina limbande kaufela, ka tumelo, mupake Jesu, ona Liseli la lifasi, mu mate mwa Nzila ya Mulena. Luli. Eeni, sha!

¹⁹⁰ Ye ki "mioya ye sebeleza," yelumilwe kuzwa fa Pila Mulimu, ku ba babuleli, ku bulela (sikamañi?) Linzwi la Hae; isiñtituto zeñwi za bumulimu, kono Linzwi la Mulimu. Ki mioya ye sebeleza, yelumilwe kuzwa ku Mulimu, ku to sebeza. Mioya sebeleza! Oh! Mi, muhupule, haiba u sebeza sika sisili kwanda Linzwi, ha uzwi ku Mulimu. Kakuli, "Linzwi la Hao kamita lipakiwa mwa Lihalimu." Kamita, mwa Lihalimu, ona Linzwi, Mulimu wa Li tonela. Mi Ha na kuluma moyo kuli usebeze sika sisili kwanda Linzwi.

¹⁹¹ Yena haana kulumo moya kuya na ni ma D.D.D., Ph.D., amatuna wa kola ye putilwe kwa mulaho, lika kaufela sina cwalo, kuli, "Kulukile, ka niti, mazazi a limakazo afelile. Luna kaufela lwa ziba sani." Batili, batili. Sani ne si sazwi ku Mulimu. Sa shutana ni Linzwi. Amen.

¹⁹² U lumanga yani ye sebeza ka Moya wa Linzwi. Amen.

¹⁹³ Oh, Ni bile ni lika mwendi zene kamba ze ketalizoho, kono Ni ka lituhela ka nako ye, ni ka likutela la Sunda biki yetatama. Ku lukile.

Satani ni madimona a hae atozizwe.

¹⁹⁴ Haiba mioya ye ya mangeloi i tozizwe kuli itise Linzwi ku mina, ku mieza kuli mulumele Linzwi, cwale kana mwakona kubona ko mukile mwa utwa mupolofita, mupolofita wa luli wa Mulimu, kuhana Linzwi la Mulimu? [Puteho ili, "Batili."—Mu.] Batili, sha. Ki sikamañi sene si ezahalile fani likopano za lizazi la bona hane lizuhile ni kubulela kuli, "Cwale, u fosize"? Na yemi ka yena muñi, ni kuyema anosi. Na ize, "Si lukile."

¹⁹⁵ Mutualime ku Mikaya kwani ka zazi lani, mupikuluhi ya kenile yomunyinyani, mwabona, mwana Imila. Neku na ni baba mianda yemine ba batozizwe, bene ba lukela kuba, bapolofita baba tozizwe banze bayemi kwani, kaufela bafepilwe hande, mi bakusi, ni mapampili amatuna a lituto, mi baitutile hahulu ili baituti baba zwile mubano. Bali, "U kambame, mulena luna ya kutekeha. Mulena abe ni wena. Sani ki sa luna. Joshua na lufile sona. Kacwalo uye mi uyo singa. Yani ki niti luli. Uye mi uyo siingga. Sikamañi . . ." Ki hali, "Kulukile, Josh . . ."

¹⁹⁶ Mwa ziba, Jehosafati ali, "Kikuli hakuna yomuñwi, kokuñwi?" Kulukile, neba nani baba mianda ye mine. Kiñi ha usa lumeli baba mianda ye mine? Yena ali, "Kono, kaniti ku na ni alimuñwi, kokuñwi."

¹⁹⁷ Ali, "Ni—Ni . . . Kulukile, luna ni alimuñwi. Kuna ni alimuñwi, kono, oh, Ni mutoile." Huh! Mwabona?

¹⁹⁸ "Kuna—kuna, yani ki yena mucaha ye Ni tabela kuutwa, mwabona." Ali, "Amu mutise kwanu. Ha luboneñi sa ka bulela."

¹⁹⁹ Mi kacwalo kiha bayo ku yo mu bulelela, bali, "Cwale, teeleeza. U lukise kutazo ya hao ka swanelo fela, kakusasana cwana, kakuli u kutaza ku mulena. U kutaza ku . . . tutengo kaufela twa—twa bakutazi twa *kuli-ni-kuli*, mwa bona, twa Palestine, katengo ka bakutazi kaufela. Cwale, muhupule, ki se sene ba bulezi. U bulele taba yeswana. U lumele taba yeswana." Yomunyinyani yani . . .

²⁰⁰ Yena—yena nana ni muuna ya maswe kwani. Muuna yani nazwile kwa mihipulo ya kukakanya kwa kale. Na lukisize mizamao mwa kuzwela, mwabona, lizwalo la hae.

²⁰¹ "Mi, kulukile, kiñi, wa ziba se baka eza? Haiba uka bulela lika ze swana, Ni lemuha kuli baka kueza kuba mubakweli

yomituna wa sikiliti. Baka eza cwalo luli. Baka—baka kueza kuba mutoneli yomituna wa mwa sikiliti sa kwanu, haiba uka—uka lumelelana ni bona.” Yani ne si muuna wa luli wa Mulimu.

²⁰² Kiñi, mizamao ya hae neikenisizwe, lizwalo la hae kaufela ni zeñwi ne likenile. Munahano wa hae no kwaluhezi kwa Linzwi la Mulimu. Mi Linzwi la Mulimu, fela, kona lana ka lumela. Yani ki mioya ye sebeleza. Wani ki moyo o sebeleza.

²⁰³ Yena ali, “Hani zibi sa kubulela cwale. Kono, Ni ka mi bulelela taba iliñwi ye, Ni ka bulela fela seo Mulimu aka ni bulelela kuli ni si bulele.”

Kacwalo balitela busihu bwani. Nabile ni pono.

²⁰⁴ Kakusasana lelitatama, Na kona ku nahanezea Mikaya atalima mwa Mañolo mi ali, “Cwale, halubone cwale. Kana pono yani... Cwale, kaufela bona, kuna ni se si fosahalile fa fokuñwi, kakuli Za shutana ku se ba bulezi. Kulukile, ki sikamañi sene Li bulez? Halu boneñi sana bulezi Elia kwa mulaho kwani, mupolofita, kakuli luziba kuli nali mupolofita. Mwa bona... Linzwi la Mulena la taha ku Elia. Eeh. Mi ki sikamañi sene Li bulez? ‘Mi linja lika kapa mali a hao. Jezabele, linja lika muca. Mi bakeñisa ku luka Akabe... Nabote yana lukile.’” Aba bulelela... Hana boni sani, na boni kuli pono ya hae niyemi kulibana hande ni Linzwi la Mulimu, mi, Akabe wa kale yani na boni ha liyaha ku yena.

²⁰⁵ Ki haya kwani, ali, “Zamaya ukambame. Kono Ni boni Isilaele...” Mwabona, na sa swabeli kubulela pono ya hae kasamulaho wa sani, kakuli neli Linzwi la Mulena. Na zibile kuli ukanga sani ka swanelo luli. Sikamañi? Na kwaluzi pilu ya hae, munahano wa hae, kwa Linzwi la Mulimu, mi Linzwi la Mulimu neli patuluzwi kale, kacwalo nazibile kuli sani neli Linzwi la Mulimu leli petehile.

²⁰⁶ Cwale, mu li, “Oh, kambe Ne ni kaba na Mikaya!” Wa kona kuba. Ki wena. Ki wena, ni wena, mulatiwa. [Muzwale Branham hape ubulela ku kezeli ya kula—Mu.] Ki wena Mikaya, mupolofita. Ki sikamañi sokona kueza? Ukwalule munahano wa hao. Ki sikamañi se Ni lika ku mi bulelela kakusasana cwana? Linzwi la Mulena. Mwabona? Mukwalule munahano wa mina, muli, “Cwale, mwa ziba, Na lumela kuli Na kona kufoliswa.” Kulukile, ki sikamañi Sani, kasamulaho? Kana Ki Linzwi la Mulena? Luli, Ki Linzwi la Mulena.

²⁰⁷ Mi mutangana *yo fa*, “Mazazi a limakazo a felile. Ha ukoni kueza *se*. Mi wena...” Mulibale ka za teni. Mubeye Mulimu kuba wapili.

²⁰⁸ Ki ha se kutaha Linzwi la Mulena, mi a Li bulela, mi ki Ha liba cwalo.

²⁰⁹ Cwale, ki sikamañi sana ezize Satani? Satani nabile ni babañwi bene ba tozizwe. Cwale, Satani utoza batanga ba hae.

Oh, luli. Uh-huh. Luli. Utozanga batanga ba hae. Ki sikamañi sa ba toza ka sona? Ka kusa lumela. Satani mi madimona a hae atoza batu kuli basike balumela Linzwi la Mulimu.

²¹⁰ Cwale, haiba mubata kunyaka seo, mu apule mwa Genese 3:4. Halu apuleñi mwani mi luteeleze ku se, fa muzuzu fela, mi lubone haiba sani ha ki makilikicani a hae. Sani kona sika sapili sa na eize. Yena hasiyangi makilikicani a hae a swana. Wa ezanga cwalo nako kaufela. Cwale, mubone fela haiba—haiba sani kona mo si inezi. Cwale, na sika kanana ni Linzwi. Na mu eelize kuli a lyangane hanyinyani ka Lona, mwa ziba, ka mufuta fela wa ku Li utwahalisa kuba mwana batela kuli Li utwahale, usike wanga Linzwi kaufela. Cwale, Genese, Ni fitile fateni ki fa, Genese 3:4. Halu boneñi haiba sani kona sesi bulezwi cwale. Ku lukile.

Mi noha yali ku musali, Hamuna kushwa kaniti:

²¹¹ “Hamuna kushwa kaniti.” Mwabona mwana li lambile mwa matuko? “Oh, lu lumela kuli mazazi a limakazo afelile. Halu lumeli mwa lika zakuli batu bakona ku amuhela Moya o Kenile sina mone ba ezelize la Pentekota. Oh, nzila kaufela ye mu kolobeza ka yona, hakuna shutano ni yekana.” Mwabona diabulosi? Mwabona makilikicani a hae? “Kulukile, haiba dokota ukubulelezi kuli hauna kuba hande, ani kona mafelelezo.”

²¹² Cwale, hakuna kukeshebisa, kusa lumela dokota. Dokota ubeleka kuya ka sayansi. Mi dokota uezize lika kaufela za kona, kwa ku pilisa bupilo bwa mutu, mi habukoni kupiliswa, kakuli hakuna sika sesili sa ziba mwa ku ezeza. Ufitile fa mafelelezo a zibo ya hae. Muuna yani wa sephala. Kono, cwale, kota ya zibo ki yende, kono hamuya ku latelela mo iyela, kipeto mupahame kwa Kota ya Bupilo mi muzwelepili fela kuya. Amen. Kona cwalo. Lika beleka hande cwalo. Eeh.

²¹³ Cwale, ki sikamañi sa eza makilikicani a Satani? Ki sikamañi sa na bulezi fa? Cwale mutualime fa timana ya 1 niya—niya 2. Cwale mutuhele ni—ni bale timana yapili ya 1 fa, kuisa fa 3.

*Cwale noha neli ye butali hahulu kufita libupiwa,
kaufela za mwa simu zana bupile MULENA Mulimu. Mi
kiha ili ku musali, Eeh, kana Mulimu uize, Hamuna ku
ca... kwa likota kaufela za mwa simu?*

²¹⁴ Muteeleze ku yona cwale, ka bumaswe fela mwa utwahalela, ni kamo—kamo a lamba lamba Linzwi lani. Mwabona? Ki... . Ki sikamañi sa lika kueza? Kukena mwa munahano wa hae. Mwabona? Wa ambola ni yena, kasamulaho Linzwi limano tiiswa kwani.

²¹⁵ Cwale, musike mwatuhela kuli Satani atiise sika kaufela. Mwabona? Mubeye Linzwi la Mulimu linze litile ona cwalo mwa pilu ya mina. Mwabona? Mueze lika ze swana. Cwale mutualime, mina bo Mikaya.

*...mi musali ali kwa noha, Lwa kona kuca kwa
muselo wa likota za mwa simu: kono haili...*

*Kono haili muselo wa kota yeli fahali (fahali,
mwabona) a simu, Mulimu... uize, Musike mwa ca ku
yona, kamba nihaiba ku iswala, muka suhana mushwa.*

²¹⁶ Mwabona, cwale, lani ki Linzwi. Musali na Li bulela ka kuli kutisa ku yena. Cwale mutualime.

Mi noha yali ku musali, Hamuna kushwa kaniti:

²¹⁷ Mwabona makilikicani a hae? Mwabona? Ki sikamañi sa lika kueza? Yena mutu wa pili yani, ulika kutoza musali yomunde yani, mwana Mulimu wa musizana, ka kusa lumela mwa Linzwi la Mulimu. Sani kona sa lika kueza kubona kuli musali asieze.

²¹⁸ Sani kona sa lika kubona kuli mwa si eza, mulatiwa. [Muzwale Branham hape ubulela ku kezeli ya kula—Mu.] Sani kona sa lika kuli mina kaufela musieze, kwande kwani, ku mitoza. Mi sina mi sika fela mu lukela kueza... Mina mu sibupiwa sesi na ni tukuluho ya buketelo. Cwale mwakona ku iamuhela haiba mwa lata. Kono mu ilahele kwande. Kambe Eva na sika yema fa muzuzu wani, kuli ateeleze! Musike mwa yemelanga ze sina tuso. Musike mwa yema.

²¹⁹ Fani—fani Elia hana bulelezi Gehazi, ali, “Unge mulamu wa ka, uyo ulobaza ku mbututu ya shwile. Mi haiba mutu kaufela aka ku ambolisa, usike wa mu alaba. Haiba yomuñwi alika ku kuyemisa, wena uzwele fela pili kuya.”

²²⁰ Mutualime musali hana bizize mutanga hae. Musali ali, “Pahama pelesa mi uye kwateni, mi mane usike wa yema konji ha Ni kulaela cwalo.” Kona zani.

²²¹ Ha muna ni Liñusa, muzwelepili kuya. Amen. Muli, “Hani sa kona kuzamaya hape. Batili, Na fokola.” Muzwelepili fela kuya. Musike mwa yema. Kubeya lika kaufela kwatuko, muzwelepili fela kupumaka cwalo. Muzwale, muna ni Mukwale mwa lizoho la mina, muzwelepili fela ku lemaka.

²²² Ne niile kwa libapalelo la mbola, nako yeñwi, mi neniya kwa kuyo kutaza. Mi Na yema mwa munyako ni kutalima mwa halimu, fa halimu fani. Ne ku ize, “Ha ki siyemo sa nja mwa ndwa. Ki siyemo sa ndwa mwa nja.” Kacwalo sani kona se si wina ndwa. Mwabona?

²²³ Mu li, “Kulukile, mutualime. Mutualime likeleke zetuna kaufela lilwanisa Se.”

²²⁴ Hanina taba ka siyemo sebali ku sona. Ki ndwa yeli mwahala nja, kona zeli butokwa. Ki tumelo yeli ku mutu. Haiba u lipyeha, ukute mwa musima wa maipato a hao. Kono, muzwale, haiba u musole, uyeme kwande kwani. Ki yani ndwa i kalile. Bunde ni bumaswe busepisizwe. Halu lwaneni.

²²⁵ Sina Peter Cartwright, hana ile mwa munzi, ali, “Mulena uni bulelezi kuli—kuli ni tahe kwanu ni kuba ni ancafazo.” Na ina mwa muyaho wo likani wana lifela, ki ha kena mwateni ni kukala ku fiyela mwateni.

²²⁶ Mi ndume wa mwa tolopo, tobolo yenyinyani inze ilepelela kwa makupo a hae, inza ya cwalo. Inze kuna ni munyako.... Babañwi ba bona, bali, “Ki sikamañi sa eza mushimani yani kwani?”

²²⁷ Bali, “Ki mukutazi. Uya kwa kuba ni mukopano, a bulela.”

²²⁸ “Kulukile,” ki hali, “ni bona kuli Ni ye fela ni yo mu kasha azwe mwa nzila, ni ku mu matisa mwateni azwe kwanu. Ku felile. Halulati mukopano mwa sibaka sa luna.”

²²⁹ Kacwalo uya cwalo kwani, ayo nata sikwalo. Mi Peter Cartwright na apezi koti ya hae, mwa ziba, mi nasweli fela kutapisa mahaulo ni limota. Mutangana nyana cwalo, mwa ziba.

²³⁰ Mukutazi wa kale na musehile, mwa ziba, ka kuca kuhu ka mazoho; yeli kusialela kwa kacenu, mwa ziba.

²³¹ Kacwalo nasweli fela kutapisa mahaulo ni kukenisa sibaka cwalo. Ndume yani akena mwahali, ahohela koti ya hae kwa mulaho, tobolo ye nyinyani inze ilepelela kwa tuko, ali, “Ki sikamañi so eza?”

²³² “Oh,” ki hali, “Ni tapisa mahaulo.” Mi azwelapili fela kutapisa mahaulo, mwa ziba. Na nani mulelo ulimuñwi. Mulimu na mubulelezi kuli abe ni ancafazo. Inza tapisa mahaulo, inze ashetumuka.

Ki hali, “Luna halu lumelezangi mikopano ya ancafazo kwanu.”

²³³ Ki hali, “Oh, kono Mulena uni—uni bulelezi kuli nibe ni ancafazo kwanu.” Mwabona? Na zwezi fela pili, kwande mwa musebezi wa hae. Mwabona? Mwabona?

²³⁴ “Kulukile,” ki hali, “kuna ni nto iliñwi yo—yo nani ku kutwisisa.” Ki hali, “Ni zamaisa tolopo ye kwanu.”

²³⁵ Ki hali, “Oh, waeza cwalo?” Mi yena azwelapili fela ku tapisa mahaulo, mwa ziba.

²³⁶ Ki hali, “Usi kaba kale ni ancafazo, mu lukela ku ni shapa pili.”

Ki hali, “Oh, Ni eze? Kulukile, Ni ka eza cwalo kuzwa fa.”

²³⁷ Sa tubula fela koti ya hae. Aya kwani, mi afita fa kola, mi ya mu wisezafafazi, mi ya mu kwahela fahalimu. Ali, “Ni lukela kulgwana, haiba Ni lukela kubusa. Ni ekeleze kwa bundume, Mulena.” Kuzwisa musili ku yena.

Ali, “Una ni zeñata?”

²³⁸ Ki hali, “Eeni.” Ki ha nanuha fani ni ku nyunga toho ya hae. Na pilisizwe ona busihu bwani, mwa keleke.

²³⁹ Kifo he cwale. Mwabona? Ki, unge Linzwi la Mulimu mi upumake mikwa kaufela ya kusalumela kwa hao. Mwabona nji? Luli, kona cwalo. Wani kona musebezi otatama, halu boneñi kuli lisebeze. Kihande. Se sitatama se Ni ka eza ki kuzwa mwa kukakanya kwaka, ku pumaka. Wani kona musebezi waka otatama, ki kuzusa ku filikana kwaka kaufela. Haiba maikuto aka ani bulelala kuli, “Kulukile, uikutwa bumaswe,” taba yetatama ya kueza ki kupumaka lika fahali. Yani ki niti.

²⁴⁰ Mu li, “Kulukile, mina . . . Ba ni bulelala kuli . . . Mwa ziba, lizwalo li ni bulelala kuli, Muzwale Branham, kuli Ni . . .” Kulukile, wakona kupumaka lika zani kaufela. Hauna kuya kwa hule kufitelela fani. Wena ueze musebezi wa hao otatama. Utubule koti ya hao mi uilwale. Muzwelepili fela ku zamaya. Mulelo ulimuñwi, “Ni ka yo koma.” Amen. “Hanikoni ku luza. Ni ka yo koma.” Amen.

²⁴¹ Satani watoza. Mwabona? Ki afi makilikicani a hae apili? Sibaka sa hae sapili sa kukena ku sona neli sifi? Mwa munahano. Na yemi fa nako nyana, kwa kuteeleza sa na bata kubulela. “Oh, ha ubulela cwalo?”

²⁴² Fani kona fana ezelize mafosisa nyana musali yomunyinyani yani, mi mushimani nyana na ezize mafosisa a hae; kaniti, a yema fa nako nyana, na yemi fa nako nyana. Ki linako ze kai ze Ni boni litaba za litelekano ni zeñwi halinze litaha, ona cwalo.

²⁴³ “Kulukile, Na ku bulelala, Muzwale Branham, na lizize muloli cwana ‘wheet-whew’, mwa ziba, mi Na yema, mi, kusepahala, Ne nisa—Ne nisa talusi kueza cwalo.” Uh-huh. Kifo he cwale.

²⁴⁴ “Oh, musali, Ne ni inzi mwa buse bwa tafule kuzwa ku yena. Musali—musali nana ni meto amande hahulu!” Mwabona? Uh-huh. Mwabona nji? Kona cwalo.

²⁴⁵ Diabulosi ueza lika ze swana. “Oh, dokota uni bulelezi kuli ha Ni koni kuba hande, kacwalo Na . . .” Kifo he cwale, taba yeswana, mwabona, ndwa yetuna kufitisisa yekile yalwaniwa.

²⁴⁶ “Kulukile, bani bulelala kuli . . . Ni boni ba *Kuli-ni-kuli* haba ipapata kuli bana ni Moya o Kenile.” Eeh, nitalima ku muipi yomuñwi wa kale. Kucwañi he ku bani bene bana ni Lona? Uh-huh. Eeh. Diabulosi uka mi supeza kwa katwa kakañwi ka kale ka liñwalala, kono hana ku mi bonisa nkwilimba ya niti. Uh-huh. Yani ki niti. Hana ku mi bonisa sani, mi uka mi foufaza ku zona.

²⁴⁷ Oh, yena ki mulwani, ni yena, muhupule. Kono yomutuna ki ya . . . “Ki yomutuna Ya li mwahali ku mina, kufita yali mwa lifasi” Kono muswale kwa Linzwi la Mulimu; mu Li lumele, mina bo kapitao ba mpi kwanu. Muswale tebe yamina, muzwale. Yani ki niti, muswale sibaka sa musebezi wa mina.

²⁴⁸ Kacwalo, Ne nina ni musizana yomunyinyani kwanu, nako yeñwi. Kalibe yani mwendi uteni mo ona fa. Libizo la hae neli Nellie Sanders. Iliñwi ya linako za pili ze Ni kile na bona diabulosi alelekiwa. Ne lu pila, cwale, haiba Ni kona fela kufita mwa sibaka; ni kuba fa sibaka sa libima zetalu fela kwanu, kufitelela mabita. Mi kona hane Ni sazoba fela mukutazi, mi Ne ni kutaza ona kwanu mwa lilulu le, mwa mukopano wa tende.

²⁴⁹ Mi musizana yomunyinyani yani nali alimuñwi wa babini baba bukwala. Nakena fa sikolo sesi pahami se sa kwanu, mi yena ni Lee Horn. Mi buñata bwa mina mwa tolopo mo mwa muziba Lee Horn ona kwanu, una ni sibaka sa kubinela. Mi kacwalo bona, yena ni Lee Horn, ne bali babini babande ba bukwala mwa naha kaufela. Yena ki mu Katolika, yena luli. Kakuli, bulapeli nebusa talusi sika sesiñwi ku bona, kacwalo he... Nellie ni babañwi. Kacwalo, nali mubini yomutuna, mi nali cwalo, ni yena. Mi neba nani mubinelo kwanu one babiza kuli “fafasi foku unsufezi,” ni “kubina ka kunjanja,” ni lika zani kaufela. Mi yena nali... Ba babeli bani nebali baba bukwala mwa naha.

²⁵⁰ Zazi leliñwi, ki ha tatantalika kwanu, busihu bulibuñwi, mwa mukopano. Mi fani sa to wa, fa katala, Nellie yomunyinyani. Ifuyolwe pilu ya hae. Na lobezi fa katala fani. Na nanuzi toho ya hae. Mi kiha sa huwa, ni mioko inze ibuba fa malama a hae. Ki hali, “Billy...” Na ni zibile. Ki hali, “Ni bata kupiliswa, ha butuku.”

²⁵¹ Mi se Nili, “Nellie, wakona kupiliswa. Jesu uku pilisize kale, musizana. Ulukela ku iamuhela cwale kuya ka mutomo wa Linzwi la Hae.”

²⁵² Mi napila kwani. Mi sa lila, ni ku lapela, mi ki ha bulelela Mulimu kuli nasike kuteeleza kwa lika za lifasi hape. Ona fani fela, kozo ya lilato ye munati ya taha mwa moyo wa hae. Ki ha zuha kuzwa fani, kuhuwa ni kulumba Mulimu, inza lumbeka Mulimu.

²⁵³ Mi mwendi hasamulaho wa likweli ze silezi kamba ze eiti, nasweli kutaha mwa mukwakwa wa Spring Street, busihu bulibuñwi.

²⁵⁴ Cwale, neli musizana fela yomunyinyani, nali fela mwa lilimo za bunca bwa hae, seli mwendi wa lilimo ze lishumi ka ze ketalizoho ni zetalu. Mi sa taha ku na, mi ki hali, “Hope...” Yani neli musalaka, yena ya sa ikezi. Ki hali, “Ni lakaza kuli kambe Ni bonahala sina Hope ni Irene.” Ki hali, “Mwa ziba, bali kuba ba zwe mwa lifasi.” Ali, “Lifasi libeile swayo ku mina.” Ali, “Ni na ni mubonahalelo o maswe.” Ali, “Cwale, Ni tuhezi kutola mipende ni zeñwi, kono Ni bonahala bumaswe. Nihaiba pono yaka, kwa pata yaka,” sa li, “Ni bonahala bumaswe.” Ki hali, “Ba bonahala baba sina mulatu mi baishuwile.” Ali, “Ni lakaza kuli kambe ha Ni sika eza sani.”

²⁵⁵ Se nili, “Nellie, Mali a Jesu Kreste atapisa kuzwa kwa sibi kaufela, mulatiwa. Zwelapili cwalo, u ulumele.”

²⁵⁶ Wayne Bledsoe, buñata bwa mina mwa muziba kwanu, mulikanaka wa fa sifuba, mwa lilimo ni lilimo. Nali munwi. Mi kiha taha kwanu ni munyana ka muzwale, Edward. Mi na kozwi ona kwanu mwa mukwakwa, mi ki ha Ni mu nanula, kakuli mapokola neba ka mu nopa. Mi kiha Ni mutisa kwanu. Mi Nenili mukutazi mi ne nipila ona kwanu, boma ni bo ndate, kwahule kwani mi Ni si ka nyala kale. Mi Na munga, ku mu beya mwa mumbeta mwahali mwani. Na lobala . . . alobala fa bulobalo bwa batu bababeli. Neku na ni sikwata sesituna sa baha Branham, mwa ziba, ba lishumi ba luna. Mi kacwalo ne lu nani misiyo yemine, mi neluna ni ku titihana, nyana. Kacwalo, Ne nina ni mumbeta wolikana kulobala ba babeli kona fone Ni lobezi. Na u hoha sina *cwana*, ni—ni kunga Wayne kuya fa mumbeta ni na. Nakozwi, ne lu nani ku mu nanula ni ku mu kenya mwa ndu ni ku mu lobaza fasasi.

²⁵⁷ Mi Ne ni lobezi fani. Na li, “Wayne, kana ha uikutwi kuswaba, ona *cwana*?”

²⁵⁸ Mi yena ali, “Uh, Billy, usike wa bulela kuna cwalo.”

Mi kiha Ni beya lizoho laka ku yena. Na li, “Ni ka ku lapelela, Wayne. Mulimu aku fuyole.” Mi Ne ni pilisizwe mwendi, oh, Na bona mwendi, mwendi silimo cwalo.

²⁵⁹ Mi kacwalo he, ona fani fela, mota—mota, kiha nata sikwalo fande, mi yomuñwi angongota katata hahulu. “Muzwale Bill! Muzwale Bill!” [Muzwale Branham ungongota fa katala—Mu.]

²⁶⁰ Na hupula kuli, “Mawi, ziyези, yomuñwi mwendi wa shwa.” Natula, kuzwa mwa munyako; na yo swala mutu yani fani, na tubula li pajama zaka, sina *cwana*; ni kuapesa Wayne ka yona. Kumatela kwa munyako.

²⁶¹ Ne ku utwahalile sina musali. Na kwalula sikwalo, mi musizana yo inza yemi fa munyako. Ki hali, “Oh, kana Ni kene nji?”

Se nili, “Aku kene.” Mi kiha Ni tukisa malaiti.

²⁶² Mi cwale nasweli fela kulila, mi ki hali, “Oh, Muzwale Billy, Ni—Ni—Ni felile! Ni felile!”

²⁶³ Se nili, “Butata kibufi, Nellie? Una ni—una ni butuku bwa pilu?”

²⁶⁴ Ki hali, “Batili.” Mi ali, “Muzwale Bill, Ne ni taha ni shetumuka mwa mukwakwa wa Spring.” Mi ali, “Ka kusepahala, Muzwale Bill! Ka kusepahala, Muzwale Bill, Ne ni sa talusi kueza bumaswe. Ne nisa talusi kueza bumaswe.”

²⁶⁵ Se nili, “Butata kibufi?” Na hupula, “Ki sikamañi se Ni ka eza ni yena cwale?” Ne nisa zibi sa kueza. Ne nili, fela mutanga. Mi Na . . .

²⁶⁶ Ali, “Oh, Muzwale Bill,” ali, “Ni ikutwa—Ni ikutwa—Ni ikutwa fela ku pazauha mwa liemba emba.”

Se nili, “Cwale, kuza, kezeli. Uni bulelele ka za teni.”

²⁶⁷ Mi ki hali, “Kulukile,” ki hali, “Ne nisweli kutaha ni shetumuka mwa mukwakwa, ni kwa Muyaho wa Redman . . .” Mi ne babanga ni kubina la Pelekelo busihu kwani. Mi yena ali, “Ne nina ni lika, Ne niya kwa ndu kuyo ikezeza ndelesi.” Mi ki hali, “Se ni utwa lipina.” Mi ki hali, “Mwa ziba,” ali, “Na yema fa muzuzu nyana.” Mi nali, “Ne kuzwelapili kuba hande. Kacwalo Na hupula kuli, “Mwa ziba, hakuna ku utwahala butuku ha Ni ka yema fa.”

²⁶⁸ Fani kona fana ezelize mafosisa a hae, ayema fa nako nyana. Ki ha teezeza fela.

²⁶⁹ Ali, “Kulukile, Ni ka nahanisisa.” Ali, “O Mulena, Wa ziba Na Ku lata, niteni.” Ali, “Wa ziba Na Ku lata, Mulena. Kono Na kona ku hupula luli nako fani Lee ni Na ne lu winanga li-li komoki, ni zeñwi cwalo.” Ali, “Mawi, Na hupula pina yani ya kale nei ni katulusanga. Haisa eza cwalo cwale.”

²⁷⁰ Uh-oh, uh-oh! Uhupula fela kuli haisa eza cwalo. I kusweli kale, ona fani. Cwalo kona fela ka bunde ka mwa batela, ona fani. Mwabona?

²⁷¹ Ki babakai baba ziba Nellie Sanders? Kulukile, Na sepa buñata bwa mina kaufela. Eeh. Luli. Kacwalo se ba—se ba—se ba sweli . . .

²⁷² Ali, ki hali, “Kulukile, mwa ziba kuli kiñi?” Ali, “Mwendi ha Ni ka zamaya fa mapahamelo fahalimu fani,” ali, “mwendi Ni ka kona ku paka ku babañwi ba mina.”

²⁷³ Oh! Mwabona, mu inzi fa sibaka luli sa diabulosi. Muinele kwa hule ni sona. “Mu sabe kwa mubonahalelo ya bumaswe.”

²⁷⁴ Kono yena ki haya ku kambama, fahalimwa mapahamelo, mi ayema fani fa mizuzu nyana. Mi taba yapili mwa ziba, nali mwa mazoho a mushimani yomuñwi, fani fa sibaka sa kubinela.

²⁷⁵ Mi kiha itetulula. Mi ali kuyema fani, inza lila ni ku zamaya, ali, “Oh, Ni latehile cwale, kulatehela mukwazo. Ni . . .”

²⁷⁶ Na hupula, “Kulukile, Na hani zibi hahulu zeñata za Bibele, kono Ni lumela kuli Jesu na bulezi kuli, ‘Ka Libizo la Ka baka leleka diabulosi.’” Ni . . .

²⁷⁷ Mi Wayne na sa kololokwile, nyana cwalo, mi na inzi fani, inza talima. Mwabona? Kacwalo se Nili, “Cwale, diabulosi, Ha ni ku zibi, kono Na ku bulelela cwale, yo ki kezelaka, mi hauna taba ya ku mu swala. Na sa talusi kueza cwalo. Na yemi fela fa muzuzu.” Fani kona fana ezelize mafosisa, niteni. Na li, “Kono ulukela kuzwa ku yena. Wa ni utwa njí?”

²⁷⁸ Mi kacwalo unituse, Mulimu, fa Siyemo sa Katulo, mwa ziba. Sikwalo sani kiha sikala ku kwaluha ni ku kwala, isali sona.

“Kweee, kwaaa,” kwani kwa sikwalo. “Kweee, ka-kwaaa, ka-kweee.” Na hupula.

Mi yena ki hali, “Bill, talima kwani. Talima kwani.”

Mi se Nili, “Eeh. Ki sikamañi sani?”

Ki hali, “Ha ni zibi.”

Se nili, “Nina ha Ni zibi.”

²⁷⁹ Mi sikwalo kiha silila “kweee-kwaaa, ka-kweee,” sinze sikwala cwalo. Na hupula, “Ki butata mañi fa? Ki butata mañi?”

²⁸⁰ Na talima hape, sina *cwalo*. Mi Na li, “Mu tuhele, Satani! Ka Libizo la Jesu, uzwe ku yena!”

²⁸¹ Hane Ni bulezi cwalo, kwato bonala inge sikampafwa sesituna, mwendi butelele bubu *cwana*, sa to nanuha kuzwa ku yena, ni milili ye mitelele inze lepelela kwa mafufa ni mautu a sona, sina *cwalo*. Inze siya, “Oooooh.” Sakala kutaha kuna, katata luli inze si taha.

²⁸² Se nili, “O Mulena Mulimu, Mali a Jesu Kreste ani sileleze ku sani.”

²⁸³ Mi Wayne ki ha tula mwa mumbeta, atalima. Mi ki se fa, sina muluti o mutuna, otinguluka, mi waya ni ku yo lula kwa mulaho wa mumbeta. Ni yena Wayne azwa fa mumbeta, kukena mwa musiyo otatama, kuitiisa ka mwana konela. Kacwalo lwa . . .

²⁸⁴ Na nga Nellie ni ku muisa kwa ndu. Ni kuyo kuta, mi Ne nisa koni . . .

²⁸⁵ Boma baya kwani kuyonga mashiti ni zeñwi kaufela. Neku sina zeñata mwa mumbeta wani. Neli sikamañi sani? Diabulosi nazwile ku yena. Ki sikamañi sene si ezahalile? Na yemi fa nako nyana. [Muzwale Branham ungongota fa kata la habeli—Mu.] Ku felile.

²⁸⁶ Musike mwa yemanga, ni hanyinyani. Foo Mulimu haswelii kunwelisa Linzwi la Hae mwa lipilu za mina, munge fela ona Mukwale wani mi mukale ku lemaka ni kupumaka. Haleluya!

²⁸⁷ “Ha nina nako ya ku libelela ze sina tuso. Ki kuikela fela, Hanina mane nihaiba nako ya ku inafafasi.”

²⁸⁸ Na ize, “Kulukile, cwale unge mulamu waka mi uyo ulobaza ku mbututu. Mi haiba mutu akubulelisa, usike mane wa bulela ni yena.”

²⁸⁹ Haiba diabulosi uli, “Yela, kikuli wa ziba mo ikutwela?” Usike mane wa bulela ni yena. Uzwelepili fela kuya.

²⁹⁰ Yena diabulosi, mwa ziba, diabulosi uli, “Kono kana wa ziba kuli kiñi? Wa ziba, *Wakuli-ni-kuli*, fani Moya o Kenile, wa hupula kuli na—na batile kutakana.” Usike mane wa bulela ni yena. Uzwelepili fela ku zamaya. Hauzibi ka *Wakuli-ni-kuli*.

²⁹¹ Ki wena ni Mulimu. Yani ki niti. Mubuluke Mulimu. Wa tozanga batanga ba Hae. Ni na ni kuakufa. Mulimu wa tozanga batanga ba Hae. Mwabona?

²⁹² Cwale Ni lukela kufitelela ze ñozwi nyana fa, kono Ni tabela kubulela cwana. Fa, muteeleze cwale, katokomelo.

²⁹³ Kalibe yomunyinyani, teeleeza katokomelo cwale. [Muzwale Branham hape uambola ku kezeli ya kula—Mu.]

²⁹⁴ Fa lubona makilikicani a diabolosi. Lu eza cwani? Cwale, Ni na ni Mañolo amañata fa, a bapolofita ni zeñwi, kwa na tile ku bona, ni batu baba shutana mwahala Bibele, bene ba ezize taba yeswana. Kamita ki makilikicani a hae, ki kulika kunga batu kuli basike ba lumela Linzwi la Mulimu. Muteeleze, mina masole ba sifapahano. Ha mu sa lumeli Linzwi la Mulimu lililiñwi leli ñozwi mwa Bibele, mu amuhilwe lilwaniso.

²⁹⁵ Wa lumela cwalo, mulatiwa? [Muzwale Branham hape uambola ni kezeli ya kula—Mu.]

²⁹⁶ U amuhilwe lilwaniso. Wa itulela, wena tapi tuwe. Muapale lilwaniso kaufela za Mulimu. Amen. Lu inzi mwa ndwa. Sona sa bulezi Mulimu kuli ki niti. “Linzwi la mutu kaufela ki buhata.” Mwabona? Kono mu sa eza fela . . . kufita fela fa kuteeleza taba iliñwi, ani kona makilikicani a hae, mu amuhilwe lilwaniso.

²⁹⁷ Ki lika zekai zeo Eva na teeelelize ku zona? Silisiñwi. Na amuhilwe lilwaniso ona fani. Ki sikamañi sa na ezize diabolosi? Na icocomelize kapili mwa munahano wa hae, mwa moyo wa hae, mi ona fani kiha lyangana. Ki niti yeo njii? Na lyangani ka ona muzuzu wanatilo amuhawa lilwaniso, fani hana sika lumela Linzwi la Mulimu. Ku lukile. Kifa lubona makilikicani a hae.

²⁹⁸ Masole ba Mulimu ba laelwa kuli “Ba apale lilwaniso kaufela za Mulimu.” Ki niti yeo njii? [Puteho ili, “Amen.”—Mu.] Cwale, haiba mubata kuñola Timana yeo, ifumaneha mwa Maefese 6:10 ni 13. Mwabona? Lu i balile nako nyana yefitile. Kona palo ya luna. Ku lukile. Mulemuhe. “Mu apale lilwaniso kaufela za Mulimu.” Halu . . . Kana muna ni mizuzu ye likani nyana? [“Amen.”] Halu kuteleñi fani fa muzuzu fela. Halu boneñi fela kuli lilwaniso kaufela za Mulimu ki sikamañi. Ku lukile. Halu kaleleñi fa timana ya 10. Cwale, muteeleze katokomelo cwale. Halu fumaneñi lilwaniso kaufela za Mulimu. “Ka kufeleleza, bana bahesu . . .” Cwale, Ni ziba kuli Ni ka . . . Nika . . .

²⁹⁹ Ki mizuzu ye mashumi amabeli, ona fa, kufita ka twelufu, seli mwendi. Na—Na hani . . . Ne ni sabati ku miluta nako yetelele hahulu, kacenu, kono Ha—Ha nikoni mwendi kuba ni kusiyeye fela Liñusa lililiñwi fo Ni kabela ni musipili waka wa mbumbi, mwa bona.

³⁰⁰ Mi mwa ziba kuli kiñi? Mwa ziba se Ni ezeza cwana? Na mi bulelela. Zazi leliñwi Ne ni bile ni tolo. Ne nisa lukeli ku ibulela,

kono inzi fela mwa munahano wa ka. Mwendi nika eza cwalo, kasamulaho Mulena hasanifile toloko.

³⁰¹ Ne ni lolile kuli ne Ni bata kusila nuka yetuna, kuya kwa musebezi wa mwa simu. Mi cwale, pili, Ne nili kwani ni musalaka . . .

³⁰² Mi ki babakai babakile ba ziba George Smith, Smith wabu silezi, kwanu mwa tolopo? George Smith, mushimani wa hae umwa musebezi wa bupokola kwanu. Yena, George yashebile, ki munwi cwale. Kono nali alimuñwi wa balwani babande. Ki yena yana ni file tuto yaka, mane ni sikaya kale kuza Y.M.C.A. ni kokuñwi kaufela. Na lu lutanga. Mi nali ya akufisa, ku akufisa luli. Yena nali wa bukiti bobu likani fela, lipaundi ze mianda yemine ni ze mashumi amane ka ze ketalizoho. Mi na ni lutile. Mi ne lu yemanga fani, mi nakona kunga ñindi ya hae, sina *cwalo*, ni ku ni nata mwa mba, kuni nanula kuni limbissa kwa limota, mwabona, kono, mi ne li sa ni bilaezi. Na sweli fela ku ni luta, ne kusina sika sisili kwanda tuto.

³⁰³ Mi cwale Na—Na lola, busihu bobuñwi, kuli ne Ni boni Smith wabu silezi. Cwale, ne si pono. Neli tolo. Mi Na bona Smith wabu silezi, mutangana nyana ataha kuto mulwanisa, mwa kangisano. Mi yena, muuna muhulu yani, mwendi, oh, Na bona . . . Ni eza ze mashumi a ketalizoho ka zepeli. Yena ueza zelikana mashumi aketalizoho ka ze ketalizoho ni zetalu, mashumi asilezi. Neku sina nihaiba alimuñwi wa mutangana yani yana kona ku mu swala, mwa mukwa kaufela. Na batamile fela mwa kambandula, sina *cwalo*, kuba lobaza felafafasi ni kuba swala ka lizoho la hae.

³⁰⁴ Mi Na hupula, “Sani ki sa bueñi.” Na hupula kuli musalaka nali ni na, mi se Nili, “Sani ki sa bueñi.” Se nili, “Wa ziba kuli kiñi, Meda? Yani nabanga muluti wa ka.”

Ki hali, “Na—Na hupula cwalo, wa ni bulelelanga za teni.”

³⁰⁵ Se nili, “Eeni, sha. Ka tuto ya hae yende, Ni winile lindwa za bo caziba ze lishumi ka ze ketalizoho, ni kutuhela—kutuhela musebezi; ku kutaza Evangelii.”

³⁰⁶ Ona fani fela se ku cinca, mi se Ni kala kusila—kusila nuka. Kono hane Ni sweli kuya, Ne niya ni mukolo wa malaiti. Na talima mwa buse, mi neku inzi ba babeli ba mizwale yaka kwani, mwa mukolo, bene ba i tukisize kuya ni na. Se nili, “Ha mukoni kueza cwalo, mizwale. Huh-uh. Ni lukela kuya ninosi.”

³⁰⁷ Mi sandaula ataha, mi ki hali, “Kiwo fa mukolo,” mukolo wo musweu luli wo pulasitiki.

Se nili, “Kifo. Huh-uh. Isiñi cwalo.”

³⁰⁸ Ki hali, “Kulukile, wa kona ku mata ni ona *kafa*, libima ze mashumi aketalizoho ka hola.”

Se nili, “Kono Ni lukela kusialela *kwani*.” Mwabona?

“Kulukile,” ki hali, “uye ni *bona* micaha bani.”

³⁰⁹ Se nili, “Bani haki bo sandaula. Haba zibi buñata bwa zani. Ba hapelelizwe. Haba koni kufulula wani. Sibeli sabona ba ka nwela mwani. Haba koni fela kueza.”

Mi yena ali, “Kana wa . . . wakona ku sepa . . . ?”

³¹⁰ Se nili, “Teeleza, Na—Na ziba kaza mikolo kufita mo ba zibela, mi Na hanina ku fuluhisa ka sani, ona sika sa mufuta o cwalo wani.” Se nili, “Ku lukela kuba ni mukolo wa malaiti fa kusila fani.” Se nili, “Ni ka nga sesiñwi sesituna kufita sani.”

³¹¹ Mi kiha Ni mubona inza talima talima, ku alimuñwi wa mizwale, mi ali, “Kana u sandaula nji?”

Mizwale ki ha bali, “Eeni.” Mwabona?

Se nili, “Sani si fosahalile.”

³¹² Mi sandaula kiha taha. Ki hali, “Ni ku bulelele so ka eza.” Ali, “Ba ku lata. Ba ku lumela. Kono,” ali, “haiba ulika kusila ni mukolo wa malaiti, baka lika kuku latelela mwa mukolo mwani. Sibeli sa bona ba ka shwa, mwabona.” Ali, “Haba koni kuku latelela.”

Mi se Nili, “Kulukile, ki sikamañi se Ni lukela kueza?”

³¹³ Mi sandaula yo fa likamba, ki hali, “Uye ku kambama *kwani*.” Ali, “Kuna ni fela ndu iliñwi ya libulukelo mwa naha ye kaufela, ndu yenyinyani ya libulukelo. Mi mwani kuna ni zeñata mwateni,” ali, “mi liinanga ona mwani. Likaba—likaba mwateni mo hause—hause uile. Kono,” ali, “ulukela kulobala mo kuna ni lika.”

³¹⁴ Mi Ne nisweli fela kuleka mifuta kaufela ya kabici, ni nyanisi, ni mibisi yeñwi, ni lika zeñwi, kulibundeka mwani cwalo. Mi se Ni zuha.

³¹⁵ Ne nisa zibi seo nesili sona, kono cwale Na ziba. Mwabona, lu inzi mwa lika zeñata, mizwale. Bo ki bupilo bo muna ni ku zamaya munosi.

³¹⁶ Leo, wa hupula tolo yono nani nako yani hautaha kwanu lwa pili? [Muzwale Leo Mercier uli “Amen.”—Mu.] Kulikana ni piramidi, mi no hupula kuli ukataha kwanu. Se nili, “Leo, hakuna mutu yakona kufita fahalimu faa. Mulimu ubeile mutu kuba fani. U pahami siyemo kaufela sa butu sesikona ku pahamiwa.” Se nili, “Haukonи kuba fa, Leo. Mwabona? Ukutelefafasi. Ubulele fela batu kuli izwa ku Mulimu.” Mwabona? Mwabona?

³¹⁷ Ki sika se mu—mu itingile ku sona, kuya ka bunde bwa mizwale ni likezeli, ni keleke yaka ni lika kaufela, ni bunde bwa likeleke zeñwi mo li inezi, ni mizwale, kai ni kai.

³¹⁸ Cwale, Ha ni koni ku ina kwa hule ni keleke kwani. Yomuñwi uli, “Kulukile, ki sikamañi ha uzamaya ni batu bani, ba tumelo mwa balimu babalalu, kaufela *ze, zani*, ni zeñwi, ni ba oneness,

ni ba Jesus Name, ni lika zeñwi ze mwateni? Ki sikamañi ha mu kopana ni bona, ni hanyinyani?" Ki baka. Hakuna taba ka ze ba ezize, ki baka. Ki katala kaka.

³¹⁹ Fani Isilaele hana ezize bumaswe hahulu, kufitela mane Mulimu abulelela Mushe, kuli, "Ikauhanye iliwena. Ni ka kala lusika—lusika lolunca ka wena."

³²⁰ Mushe aipeya iliyena mwa nzila, ali, "Kono Usika bang a kale, unge na."

³²¹ Hakuna taba ka ze ba ezize, bani kona ko Ni lomezwi. U lumanga Liseli, isi ku to monyeha fokuna ni Liseli. Ki ko kuna ni lififi, kona ko ku lukela Liseli. Mi mulukela ku zamaelela ni batu. Mu lukela kuyema ni bona, kube cwani kamba cwani, mulukela kuba cwalo, mwa mafosisa abona.

³²² Isilaele na fosize sina kufosa mone kukabela. Neba fosize kufitela Mulimu abañala. Kono, Mushe, Ni bile ni komokanga kamo litezi zani, kono neli Moya wa Kreste ku Mushe. Mwabona?

³²³ Mwabona, kaufela luna lu fosize. Na luyemezi kaufela luna hane lu sali mwa mafosisa.

³²⁴ Hakuna taba kamba li fosahalile cwani, lusike lwa lelekana kamba ku ketululana lu na bani ka sesiñwi. Ibile fela lukona ku wina moyo, haluyeni teni ka "kuba baba butali sina noha, ba basina buhali sina nkwilimba," mwabona, ni kulika ku wina moyo kaufela wo lu kona.

³²⁵ Cwale, se kona se Ni lika kubulela kakusasana cwana, ki kubuluka Lico. Kubuluka Lico, ili kuli mube ni sesiñwi sa kuca, ili kuli mube ni sesiñwi sa kufepeha ku sona. Muikutwele Sona fa matepu. Muine mwa musiyo mo kubatelwa. Mwendì, ha Ni kaba kwahule, muka hupula niteni kuli lika ze ki za niti. Muine mwa musiyo wa mina ni kuteeleza. Mwabona? Mi ze ki Lico, kubuluka, mwa ndu ya libulukelo. Hani zibi kokuinzi musipili. Kono, ko kaufela uliteni, Yena wa ziba Kwa sweli ku eteleta; Ha ni cwalo. Ni latelela fela.

³²⁶ Cwale, ki sikamañi sene ba bulela fa cwale? Muteeleze hande.

Ka kufeleteza, bana bahesu, mutiyele ku Mulena, ni mwa mata a hae asapalelwı sika.

...mu tiyele...mwa mata a sapalelwı sika.

Mu apale lilwaniso kaufela za Mulimu, kuli mukone kutiya kwa lunya lwa diabulosi.

Kakuli halu lwani ka nama ni mali,...

Kukunupa ka malumo ni kupumaka ka litipa, mwabona, zani haki zona.

*...kono lu lwana ni milonga, ni mata, ni malena a...
a lifasi leli lififi,...*

³²⁷ “Malena a lififi.” Ki mañi ya busa lifasi? Ki diabulosi. Luli. Likä ze kaufela li ya ka mañi, likä ze kaufela ze si za bumulimu ze sweli ku ezahala, mwahala sibaka se, ni likañi ze, ni zeñwi cwalo? Kaufela zona ki diabulosi. Bibebe i bulezi ona cwalo. Ki diabulosi yabusa mwa United States. Diabulosi wa busa mwa Germany. Diabulosi wa busa na ha kaufela mwa lifasi. Na taha ku sona, mwa mizuzu fela ye likani, mi luka fumana kamba wa eza cwalo, kamba kutokwa. Kamba . . . Mubuso kaufela okile waba teni kamba okabateñi, kufitela Mulimu atomia mubuso wa Hae, li zamaiswa ki diabulosi.

³²⁸ Hanitalusi kuli mutu kaufela mwateni ki diabulosi, cwale. Kuna ni batu ba bumulimu mwa—mwa liofisi za muuso.

³²⁹ Kukaba alimuñwi mwahali mo mwa masihu nyana, ona mo, ku bonisa siswaniso fa ni Muzwale Arganbright, kwanu kwa sibaka. Sabile nduna wa bayemeli mwahala batompehi ba ketalizoho baba shutana, Muzwale Rowe. Mi ki . . . Ukaba kwanu, Na sepa ki mwa sunda ya bubeli ka kweli ya Lungu. Muzwale Neville uka zibahalisa za teni. Mi ki muuna yomunde.

³³⁰ Na bulezi kuli wakona kubulela mwa mishobo ye ketalizoho ka yemilalu yesutana, Na sepa. Kono hana amuhezi Moya o Kenile, na sina mishobo ni o mukana wa ku ambola ku Mulena, kacwalo Mulena a mufa ulimuñwi, ki hali, kacwalo abulela ku Yena ka ona wani. Na mufile o munca, wana si ka ituta ka ona. Ku lukile.

. . . *mioya ye lunya mwa mabaka a mwa lihalimu.*

Kabakaleo . . .

³³¹ Cwale muiteeleze, mi kaufela masole cwale, lusika kala kale mukoloko wa ku lapelela.

. . . *mulwale kaufela . . . ku mina lilwaniso* (k-a-u-f-e-l-a) *kaufela* (isiñi fela siemba sa zona) . . . *lilwaniso kaufela za Mulimu, kuli mu kone kuyema ka lizazi lelimaswe, . . .*

Lani kona lizazi lelupila ku lona.

. . . *mi hamuse muezize kaufela, tuyeme.*

Muyeme . . .

³³² Amen. Wa utwa nji? Wabona, mulatiwa? [Muzwale Branham hape ubulela ni kezeli ya kula—Mu.] Ha mu se mu ezize kaufela ze mukona kueza, tuyeme, kihona tuyeme. Musike mwa shenya.

Kifohe tuyeme, mwa liteka zamina munze . . .

³³³ Muiteeleze ku se. Muiteeleze kwanu, se ki sikamañi. “Liteka zamina.” Sani kona sibaka sa fahali, *fa*, mwabona.

. . . *munze muitamile niti, . . .*

³³⁴ Niti Ki sikamañi? Ki Linzwi la Mulimu. Yani ki niti. “Linzwi la Hao kona Niti.” Ku lukile.

... mi muapale sisilelezo sa fa sifuba ili kuluka;

³³⁵ Sani kikuli, "Mueze se silukile." Muna ni Linzwi la Mulimu ku mina, kueza se silukile. "Siapalo sa fa sifuba."

Mi mautu a mina muapale likatulo ili buitukiso bwa evangeli ya kozo;

³³⁶ Muye kai kamba kai, sibaka kaufela, ka nako kaufela, mautu a apezi Evangel. Mwabona? Mi mutualime:

Fahalimwa lika kaufela, fahalimwa zona kaufela, mulwale tebe ya tumelo, ...

³³⁷ Yani kiyona ye wisezafafasi masho ani, mwabona, "Ona tebe ya tumelo."

... ili ka yona mukone kutima masho kaufela a tuka aya maswe.

Mi muapale kuwani ili kupiliswa, ...

³³⁸ Wani kona moyo... Munahano—munahano, mwahali *mo*, mwa toho; uapeswa mwa toho.

... mi ni—mi ni mukwale wa Moya, ili Linzwi la Mulimu:

³³⁹ Muka tubula cwani kuwani ye, ki sikamañi se ieza? Ki silelezo. Kuwani ipangilwe fa sikamañi? Sipi. Sipi yecisa haikoni nihaiba ku lyanganisiwa; itiile, itiile kufita sipi fela. Kuwani kwa toho ya sipi ye cisa, (kona sikamañi?) kupiliswa, zibo ya kuziba se, "Mi foliso yaka izwa ku Mulimu. Piliso yaka izwa ku Mulimu. Kutwisisa yaka izamaelela ni Linzwi la Hae, isiñi ni mulelo wa keleke; kono Linzwi!" Amen. Kifo he cwale. Ku apeswa, ka silelezo, kuwani ya kupiliswa, tukuluho. Muutwe seo, kutuha fani muye muzamaya kwapili. Oh, cwale, cwale sani kona se lu lukela kueza. Mpi ya Satani...

³⁴⁰ Cwale mutualime, cwale, luna... Ni lukela fela kuakufa, kono Nika—Nika kenya se mwateni.

³⁴¹ Mpi ya Satani itisa matuku. Sani kona sali sona Satani, ki sisinyi. Satani, mubuso kaufela wa Satani, ki matuku, lifu, ni kuswaba, ni ku filikana, ni lipilaelo, kaufela zona ku Satani.

Mulimu ki Bupilo, tumelo, tabo, kozo, ona *mo*. Mwabona?

³⁴² Cwale, ani kona mata amabeli asweli kutaha hamoho ka nako ya cwale. A lwanisana. Asweli ku lwanisana ona mwa muyaho wo ona fa. A lwanisana, zazi ni zazi, ni wena, mata kaufela.

³⁴³ Satani, ku ku latelela cwalo, yomutuna yani, muprisita, yomutuna wa silena, Goliati kiyena ya lika kusabisa sibiti kuzwa ku wena. Yena ufa teni, kono Mulimu...

³⁴⁴ Mu silelelizwe, amen, ka Evangel, ka Linzwi la Niti litatelize mwa teka ya mina. Kanya! Mukutazi, sani kona seo sili sona. Kuwani ya kupiliswa; tebe ya tumelo; ni Mukwale, mu U swale

mwa lizoho la mina! “Satani, Ni taha kuto kopana ni wena. Uni katani ka libizo la sayansi. Uni katani ka libizo la—la sizo. Uni katani ka libizo la katengo. Uni katani ka libizo la se, *sani*, kamba *sesiñwi*. Kono Ni kopana ni wena ka Libizo la Mulena Mulimu wa Isilaele. Na ku taha mwa mulaho. Saba mwa nzila!” Neba lifu kasibili halikoni kuyema fani. Mupunye musima mwahala lona. Yani ki niti.

³⁴⁵ Mpi ya Satani itisa matuku, mi mpi ya Mulimu ilumilwe kuli ialelekele kwande. Amen. Kifo he cwale. Nako kaufela yeo Satani ami nepela sesiñwi, ku mina, mpi ya Mulimu ilukela ku mu lelekela kwande. Amen. Kulelekela kwande!

³⁴⁶ Ani kona makilikicani ateni ao Mulimu naitusisize. Satani naitusisize mpi ya ku sinya, ka kusa lumela Linzwi la Mulimu, ni ku mu tomela mubuso omunde kufita wana na ni Mikaele, mi Mulimu aba lelekela kwande.

³⁴⁷ Mukwa wa Mulimu, ki, ku leleka ya maswe. Ku lelekela kwande za ku nahaniseza. Ku lelekela kwande za ku akaleza. Ku lelekela kwande lipilaelo. Ku lelekela kwande matuku. Ku lelekela kwande sibi. Amen. Mu fahalimu azona, muzuhile ku Kreste Jesu, mu inzi mwa libaka za Mahalimu, mi diabulosi kaufela ukwatasa mautu a mina. Haiba ukala ku nangukiseza toho ya hae kwani, ki sikamañi . . .

³⁴⁸ Mwa ziba, mu shwile. Bupilo bwa mina bupatilwe. Kana *kushwa* ki sikamañi? Mu shwile kwa maikuto amina. Mu shwile kwa lizwalo la mina. Ona tato yamina luli ikali, “Eeni, Na sepa Na . . .” Mu shwile kwa ku nahaniseza kwa mina. Mu shwile kwa lika kaufela. Mi mupumbekilwe ka Libizo la Jesu Kreste; mi muzuhile ni Yena. Mi kaufela Kwa inzi, kwani kona ko mukaba ni mina.

³⁴⁹ Ki sikamañi sene si ezahalile ku bona, alimuñwi wa baba salumeli bani, hanakeni mwa Lihalimu? Mulimu na mukashelize kwande. Mi ki sikamañi sa Na bulezi kwa masole baba zuhile ku Kreste? “Diabulosi hataha, mu mukasheza kwande. Mu mukasheze kwande.” Fani Jesu hana lutile mpi ya Hae, ni kuba lumela kwa mafelelezo a lifasi, “Muye cwale mwa lifasi kamukana, mukutaze Evangelii kwa sibupiwa kaufela. Ya lumela mi akolobezwa ukapiliswa; yasike kulumela ukabeiwu mulatu. Mi lisupo ze lika latelela balumeli, masole Baka. Ka Libizo la Ka baka leleka mioya ya diabulosi; baka bulela ka lipuo zenca; baka swala linoha, kamba kunwa lika ze bulaya, halina ku batiseza kozi; haba ka beya mazoho fa bakuli, ba ka foliswa.”

Kwapili, masole ba Sikreste!
Mucaule sina mwa ndwa,
Ni sifapahano sa Jesu
Sinze si ya kwapili.

³⁵⁰ “Ni kokotezwi ni Yena, nihakulicwalo Na pila; haki na ya pila, kono ki Yena yapili ku na.” Linzwi linze liya kwapili,

kwapata, Mulimu inza pumaka, ka Mukwale wa Hae o buhali kafa ni kafa.

³⁵¹ Mi, ki kabakaleo, fani Grant hana ngile Richmond, ni musali yani wa kwa mboela hana boni Grant hakena, susumezo ya mu swala. Mi kiha sali:

Meto aka aboni kanya ya kutaha kwa Mulena;
U hatikela za kale ili ko ku bulukilwe lisansa
za veine;
U tamuluzi lumonyi lolunze luyunda ka
mukwale wa Hae o bubebe;
Limpi za lindwalume za Hae lizamaya kwapili.

³⁵² Amen. Kana Grant nangile cwani Richmond? Ona mwanatezi ku sona. Amen. Cwalo kona mwana mungezi Richmond.

³⁵³ Cwalo kona mo masole ba Mulimu bangela sibi, matuku; ona cwalo mwatela fela kubona. Amen. Yani kona nzila yebatula kusa lumela kwabona, ni sabo, ni zeñwi. Mi alimuñwi hataha, ba mu wisezafafasi. “Zwa mwa nzila!” Oh, mawi! Kona cwalo. Mulimu waba lelekela kwande, sina mwa Na ezelize mwa Lihalimu. Haili Kapitao waluna Yomutuna na lu bonisize mone ku ezahalezi. Amen.

³⁵⁴ Roy Roberson ni Muzwale Funk, buñata bwa mina baikale kwanu, mwa ziba seo kapitao wa luli ali sona.

³⁵⁵ Nako yeñwi Ne... katengo kaka nyinyani kaza mililo ka kwanu kwa Jeffersonville. Sibaka sa Pfau nesitilo tuka mulilo. Mi kwanu neku yemi katengo ka kwa Jeffersonville kaba mililo, ni kapitao ali kuyema fani, mi kapitao inza zamaya zamaya fela, ali, “Musele mezi nyana fahalimu *fa*.” “Sp-sp-sp-sp,” sina ka paipi kakanyinyani kwanu. Kiha kutaha ba Clarksville kwateni, “Musele mezi nyana fahalimu *fa*.” “Sp-sp-sp.” Muyaho wa Pfau se uca lotee.

³⁵⁶ Se ba biza ba Louisville. Kiha kutaha baana baba itutile. Oh, milangu yateni mo ne ililela kwani!

³⁵⁷ Mi kiyo kapitao yomutuna halabona *fa*, yena waba katengo ka ka talima za mulilo, ali, “Musele mezi nyana fahalimu *fa*. Musele mezi nyana fafasi *fa*.” Baana baba sika ituta.

³⁵⁸ Muzwale, ibile fela mushini wani utima, ki mañi yanali fa toho ya manela? Ki kapitao. Mi manela yani hane inanuhile, aya ni yona. Fani hana ilo nata fa lihaulolo, na sika fita fa lihaulolo pili. Abyangula silepe sa hae ni ku sinepela mwa lihaulolo, mi ali, “Amu tahe, bashimani.” Mi ni mulilo se utima, mwa mizuzu ye likani. Ki kapitao!

³⁵⁹ Ha ki kapitao, yali, “Musele mezi nyana *fa*. Mulike ka bunyinyani *fa*.”

³⁶⁰ Kono, “Amu tahe, bashimani!” Amen. Na etelezi mwa nzila. Na lu bonisize mo si lukela ku ezezwa.

³⁶¹ Na hupula, “Katengo kani kakatalima za mulilo kaka lutilwe hande, nebatilo tima mulilo wani mwa mizuzu ye likani.” Kiñi? Neba na ni kapitao kwani yana ziba sa na eza.

³⁶² Muzwale, mu bulele kaza lituto za bumulimu zeo mubata. Likopano zaipangezi mutu, tutengo twamina: kubapala ni zona.

Ni na ni Kapitao Yomutuna yani bulelezi mwa ku ezeza.

Muli, “Kulukile, haiba Ni kona ku nunkelela, kuutwa ka kuswala.” Oh, bukuba!

³⁶³ Cwana kona nzila yana bulezi Kapitao Yomutuna kuli kona mo ku ezezwa, mwa Luka kauhanyo ya 4. Hanina nako yakuli ni ibale. Mubale, mina bañi. Ku lukile. Luka kauhanyo ya 4, kukalela fa timana ya 1.

³⁶⁴ Na sika bulela kuli, “Cwale Ni ka mi bulelela. Muzwele kwa neku *le* mi mueze katengo kakatuna. Munge katengo ka ba presbyter, ni ma dikoni, ni, kamba kunga ba bahulu, ni ma bishopu, mi munge *se*.” Na sika bulela cwalo.

³⁶⁵ Fani Satani hana kopani ni Yena, naize, “Cwale U shwile tala. Fetula macwe a kuli abe sinkwa.”

Ki hali, “Ku ñozwi . . .”

³⁶⁶ Ki ali, “Fahalimu fa, luka Kunga ni ku Ku bonisa sesiñwi.”

“Kono ku ñozwi . . .”

“Ni ka eza *se*, haiba Uka eza cwalo.”

“Ku ñozwi . . .”

³⁶⁷ Cwalo kona mwana bulelezi Kapitao Yomutuna mwa ku ezeza. Ku ezwa cwani, kezel? “Ku ñozwi, ‘Haba ka beya mazoho fa bakuli, ba ka foliswa.’” “Ku ñozwi, ‘Ka Libizo la Ka ba ka leleka bo diabulosi.’” Amen. Ki sikamañi sani? “Ku ñozwi!” Yani kona taelo ya Kapitao. “Ku ñozwi, ‘Mutu kaufela ya utwa Manzwi Aka ni ku lumela ku Ya Ni lumile, una ni Bupilo Bobusafeli.’ Ku ñozwi! Ku ñozwi! Ku ñozwi!” Zani ki—zani ki litaelo. Yani ki musole. Yani kona nzila. Zani ki lilwaniso zetuna luya lu kambama.

³⁶⁸ Ki sikamañi sa na eelize? Na ile inza kamba cwalo, kulibana ni Goliati. Na bonisize . . . Davida na bonisize cwani mpi yani mwa ku ezeza? Davida na bonisize cwani Isilaele mwa ku ezeza? *Davida* i talusa “mulatiwa, mupilisi.” Mwabona? Kana Davida na eelize cwalo? Na ize, “Cwana kona mo ku ezezwa. Musepe Linzwi la Mulena.”

³⁶⁹ Mi Goliati kiha zwelateni kwani, ali, “Wa ziba kuli kiñi? Ni ka ku nanulela kwa mafelelezo a muwayo wo, mi Ni ka kufepa kwa linyunywani.”

³⁷⁰ Ki hali, “Uni katanyeza sina katengo. Uni katanyeza sina mutu wa sayansi ya kacenu. Uni katanyeza ni mukwale wa hao o likana liñokolwa ze lishumi kazene. Uni katanyeza ka kukwani ya sipi yecisa, ni siemba sa tebe ye Ni sa koni ku nanula kuzwa

fafasi. Uni katanyeza sina ndwalume ya lutilwe. Uni katanyeza ni Ph.D, ni L.L.D. ni litaku za L.D amabeli. Uni katanyeza ka lika ze kaufela. Kono Na nitaha ka Libizo la Mulena Mulimu wa Isilaele, mi kacenu Ni ka puma toho ya hao kwa maheta ahao.” Amen. Kasolondo kakanyinyani kani kanze kataha kuto lwanisa sinata sani, kono nazibile fa na yemi.

Isilaele, inza njanja fela kwa mulaho kwani, “Oh, mutu yomunyinyani yani.”

Goliati ali, “Ni ka ku bonisa se Ni kaeza.” Mi kiyo inza taha.

³⁷¹ Na bile ni t-u-m-e-l-o, mwabona, k-u J-e-s-u, makwese aketalizoho, macwe aketalizoho. Licwe lililiñwi mwahali mwani, kukala ka ona. Ku lipotolosa cwalo, Moya o Kenile nosweli licwe, mi ona cwalo se liya. Goliati awelafafasi. Cwalo kona mo ku ezezwa.

³⁷² Cwalo kona mwana bulelezi Jesu, sa Na bulezi. “Cwale, haiba mina mizwale muyanga mwa simu kwande, haiba mubata kuziba mwa ku tulela mioya ya diabulosi ye, Ni ka mi bonisa mo ku ezezwa.”

³⁷³ Satani ali, “Ni ka kopana ni wena.” Goliati, “Ni ka Ku bonisa se Ni kona kueza. U lapile. Haiba U Mwana Mulimu, Ni ka Kuswabiswa. Uli U Mwana Mulimu. Ni ka Kuswabiswa. Haiba U Mwana Mulimu, ufetule macwe a kuli abe sinkwa. Uce; U lapile. Mi haiba U Mwana Mulimu, Una ni mata a kueza cwalo.”

³⁷⁴ Ki hali, “Kono ku ñozwi, cwale, ‘Mutu hana ku pila ka buhobe fela.’” Oh, yani kona nzila yana ezize ka yona Kapitao Yomutuna.

A Muisa fahalimwa temple fa ngo ya yona. Ki hali, “Haiba U Inepelafafasi,” ali, “Wa ziba kuli ku ñozwi hape . . .”

³⁷⁵ Ki hali, “Eeh.” Ali, “Ku ñozwi, hape, ‘Usike wa lika Mulena Mulimu wa hao.’” Mwabona sa Na ipizize kuba sona Iliyena? “Mulena Mulimu wa hao.” Uh-huh. “‘Usike wa lika Mulena Mulimu wa hao,’ ku ñozwi, hape, ona cwalo.” Mwabona? Oh, mawi!

³⁷⁶ Kiñi sa Na ezize? Na mu komile, ka Linzwi la Mulimu. Makilikicani a diabulosi ki ku mieza kuli musike mwa lumela Linzwi la Mulimu. Mi Kapitao Yomutuna naize, “Munge Linzwi la Mulimu mi mu Lieze. Ka Libizo la Ka ba ka leleka mioya ya diabulosi.”

³⁷⁷ Oh, Satani, kapitao yomutuna wa bona, oh, eeni, mwa ziba, zeñwi za likopano ze lilika ku mi eza kuli mulumele kuli una ni taku ye sikami, mwa ziba, ni muhata o mukima, ni zeñwi zani kaufela. Musike mwa li lumela. Yena haayo cwalo. Batili, sha, muzwale. Yena u talifile. Musike mwa lumela kuli una ni ze cwalo. Ba ezanga cwalo kuli ba mi sabile. Yani haki diabulosi. Diabulosi hana litaku kwa mautu, ka kukala; Na hana katata

luli. Yena ki moya. Diabulosi ki moya. Hana litaku kwa mautu ni lika zeñwi, sina mo mu likela ku mu swanisezanga. Batili, batili.

³⁷⁸ Kono, yena ubutali. Muzwale, yena ki muuna ya butali luli, ya itutile mukwazo, kamita ubile cwalo, mwa zibo ya za lifasi. Oh, eeh. Yena ki yomunde. Uongaongile mpi ya hae ka butali bwa lifasi, kufitela, muzwale, usike wa lika ku—ku bulela ka manzwi amina. Mulukela kuziba ze mubulela ha mu ka kopana ni yomuñwi wa mutangana yani, kuli, "Mazazi a limakazo afelile." Batili, yena hana—hana mautu a kauhani sina litaku. Yena, oh, ki—ki—ki ya zwa mwa sikolo sa lituto ze pahami. Yena ubunangu, muzwale. Ni talusa, kuli u talifile, Ph.D., L.L.D., Q.U.S.T, ni zeñwi zani kaufela za zona. Mwabona? Kaufela zani mwateni, yena una ni butali ka mwa kona kubela. Katalifa, luli, yena ki noha, mupicauki wa zona kaufela. Milili ye lepelelafafasi, muzwale, mi, Ni talusa, kutina, mi hakuna nihaiba ku kokonyana fa koti ya hae. Ubutali, ka katalifa ni bukuluku ka mwa kona kubela. Yani ki niti.

³⁷⁹ Musike mwa ipuma ka yena konji haiba muziba se mu bulela fateni. Yani ki niti. Oh, kono lwa ziba makilikicani ahae—akale. Lwa ziba sa sweli kulika kueza: kulutisa kwa kusa kulumela Linzwi la Mulimu.

³⁸⁰ Mi yena hana mautu a litaku. Batili, batili, batili. Cwale, lu fumana kuli haiba hana mautu a litaku, kona kuli ulukela kuba sika sisili. Yena ki wa makilikicani. Kiya butali, uitutile, ukopanezi. Muzwale, una ni mpi ya hae ona cwalo.

³⁸¹ Mutualime, nako yeñwi, kwani mwa Switzerland. Hani fumani sibaka sa kuli Ni tuhele, balikani. Kuna ni—ni . . . Mwani mwa Switzerland, kiha kutaha mpi yaba German, mar—. . . ni bazwahule inge bakena mwateni. Kiñi, neku bonahala sina limota la sitina; muuna kaufela nalutilwe, muwayo kaufela noyemi sina *cwana*, liñokolwa ze eiti kamba ze lishumi kwa pata abona. Mi kiha bataha kwa sikuwata sa ma Swiss kwani, kiñi sene ba nani? Neba na ni lilemano za—lilemano ze buhali kwa licekesi zabona, tukota ni makwese, mi se ba yema fani. Neba ba yemela. Mi kwa buse bwa lilundu kona kone kuna ni mandu abona. Mpi ya ba Swiss kiha izwa kuyo ba katanyeza. Nekusina sene ba ezize kubona. Ki ha ba bakenela ni kuhapa naha naha ya bona.

³⁸² Ki sikamañi sa ezize manwa yo mwa lifasi, ki mwanana fela? Satani, sani kona sali sona, nakanga bupilo bwa hae haiba naka kona. Kaniti. Ki yani fani; usali mwanana. Mwabona?

³⁸³ Ma Swiss neku sina sene ba ezize. Nebali batu babande. Neba lika ku tibela mandu a bona, kono neba yemezi kwande kwani banze itibeleta. Hasamulaho wa nako, nekuna ni yomuñwi wa libizo la Arnold von Winkelried. Kiha kutaha mpi yani. Neba potolohilwe kaufela bona. Ali, "Ki sikamañi se lu kaeza?"

³⁸⁴ Kai ni kai, neli fela liwate la baana, baba lutilwe hande. Yani kona nzila ya ezanga ka yona Satani. Baba itutile hande,

mukwale wa hae unzo yemi hande cwalo, mutu ni mutu mwa muhato; hañwi, habeli: hañwi, habeli; banze ba sutelela kwa mpi yenyinyani yani. Banze—banze ba zamaya cwalo, zani kona zene bana ni kueza, ni kuto ba nopa, mutu kaufela, inza sweli muwayo. Miwayo ya bona izamaeleta ni bona. Zani ne lika feza mpi ya ma Swiss. Zani nelika felela fani. Kwa buse bwa lilundu nekuna ni mandu abona ni balatiwa ba bona. Basali ba bona neba ka inyandela ni kufosa ni bona, ni bana babona ba basizana, ni bana ba bulaiwa, ni mandu kucisiwa, ni lika kaufela, lico kuba amuha, likomu ni zeñwi, ku yunda. Nebali kwani.

³⁸⁵ Kiñi sene si ezahalile? Susumezo yawela yomuñwi wa libizo la Arnold von Winkelried. Ki hali, “Baana ba Switzerland, lizazi le Ni shwela Switzerland.” Amen. “Lizazi le Ni shwela Switzerland.”

Kiha bali, “Ki sikamañi se mu kaeza?”

³⁸⁶ Ki hali, “Mu ni latelele fela mi mulwane ka ze munani kaufela.” Na yemi kwani; kiha yumba muwayo wa hae, kota nyana yana sweli mwa lizoho la hae, sina *cwalo*. Mi ahuwa, ni mazoho a hae mwa halimu, sina *cwana*, ni kumatela kwani, inge bahuwa, “Kupanga nzila ya tukuluho!” Kumata katata ka mwa na konela, kuya kwa mpi. Mi, hana ezize cwalo, kiha amuha iliñwi ya miwayo yana kona, ni ku yo wela mwa mazwele a hae sina *cwalo*, mi ashwa.

³⁸⁷ Kiha ba bulelela, asika ya kale. Ali, “Kuna ni munzi nyana kwa buse kwani, musali ni limbututu zeñwi Na basiya, ki munzi nyana o Ni sa zo leka.” Mi ali, “Na—Na ba lata, kono, kacenu, Ni shwela Switzerland. Na file za . . .” Ki hali, “Ni fa bupilo bwaka kuli ni pilise naha.” Mi yani neli ndwalume. Neba sika ba ni ndwa fateni haisali. Kuli, sani ne si lifelize.

³⁸⁸ Ne si potolohilwe mpi yani, ni bundume bwani bunze buboniswa, kufitela hakutokwa kuba . . . Haili—haili mpi neilyangani hahulu. Ba Swiss neba ba pikuluselize macwe, ni kuba lundula mwa na ha; mi neba sikabe bakuta haisali. Se kubile lilimo ze mwanda zefitile. Mwabona? Kiñi? Yani neli kezo yetuna.

³⁸⁹ Kono, oh, muzwale, zazi leliñwi, fani kusaziba, ku akaleza, kukakanya, ku filikana, ni sabo, nana ni sicaba sa Mulimu mwa lilulu. Neku na ni Yomuñwi yana bizwa Jesu Kreste, “Lizazi le Ni shwela sicaba.” Yani ki niti.

³⁹⁰ Kiñi sa na bulezi kwa mpi ya hae? “Muni latelele mi mulwane ni na ka lika kaufela ze mu nani. Haiba muna ni sikhwata, mulwane ka sikhwata. Musike mwa saba. Muna ni kota, mulwane ka kota. Muna ni licwe, mulwane ka licwe, kaufela se munani.”

³⁹¹ Sani kona sa bulela Kapitao waluna Yomutuna kacenu. “Ni ngile Linzwi la Mulimu, mi Ni tulile diabolosi ni mata a hae.” Na mu lemakile mwa liemba emba, amen, ka Linzwi

lani. Cwale, kaufela se munani, haiba muna ni Linzwi lililiñwi, “Mulena Mulimu wa mina ki yena ya mi folisa,” mu mupumake. Mulatelele. Amen. Mulatelele Kapitao wa luna. Eeni, sha. Na mu lemakile.

³⁹² Satani, ni mibuso ya hae, yemituna yeminde, mi yende hahulu, ni lika kaufela, kaufela zona ka bukwala hande. Musike mwaba ni sa kueza ni luna. Yani ki niti. Yena usali ya butali kufita sibatana kaufela sa mwa simu. Eeni, sha. Jesu ali bana ba lifasi le neba na ni butali hahulu kufita bana ba Mubuso wa Mulimu.

³⁹³ Cwale, mifilifili ye mibeli yemituna ye. Lu ya . . . Ni na . . . ni ku kwala. Mifilifili ye mibeli yemituna ye ya taha hamoho cwalo. Ona fa ye seli hola yeo matuku ni zeñwi liwezi lifasi, kufitela sayansi ya ba milyani i palelwa, ni lika kaufela lipalezwi. Hakuna sika, mi—mi lukaba fela . . . Mi mpi, ona mpi yenyinyani ya Mulimu, i sweli ku kashezwa mwa lilulu ni zeñwi. Muzwale, seli nako ya Arnold von Winkelried yomuñwi. Seli nako, seli nako ya mutu wa Mulimu yomuñwi kuli ayeme cwale. Seli nako ya Elia kuli abonahale. Seli nako ya kuli sesiñwi si ezahale.

³⁹⁴ Mpi ya Mulimu, mukwale minahano ya mina. Musike mwa yema fa muzuzu, ku kala ku nahana sika sesiñwi seo diabulosi ana ni kumifa sona mwa maikuto amina. Kono muhupule, Linzwi la Mulimu halikoni ku palelwa.

³⁹⁵ Limpi zepeli zetuna ze! Mi sila ha ka taha sina muunda, sina mwatela kacenu, ki sikamañi sana bulezi Mulimu kuli Uka si eza? “Moya wa Mulimu uka nanula siyemo ku si lwanisa.” Kana u yomuñwi wa bona? Eeni, sha.

³⁹⁶ Lu utilwe mwa Jakobo 4:7 . . . Hanina nako yakuli ni bale. Jakobo 4:7, kuli, “Muhanele diabulosi, mi,” hakoni nihaiba ku ikela, kono, “uka mata.” “Muhanele diabulosi.” Mukona cwani kuhanela diabulosi? Ona cwalo ka nzila yeswana yeo Kapitao Yomutuna alu bulelezi kueza. Munge Linzwi la Mulimu. Kona mwa kuhanela diabulosi cwalo, ka Linzwi la Mulimu. Kapitao Yomutuna ulu bulelezi mone ku ezahalezi. Ku lukile.

³⁹⁷ Cwale, ka kukwala, Ni bata ku bulela cwana. Diabulosi wa kale yani, cwale, mu nahana kuli ki sitimbi. Mu nahana kuli wakona kutaseza mwana? Uka taseza lika kaufela. Uka taseza Jesu Kreste. Utaha ku Yena, ka kutaseza kwa folofolo ya mwa naheñi. Kana mwa ziba cwalo? Satani na sika taseza fela hañwi. Uka mi taseza ka matuku, kutuha fo uka kuta ni kuto mi taseza, kuto mi bulelela kuli, “Mazazi a limakazo afelile. No sika fola. Hakuna sesiñwi ku Yona.” Mwa ziba kuli yeo ki niti?

³⁹⁸ Na taselize Jesu halalu. Kutaseza kwa folofolo ya mwa naheñi, na matezi ku Jesu, ka kusalumela mwa Linzwi la Mulimu. Jesu nali Linzwi. Luli, na sika lumela zani. “Haiba Wena u . . . Haiba Wena u . . .” Kiha sa taha, kutaseza kokulalu, sina fokuñwi sila kacenu. Kiha se ba taha, ali, “Haiba Wena u

Mwana Mulimu, uni bonise makazo. Ni bata kubona ha i ezwa.” Muzwale, kutaseza kokulalu sina folofolo ya mwa naheñi akena, “Haiba Wena . . . Haiba Wena uka . . .”

³⁹⁹ Cwale, kiñi sana bulezi Jesu? Jesu nali Linzwi la Mulimu. Nali yena Linzwi. Na taselize Linzwi. Kanya! Ni—Ni sweli kuba . . . ni ikutwa hande, ka kutaza cwale, kaniti Ni cwalo. Yani ki niti. Jesu ki yena Linzwi. “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi la to pila, la ezwa nama, mi la to yaha . . .” Jesu nali yena Linzwi. Kiñi sa Na eelize? Na mu pumakile mwa liemba emba. Oh, mawi! Ni ka tuhela. Kiñi sa na eelize Jesu? Nali yena Linzwi. Kacwalo, ka Linzwi, Na pumakile Satani fa kutaseza kwa hae sina folofolo ya mwa naheñi. Na fufezi mwani sina sikwe-, sikwepe sa liñungwa, kamba sesiñwi sesi cwalo, kufufela ku Jesu, ona Linzwi, sina cwalo. Mi Jesu anga Linzwi lani, ni ku mupumake mwa liemba emba. Haleluya! Luli, ku mupumake mwa liemba emba, na mu komile ka Linzwi.

⁴⁰⁰ Mwabona kutaseza kwa hae? Mutualime, muteeleze katokomelo, halunze lukwala. Kutaseza kwa hae ki sikamañi? Kusa lumela Linzwi la Mulimu, kwani kona kutaseza kwa hae. Kwani, mwabona ndwa yetuna yekile yalwaniwa? Kuna ni fela mata amabeli: Satani ni Mulimu. Mi ki sifi silemano sa Satani sa milwanisa ka sona? Ki kulika ku mieza kuli musike mwa lumela Silwaniso sa mina. Wa mi amuha lilwaniso. Halu—halu teezezeni ka kukuza luli cwale. Muteeleze. Haiba akona kueza kuli mutokwe kulumela Silwaniso sa mina kipeto ukonile, haiba a mi eza kuli mulumele kuli Silwaniso sa mina ha si sika tiya, umi amuhile silwaniso.

⁴⁰¹ Oh, Muzwale Neville, Ni sepa kuli haluna kusiya sani. [Muzwale Neville uli, “Ni sepa ni ku lapela kusike kwaba cwalo.”—Mu.]

⁴⁰² Mutualime. U mi amuhile lilwaniso ha ka mi eza kuli musike mwa lumela Silwaniso sani. Ha mu ka beya Sani fafasi, sani sifelisa ndwa ya hao. Mu yongile. Muswale Silwaniso sani. Musike mwa Li beya fafasi. Lu bona ku sa lumela kwa hae. Halu . . .

Taba iliñwi fela ye Ni bata kubulela cwale, fa muzuzu fela.

⁴⁰³ Russia. Ni bata kubulela se kwa tuso ya babapila kwanu, ni zeñwi cwalo, kwanu, ni mina baituti ba Bibele. Kiñi ze mu kanana ni kuhuwaka bakeñisa Russia? Huh! Ha mu ni utwi kuambola za kuyaha sitebule sa bomba, mwaeza cwalo nji? Kiñi se mu kananela bakeñisa Russia? Russia ha ki sesiñwi. Habana kukoma nihaiba ndwa yekana. Habana kukoma lifasi nihaiba lelikana. Swalisano haina kukoma lifasi lifi kaufela. Ki butata mañi bobuli ni batu? Kana Linzwi la Mulimu lakona ku palelwa?

⁴⁰⁴ Muteeleze, se si fa tepu cwale. Siya kwa lifasi, Na bulela, kamba ko kukona kuya matepu kaufela. Mi ku mina sicaba kwanu, hakuna taba ku ze ezahala ku na, mwa lumela se.

⁴⁰⁵ Russia, swaliso, haikomi sika kaufela. Linzwi la Mulimu halikoni kupalelwa. Buroma bu ka koma lifasi.

⁴⁰⁶ Halungeni pono ya Daniele. Lani ki Linzwi la Mulimu. “Wena, O Daniele . . .” “Wena, O Mulena Nebukardinezare, kona toho ye ya gauda,” Babilona. “Mubuso omuñwi uka to ku yola, yeli silivera,” mwabona, yeneli Mamede-ba-Persia. Omuñwi neli wa Greece, Alexander Yomutuna. Ono tatami, kwa taha, Rome. Mi nekusina sika sene sibulezwi ka za swaliso. Rome nakomile lifasi.

⁴⁰⁷ Jesu Kreste napepezwi mwa mubuso wa Siroma, ni kunyandiswa, nako ya Hae ya kutaha kwa pili fa, ka mubuso wa Siroma. Mi ka Kutaha kwa Hae kwa pili, Kutaha cwale, Liñusa la Hae li nyandisizwe ki likopano za Siroma, yeli me wa zona kaufela. Mi cwale Ha ka kuta, Uka kuta kuto tutula mubuso wani wa Siroma, kakuli Majuda babile ba Mu libelezi kuli atahe atofelisa mubuso wa Siroma.

⁴⁰⁸ Mundandwe wa litulo za Katolika ni likopano kaufela za lifasi, ona fa cwale litaha hamoho sina katengo, katengo ka likeleke kuikongakonga bona bañi hamoho. Ha ki Russia. Ki Rome. KISONA SA BULELA MULENA. Eeh. Mu ni bonise Liñolo koo swaliso, kamba sesiñwi kwanda Rome, sesika busa.

⁴⁰⁹ Kana Mamede-ba-Persia neba komile Nebukardinezare? Luli. Kana Greece neiba komile? Eeh. Kana Rome neiba yolile, kuzwa fani? Kana ne i kabile mwa likalulo ze lishumi za sipula se si pahami ze mata sina halu nani kacenu? Kana . . .

⁴¹⁰ *Eisenhower*, lelitalusa “sipi.” *Khrushchev* litalusa “lizupa.” Kana ne ba bile ni mukopano wa bona kwani? Mi Khrushchev ato tubula likatulo za hae, [Muzwale Branham unggongota fa katala—Mu.] ka ku utwahalisa taba, ku kwalula taba, ni nata fa libala, ona *cwalo*, ili ku bonisa batu. [Muzwale Branham unggongota fa katala.]

⁴¹¹ Kulukile, ki butata mañi bobuli ni batu kacenu? Tumelo ifitile fo kucwani? Kiñi, kikuli hamu lumeli Linzwi la Mulimu kuli ki Niti? [Puteho ili, “Amen.”—Mu.] Mi sika sani hasiyo mwateni *Mo*. Ki butata mañi bobuli ni bakutazi kacenu? “Swalisano!” Mukutazi kaufela inzi kwande kwanu ulika kulwanisa za swaliso. Swaliso, hakuna!

⁴¹² Taba yateni, diabulosi usweli ku si fitiseza mwatasi a ngo yamina, mi ha muzibi *cwalo*; ki Buroma, mikwa ya likopano. Mi Rome kiyena me wa likopano. Bibebe i ize, “Nali lihule, mi bana ba hae ba basizana nebali mahule,” kulwanisa Mulimu, kulwanisa Linzwi la Hae.

⁴¹³ Masole, mulwale Linzwi. Mangeloi a sishemo, mupile ni Linzwi lani. Ni ka yunda zazi lelin̄wi, kono Linzwi le halikoni kuyunda. Ni mina batu babanca, haiba ha ku ezahali mwa lusika kaufela, muka bona. Yani kona taba.

⁴¹⁴ Kana mu utwile makande kakusasana cwana? Musala Bo Kennedy baile, kuyo bona popu, mi sana bulezi popu. Mwabona, bulapeli bwa lifasi kaufela! Oh! Kulukile, mwendi lulukela kuutwa zeñata za zona, la Sunda lelitatama.

⁴¹⁵ Mwabona, musike mwa bilaela ka Russia. Russia ki kacwe kaka likani fa likamba. Musike mwa bilaela ka swalisano. Mutualime Buroma habuka kopana ni likeleke. Hakuna sika sesi ñozwi mwa Mañolo ka za swalisano mwa lifasi la puso.

⁴¹⁶ Mi Na niya ka Linzwi, hanina taba ka seo lika kaufela liya ka zona. Ki Linzwi kona le Ni lumela. Ki Buroma bobunga lifasi. Mi Buroma kiyena me wa likopano. Neku sikaba kale kopano konji kufitela mwa Rome, mi yeñwi ni yeñwi ya zona izwile mwani. Mi Bibebe i bulezi cwalo, “Yena nali me wa mahule.” Na kona kuina licika la musihali fateni, hape, kono Na sepa Na kona kushenya fapata.

⁴¹⁷ Sila ha ka lu taseza, konakuli, “Oh, Na mi bulelala, mu lukela kutaha kuto i kopanya ku luna...” Ki sikamañi se mu kaeza, kwani kwatasi, ku keshebisa? Ha ki musole wa niti, hakoni. Batili, sha.

⁴¹⁸ Ki sikamañi se lu kaeza kasamulaho? Maikuto ani, “Mutuhele kuli maikuto anali ku Kreste...” Kana sani kona se i bulezi Bibebe? [Puteho ili, “Amen.”—Mu.] “Maikuto anali ku Kreste, abe ku mina.” Neli mufuta mañi wa Na nani? Mupile ni Linzwi. Yani ki niti. Mupile ni Linzwi, ona Linzwi la Ndate, ni kukoma sila nako kaufela. Cwale sila ha taseza ni kulika kubulela kuli mu lukela kueza *se* ni kueza *sani*, ki sikamañi se mu ka eza? Mupile ni Linzwi. Yani ki niti.

⁴¹⁹ Ki sikamañi se mu ka bata kueza kasamulaho? Munge Linzwi. Linzwi ki sikamañi? Bibebe i bulezi fa. Kona lu sa zo bala fateni. Kakuli Moya, mi ili wa Mulimu, kona Linzwi. Mwabona? Mutualime kwanu. “Mi mulwale kuwani ya kupiliswa, ni Mukwale, Mukwale wa Moya.” Mukwale wa Moya! Sikamañi? Ona Moya okena ka kutaha ka munahano kipeto wa kena ku mina, mi Mukwale wa Moya wani ki lona Linzwi la Mulimu.

⁴²⁰ Ki sikamañi se ulwananga ka sona Moya? Ki sikamañi se ulwananga ka sona Moya o Kenile, kusisimuka mubili, maikuto? [Puteho ili, “Ki Linzwi.”—Mu.] Ki Linzwi; pilu! Whew! Kanya! Ulwana Ka sikamañi, maikuto? Linzwi! Linzwi! Halu buleleni, Linzwi! [“Linzwi!”] Linzwi! [“Linzwi!”] Linzwi la Mulimu kona seo Moya ulwana ka sona.

⁴²¹ Moya wa Mulimu uyanga kulibana ni diabulosi, ni ku bulela kuli, “Ku ñozwi!” Amen! “Ku ñozwi!” Kipeto diabulosi wa zwa mwa nzila.

⁴²² Ki sikamañi se lueza? Munge Mukwale, yeli Linzwi la Mulimu, mu U hohe ka (sikamañi?) ka lizoho la tumelo, lizoho leli tiile la tumelo, Mukwale o buhali kafa ni kafa. Bibele ibulezi kuli, mwa Maheberu 4, “Ki—Ki Mukwale o buhali kafa ni kafa,” wapuma hautaha ni hauya.

⁴²³ Muzwale, ki sikamañi sa eza? Munge Linzwi. Munge Moya, mutuhelé kuli Moya utahe mwa pilu ya mina. Mukwalule munahano wa mina, muli, “Linzwi la Hao ki la niti.” Cwale, mueze se, kezeli. [Muzwale Branham hape ubulela ni kezeli ya kula—Mu.] “Linzwi la Hao ki la niti.”

⁴²⁴ “Mulena, Hanina kuiseza ngana ka mo Ni ikutwela, seo mutu kaufela, akona kubulela. Na icemela, Na kwalula mizamao yaka kaufela yona, kufilikana kaufela, ni kukakanya, ni kusa lumela ko Ni bile ni kona. Maikuto kaufela o Ni kile naba ni ona, matuku kaufela o Ni kile naba ni ona, lika zeñwi kaufela ze Nikile naba ni zona, Na li kasha kaufela zona kuli lizwe. Na fitelela zami kaufela. Ni taha hande kulibana ni moya wa ka. O Mulena, utahefafasi. No ize kuli U ni bupile kuba yana ni tukuluho ya buiketelo.”

“Ki wena, Mwanaka.”

⁴²⁵ “Ku lukile, Ni kwalula pilu ya ka ni munahano wa ka. U kene, Mulena Jesu.”

⁴²⁶ Mi uswale Tumelo, ona Mukwale wa Moya wani, KISONA SA BULELA MULENA. Muhuwe, “Haleluya!” Amen. Kutuha fo mupumake sila kaufela sesili kwa pata amina. Amen. Ki sani fale. Mupumake sila kaufela. Haiba moya wa kale wa—wa sabo umi eza ku ikutwa . . . Mupume sika sani kwateni, ka Linzwi la Mulena.

Kono kutiya kwa luna, ki, “Tabo ya Mulena kona kutiya kwaka.”

⁴²⁷ “Uzwe ku na.” Kacaka! U mupumake ka Linzwi. Kamba ikaba dimona, kamba ikaba sila, kamba ikaba makulano, kamba ikaba matuku, seo kaufela sili sona, munge Linzwi lani mi mu Li hohe ka Mukwale. Mi haiba muka li puma ka nako yapili, ha ushenyi, mupume hape, ni kupuma hape, ni kupuma hape. Ni kupuma konji ha mu ka be mupangile musima, sina kazwinyani kaka nangela fande; kamba kuzwa mwa lii, seo muli sona. Muikataze kunangela kuzwa mwa sikapi sani sa kale sa matuku. Mu kwalule nzila yamina ya kuzwela, mi muli, “Haleluya! Ikai ya bubeli?” Amen. Yani kona ndwa. Yani kiyena musole. Yani ki yena musole wa sifapahano. Eeni, sha. Mu nate sila kaufela sizwe.

⁴²⁸ Kiñi? Kiñi? Luna, Peu yene lelilwe, ya silena ya Abrahama. Fani Abrahama hana hanile kaufela zene lwanisa Linzwi la Mulimu, na lukisize nzila kaufela mwahala lisitataliso kaufela zene taha kwa pata ahae. Neba ize, “Musala hao usupezi hahulu.” Na zusize fela sika sani mwa nzila. Diabulosi naize, “Ha

ukoni kueza *se*. Ha ukoni kueza *sani*.” Abrahama a li zusa mwa nzila. Na li lemakile, ni ku li lemaka, konji ha ku yo bonahala kuapuha.

“Kikai ko kutatama, Mulena?”

⁴²⁹ “Mututise tende ya mina fahalimu *fa*.” Na ile ku yo Mu yahela aletare kwa halimu kwani.

⁴³⁰ Na ile kwa halimu kwani, mi Satani sa taha, ali, “Cwale, Ni ka ku bulelela, se haki sona sibaka se si swanela.”

“Ni ka ina ona fa. Zwa fa sibaka saka.” Ki hali, “Haleluya!”

⁴³¹ Lota naize, “Ku hande utahefafasi kwanu. Luna ni nako yende kwanu. Luna ni likopano zaluna kwatasi kwanu. Kiñi, musalaka ki yena muokameli wa lituto ni zeñwi za mwa silalandia, mwa munzi. Na ku bulelela, ulukela kutaha kwatenei kwani.”

Sarah ali, “Abrahama . . .”

⁴³² “U kuze, Sarah.” Haleluya! “Uyeme ona fa. Fa kona fa nibeile Mulimu. Ona fa kona fo Ni yemi.”

⁴³³ Fa kona fani beile Mulimu.

Kaufela mububanise mata a Libizo la Jesu!
 Mangeloi awe ka mañwele;
 Atahise mushukwe wa bulena,
 Mi a Mu apese mushukwe Mulena wa boote.
 Ku Kreste, ona Licwe, leli tiile kona fo Ni yemi;
 Maneku amañwi kaufela ki lishabati,
 Maneku amañwi kaufela ki lishabati.

⁴³⁴ Nihaiiba lifu kasibili, lika zeñwi kaufela, ki lishabati. Ku Kreste, Licwe leli tiile, kona fo Ni yemi.

⁴³⁵ “Peu ya silena ya Abrahama.” Peu ya silena! Kiñi, mpi ya England ye ketiwanga kamita ki ya bulena bwa England, mali a silena, lika kaufela. Mi Peu ya silena ya Kreste ki Keleke yetezi Moya o Kenile, yetezi Moya o Kenile. Sikamañi? Peu ya Silena, ka sepiso, isifi ka kusisimuka mubili. Kono, ka sepiso ya Mulimu, ba yema ka Linzwi la Mulimu, ni ku kwalula nzila ya bona, mi banze bahuwa, “Haleluya!”

Nihaiiba lifu hali taha kutoli, “U taha kwa mazoho a sapalo sa hao.”

⁴³⁶ Muli, “Zwa mwa nzila, Jordani. Na silela mwa buse.” Mu kwalule nzila yamina mane iapuhe, kuya kwa Naha ya sepiso. Amen.

⁴³⁷ Kiñi sesi ezahala ndwa hase i felile? Na kwala cwale, luli faa. Ndwa haise i felile, mi babakenile ba taha ba kena mwa Munzi, Ni bata ku mi buza sika, kiñi sene si ezahalile?

⁴³⁸ Kiñi sene si ezahalile fani Hitler hanaile kwa France? Kiñi, neba ize kuli hamukoni neba kubona mbyumbyulu, fa nako

nyana, lifulai. Muhatelo wa Germany. [Muzwale Branham ueza lilata la kuhata habeli kwa kata—Mu.] Mwabona, neba yemi, banze ba zamaya, ku nyakalala tulo.

⁴³⁹ Fani Stalin hanatile kwa Russia, ka limaele kwa mulaho, mungomo kaufela mwa mulaho wa omuñwi, natilo taseza Berlin ka mabomba kufitela kutokwa sika sene si siyezi ku yona. Ku felile. Mi hane baile, mi ma German ba . . . Masole ba Russia bani banze ba nyakalala, ne bakeni ni zona, mwa ziba, ona taba nyana ye sehisia ye baezanga yani. Ni si boni fa siswaniso, nako yeñwi mwa London, kamo ne ba kenezi mwahali, siswaniso sa teni luli kwani, sene si ezahalile, mwateni, neba nyakalala. Oh, mawi!

⁴⁴⁰ Hane lu utwile kuli ndwa se ifelile, ne lu huwile, neku lizaka miloli. Ndwalume hasa kutile, nelu kopana ni yena kwani. Neba huwaka. Neba toliya. Neni na ni mwana bo malume kwani, ali, hana kutile, za kale zani . . . Bakale bene bakile ba hasana ha butuku, neba sa koni kuzuha mwa mumbeta, kacwalo neba ba pikuluseza fela fa halimwa sisepe hane ba kena mwahali, kubona Sibupeho sa Tukuluho sinze siyemi. Ali, “Baana babatuna bani inge bayemi kwani, neba lilile fela, ni kuwa fela ona *cwalo*, fani hane baboni Sibupeho sani sa Tukuluho.” Nebali kwahule ni minzi yabona fa lilimo zene, banze balwana, mwa lindwa ze komosa, ni lika zeñwi kaufela. Kono neba zibile musali yani, ni mulatiwa, ni boma, ni bo ndate, ni bana, ni bao kaufela bone ba lata, nebali ona kwa mulaho wa muyaho Sibupeho sa Tukuluho. Ne uyemela sene ba sweli kulwanelo. Oh, lipinto ne li lizizwe, mi New York ya kala kuhuwa, ku felile, fani lindwalume zani hane litaha licaula cwalo. Yani neli taba yenyinyani.

⁴⁴¹ Nako yeñwi fani Sesare, hasamulaho wa ndwa yetuna, ki hali, “Ni bata muhali waka yo Ni ziba ya cuukile kuli atabe ni na mwa tabo tuna ye ya kukoma sila saluna.” Mi yomuñwi ni yomuñwi wa ba okameli ba neba tukisize lilambi za bona ni kutapisa litebe za bona, ni ku zamaya, mwa ziba, sina cwalo, sina—sina masole ba luli. Hasamulaho wa nako, mutangana yomuñwi, wa kale ataha cwalo, apuma. Mawi! Na talima fela mwa halimu, ni kuikela, sina *cwalo*. Sesare ali, “Mu libelele fa muzuzu. Mu libelele fa muzuzu. Mina,” mane nasika tina sina—sina mubeleki, ali, “taha kwanu.” Ali, “Ki kai kongile mañiba ao?”

Ki hali, “Ki kwande kwani kwa mafulo a ndwa.”

⁴⁴² Ali, “Pahama fa halimu fa. Ki wena mutu ye Ni bata kuina ni yena bukaufi.” Kiñi? Na bonisize kuli nali mwa ndwa.

⁴⁴³ O Mulimu, uutwele butuku mutu yakona kupumeha lizoho nto yenyinyani sina tapi mi ki ya kona kuba ni za kubulela. Ni bata kuba sinata sa ndwa. Sina Paulusi hakile abulea, “Ni lwezi liswayo za Jesu Kreste mwa mubili wa ka.” Ki kabakaleo Nibata kulwana mwa simu.

⁴⁴⁴ Zazi leliñwi, Kapitao waluna Yomutuna ha ka taha, Yena yana lu kabisize za ndwa, Yena yana lufile lilwaniso za Mulimu, ona Moya o Kenile, kulufa Linzwi la Hae la kulwana ka lona, kuyema kwande kwani; Kapitao waluna Yomutuna haka taha ka kupahama, Ni bata kuyo pahama fa koloi ni kukwela kuya kwa Hae ni Yena. Mina bo? [Puteho ili, “Amen.”—Mu.] Mi cwale ha Ni ka yoswala musalaka yomunyinyani wa kale kwa lizoho, kutalima kwanu ni kubona mizwale baka ni basali babona, ni bana ba bona, haluka yo kala kuzama mwa paradaisi ya Mulimu yani, ni Mangeloi aotolola mafufa a ona mwa moya ka lipina, mwa halimu cwalo, mubulele ka za nyakalalo!

⁴⁴⁵ Mi ndwa haise ifelile, luka yotina mushukwe. Oh, mawi! Oh, masole ba sifapahano, kakusasana cwana, muhohe lizoho lani la tumelo cwalo, mi muswale Silwaniso se.

⁴⁴⁶ Kucwañi he ka zona, kezeli, kana uitukisize? [Muzwale Branham hae ubulela ni kezeli ya kula—Mu.] Muhohe Silwaniso sani kuli sizwe, muli, “Mulimu, Hanina taba kaza—kaza bulezi diabulosi kuna, ka zeo mutu usili kaufela abulezi. Kakusasana cwana, Na lumela.” [Kezeli uli, “Na lumela, nina.”] “Na lumela.”

⁴⁴⁷ Sina hane Ni bulezi zazi leliñwi, sika sesi nyinyani... Na lumela Lisunda zelikana ze fitile, neku na ni muuna yana na ni tolo. Na lolile kuli diabulosi neli kanto kakanyinyani ka kale, kiha matela kuyena. Mi ali, “Boo!” Mi kiha tulela kwa mulaho, mi diabulosi akala kuba yomutuna. “Boo!” Mi atulela kwa mulaho, diabulosi ahula kuba yomutuna. Mafelelezo, diabulosi mane aba yomutuna ka mwana inezi, kuli naka mu koma. Na zibile kuli nana ni ku mulwanisa ka sona, kacwalo atalima kafa ni kafa. Na si ka fumana sika sa ku mu lwanisa ka sona. Natilo nopa fela Bibebe. Mi diabulosi sali, “Boo!” Ni yena ali, “Boo!” ku mukutiseza, mi diabulosi akala kuba yomunyinyani, inza kusufala, ku kusufala. Mi, mafelelezo, ato mu nata kuisa lifu ka Linzwi.

⁴⁴⁸ Wena u musole, nji cwani, kezeli? [Muzwale Branham hape ubulela ku kezeli ya kula—Mu.] Unge Linzwi lani ni kubulela kuli, “Ku ñozwi.” Amen. “Ha nina kushwa. Ni ka pila. Ni ka ina ona mwa tabernakele mo ninze ni lumba Mulimu ka bunde bwa Hae, ni babañwi ba ba siyezi.”

⁴⁴⁹ Mwa lumela cwalo, babakenile? [Puteho ili, “Amen.”—Mu.] Amen.

Halu inamiseni litoho zaluna.

⁴⁵⁰ O Mulena Mulimu, Mubupi wa lihalimu ni lifasi, ha ku zibahale kacenu kuli Wena usali Mulimu. Hakuna taba katata mo Ni ka kutaleza, buñata bwa lika ze Ni ka bulela, Mulena, Linzwi lelizwa ku Wena la li feleleza.

⁴⁵¹ Litaulo ze libeilwe fa, kuyemela batu ba bakula. Na lapela, Ndate yakwa Lihalimu, kuli mata a Hao ni limbuyoti lifumanehe fahalimwa yeñwi ni yeñwi, ha Ni nze nibeya mazoho aka kuzona.

Mulimu, ka Libizo la Kreste Jesu, Ni lapela kuli U toze litaulo ze ka Pata ya Hao ye kenile, kakuli ku ñozwi mwa Linzwi. Hakuna sa kulwanisa Linzwi. Kono kubulezwi mwa Linzwi, cwana, "Ne ba ngile litaulo ni masila amañwi, fa mubili wa Paulusi. Mioya ye masila neizwa fa sicaba, mi ne ba foliswa kwa matuku ashutana." Cwale, luna ha lu bo Paulusi baba kenile, kono Wena usali Mulimu, mi Usali Moya o Kenile oswana. Ni beya mazoho aka fahalimwa litaulo ze, ka Libizo la Mulena Jesu, mi ni kupa kuli U fuyole ni kufolisa mutu ni mutu wa bona.

⁴⁵² Mi, Mulimu, ka kulobala mwa mumbeta oinzi fa, o beilwe mo, hakuna kono ki mwana, musizana fela yomunde yomunyinyani. Hakoni kupila, Mulena. Satani uezize bumaswe ku yena. Mi ba alafi babande ba lifasi le balikile katata, hakuna kukakanya, kuli bapilise mwana. Ki kuli haba koni fela kukondisa. Bafitile kwa mafelelezo a zibo yabona. Ha ba sa ziba sesiñwi sa kueza hape. Kono, Mulena, Ni tabile hahulu kuli kuna ni kauhanyo yeñwi ye ñozwi. Lwa kona kuapula likepe leliñwi, mi mwa likepe le lubona Mualafi Yomutuna ya taha mwateni. Lubiza Yena kuli a to lu eleza kakusasana cwana.

⁴⁵³ Cwale, Mulena, kana hokusika ñolwa mo mwa Linzwi la Hao, kuli, "Liponiso ze lika latelela ba balumela"? Mulena, haiba ha Ni mulumeli, aku nieze alimuñwi cwale. Haiba musizana yomunyinyani yo haki mulumeli, mueze abe yena cwale. "Liponiso ze lika latelela ba balumela; ha ba ka beya mazoho abona fa bakuli, ba ka foliswa." Ku ñozwi hape, "Ka Libizo la Ka ba ka leleka mioya ya diabulosi." Mulena, ani—ani ki Manzwi a Hao. Ki a Hao. Ki Linzwi la Hao. Mi cwale kakuba mutanga Hao... .

⁴⁵⁴ Sina ha No ize, "Haiba kukaba bababeli kamba babalalu ba miba baba ka kopana hamoho, Ni ka ba mwahali ku mina; mi haiba muka lumeliana, ka kuama taba iliñwi, ni kukupa, mu ka amuhela."

⁴⁵⁵ Mulimu, mwana yo luli ki yena ya kula hahulu mwahala batu babali mwa muyaho wo kakusasana cwana, kakuli hakoni kupila kusina Wena, ka nako yeñwi yetelele, mi kiyena ya kula hahulu. Kacwalo, luna kaufela, lwa lumelelana, sina musole kaufela ya yemi mo. Mi mwa sikuwata se kuyema Peu ya silena ya Abrahama.

⁴⁵⁶ Lusweli kucaula ku hatikela Satani cwale. Mi ulukela kuba ya itukiselize kuya, Satani, kakuli lilwaniso zaluna za benya, mibala ya fata; baana ni basali basweli Mikwale, banze bayá kwapili cwale ku wena, bakeñisa musizana yomunyinyani yo. Zwa ku yena, Satani. Tuhela mwana yani. Sina mpi ya Mulimu ya pila, lwa ku kalimela. Mu tuhele, ka Libizo la Jesu Kreste.

⁴⁵⁷ Ni ya kwa kuyo mubeya mazoho. Mi, Satani, u tamile mwana yo, uezize bumaswe boo. Ni ziba kuli mutu wa mukona, kono ha u mukoni Mulena ka, kacwalo Ni taha ka Libizo la Hae. Mu tuhele, wena moyo wa diabulosi. Wena dimona wa matuku, zwa

ku mwana yo, mi azamaye inza lukuluhile, kuzwa lizazi le kuya kwapili. Ni bulela cwana, ka Libizo la Jesu Kreste.

⁴⁵⁸ Cwale, Mulena Mulimu, Wena Yana zusa bafu ni ku bonisa kuli No li Mulimu, uzuse musizana yo kwa buiketo bwa mubili wa hae ni mata hape, kuli ayeme mwa muyaho o kwanu. Diabolosi uwile ku yena! . . . ? . . . uka ba hande. Mi apile kwa kanya ni likute la Mulimu.

Kuse—kuse ku bulezwi, cwale ha ku ezwe.

⁴⁵⁹ Kana kuna ni babañwi mo baba bata ku nanula mazoho abona ni kubulela kuli, “Ni bata ku lapelelwa. Na kula. Ni tokwa Mulimu”? Ha ni zibi kuli luna ni nako yekuma kai. Luna ni nako yeñata kuli sicaba sani sifite kwanu. Ni ikutwa fela ku omibaombiwa cwale. Eeh. Eeh. Ni bata kuli utahe kwanu, Billy, mi unge fela mwendi siemba silisiñwi se kwanu, kwa neku *le* kwanu, fela. Lumeleza sikuwata se kutaha pili, kona lu kanga siemba sa kwa mulaho hasamulaho wa fani, kuyofita fela fa halimu *fani*. Kona luka banga sina cwalo, mi habana kuba . . .

⁴⁶⁰ Mi cwale Ni bata Muzwale Neville ni babañwi ba mizwale ya bakutazi kuli bayeme kwanu bukaufi ni na, ona kwanu, kuli mubange ka ku shetumuka hape. Ku lukile. Ku lukile. Cwale Ni . . .

⁴⁶¹ Ki babakai ba mina baba tinile lilwaniso za mina? [Puteho ili, “Amen.”—Mu.]

⁴⁶² (Lukaya ka ku shutana cwale. Muye kwa mandu, mube hande cwale, mufole.)

⁴⁶³ Amen. Oh, mawi! Mina masole kaufela, muhohe Mukwale. Muhohe Mukwale, masole ba sifapahano, banze bacaula, banze bacaula.

Ku Kreste, ona Licwe, kona fo Ni yemi.
Maneku kaufela ki lishabati.

⁴⁶⁴ Ku lukile, mutahe ona cwalo, kwa neku *le* cwale. Mutu kaufela abe mwa litapelo cwale, habanze bataha cwalo.

Ka Libizo la Jesu, folisa musali yo. Amen.

Muhohe Mukwale wa mina cwale. Muine ona cwalo mwa lipula zamina, muhuwe.

⁴⁶⁵ Ka Libizo la Jesu . . . ? . . . ka Libizo la Jesu . . . ? . . . ka Libizo la Jesu Kreste . . . ? . . .

Kwapili, masole ba Sikreste!
Ku zamaya sina kwa ndwa,
Ni sifapahano sa Jesu
Sinze si etelela.

⁴⁶⁶ “Zwa mwa zina, Satani!” Ki butata mañi, masole? Kana hamu nahani kuli lwakona kukoma? [Puteho ya nyakalala ni kubulela kuli, “Amen.”—Mu.] Yena ukomile kale. Lufita

batuli ku Kreste Jesu. Diabulosi kaufela azwe, lika zeñwi kaufela. Amen.

Mutahe kwanu, mizwale baka! . . . ? . . .

Na lapela kuli ufolise . . . ? . . .

Ufolise muzwale waka, Doc; umufolise, Ndate, ka Libizo la Jesu.

Ka Libizo la Jesu Kreste, folisa kalibe yo. Taha . . . ? . . .

⁴⁶⁷ Cwale, na ngile . . . Ni kupile mizwale kwa mulaho. Kai ni kai, Mulena . . . ? . . .

⁴⁶⁸ O Mulena Mulimu, Mubupi wa lihalimu ni lifasi! O Mulimu, Wa ziba sesili mwa pilu ya hae. Wa ziba ka zona kaufela. Ni lapelela sibeli sa bomaha ni bondate. Ka Libizo la Jesu Kreste, Ni beya . . . ? . . .

Ka Libizo la Jesu Kreste, Ni . . . ? . . .

Ka Libizo la Jesu Kreste, Ni . . . ? . . .

⁴⁶⁹ Mulimu, ube ni kezelaka. Lwa ziba, lilimo likalile kutaha ni kutisa lifu kubata kunga mubili wa hae. Cwale, ka Libizo la Jesu . . . ? . . .

⁴⁷⁰ Ka Libizo la Jesu Kreste, fuyola musizana yomunyinyani yo, Mulena. Lindwa zaluna kwa sikolo kwani, Na ziba za sweli kufita ku zona. Ni lapela kuli U fuyole. Ahohe Mukwale wani, kakusasana cwana, ni ku zamaya kwapili! . . . ? . . . Fuyola mushimani yo, Mulena; wa taha, kubiza Libizo la Hao, kakusasana cwana; Ni lapela kuli Uye ni . . . ? . . .

⁴⁷¹ Mulimu, fuyola muzwale wa ka, walabe kupo ya hae. Ka Libizo la Mulena Jesu, Ni li bulezi! . . . ? . . .

Ka Libizo la Jesu Kreste, lu fa tapelo ye.

Ka Libizo la Jesu Kreste, lu fa tapelo ye.

Ka Libizo la Jesu Kreste, lu fa tapelo ye.

Ka Libizo la Jesu Kreste, lwa . . . ? . . .

Ka Libizo la Jesu Kreste, lu fa tapelo ye.

Ka Libizo la Kreste Jesu . . . ? . . .

Ka Libizo la Jesu Kreste . . . ? . . .

Ka Libizo la Jesu Kreste, folisa muzwale waka.

Ka Libizo la Jesu Kreste . . . ? . . .

Ka Libizo la Jesu Kreste!

⁴⁷² [Yomuñwi uli, “Ndate ushwile.”—Mu.] Mulimu, umutuse, ka Libizo la Jesu.

Mulimu, ka Libizo la Jesu Kreste, lwa . . . ? . . .

Mulimu, ka Libizo la Jesu!

Ka Libizo la Jesu Kreste . . . ? . . .

Ka Libizo la Jesu Kreste, folisa muzwale waka.

Ka Libizo la Jesu . . . ? . . .

Mwa utwisisa cwale?

O Mulimu, se ha sizwe . . . ? . . .

⁴⁷³ Ka Libizo la Jesu Kreste, lwa lapela! . . . ? . . . Lumeleza kezeli . . . ? . . .

⁴⁷⁴ O Mulimu, ka kuziba me yomunyinyani yani, yanza fita mwa butata bo kaufela, Na lapela, Mulimu, kuli Uka . . . ? . . . ku yena.

Hoha Mukwale wani, Ed, mi uye kwapili, ka Libizo la Jesu.

⁴⁷⁵ O Mulimu, ufolise musali yo. Alaba kupo ya hae. A lwale Mukwale wani fa pila hae, mwa nako ya butata.

O Mulimu . . . ? . . . kakusasana cwana. Na lapela kuli Uka . . . ? . . .

⁴⁷⁶ Ndate, Mulimu, Ni lapela kuli U folise muzwale wa luna ni ku mubisa hande. Mi ka Libizo la Jesu Kreste . . . ? . . .

⁴⁷⁷ Mulimu, Ni lapela kuli U folise kezeli luna, umubise hande, ka Libizo la Jesu Kreste.

⁴⁷⁸ Ndate, Mulimu, Ni lapela kuli U folise—folise muzwale waluna.

U folise kezeli luna, Mulena! . . . ? . . .

Ndate, ka Libizo la Jesu, umu folise, kezeli luna, Ndate.

⁴⁷⁹ Ndate, . . . ? . . . lu lapela ka Libizo la Jesu. Mulimu, folisa musali yo.

O Mulimu, Ni lapela kuli Uka . . . ? . . .

⁴⁸⁰ O Mulimu, umu fuyole, Ndate! . . . ? . . . Mo lu latela balikani ba kale bani, Mulena. Mi Ni lapela kuli U alabe kupo ya hae! . . . ? . . .

⁴⁸¹ Ndate yakwa Lihalimu, Ni lapela kuli muzwale waka . . . ? . . . O Mulimu, . . . ? . . . yena, O Mulimu . . . ? . . . musole wa sifapahano. Mi uka hoha Mukwale wani, kakusasana cwana, ni kuya kwa pata.

Mulimu, lwa . . . ? . . . U alabe cwalo, O Mulena, ona kupo ya hae.

⁴⁸² Mulimu, ufyole muzwale . . . ? . . . Ni lapela kuli U mu folise, Mulena! . . . ? . . . Umufe tato ya pilu ya hae, ka Libizo la Kreste Jesu.

⁴⁸³ O Ndate yakwa Lihalimu, yena mukutazi yomunyinyani yo wa Evangelii, mumizo wa hae...?...Kwa tapisizwe mipika ya hae...?...Mulimu, Ni lapela kuli Uka...?...Mi cwale mpi yetuna ya Mulimu hainze i zamaya kuya kwapili cwale, ni Mikwale inze inanuzwi, umufe tulo, Mulena. Muuna hae yomunyinyani kwanu, Mulena, yana zusizwe mwa mumbeta wa kansa wani mwa na lobezi, inza shwa ni kansa, mi madokota ba u tobohile, sina ha naya. Mi kiyo fa, kakusasana cwana, mutu yomunyinyani wa sifapahano. Umufe mata, Mulena, kwa sebelezo ya Hao, lwa lapela, ka Libizo la Jesu.

⁴⁸⁴ Ni bata kalibe yomunyinyani yani...Kuna ni sesiñwi ka mukutazi yomunyinyani yo kwanu. Taha kwanu, Muzwale Kidd. Muuna yo naile kwa ndu kuzwa mwa sipatela, cwanoñu nyana fa, inza shwa, nacilwe ki kansa. [Kezeli Kidd uli, "Silimo se si felile."—Mu.] Silimo se si felile. ["Zepeli."] Lilimo zepeli zefelile, ni mutuba. Dokota wa hae na mu file fela mazazi nyana a kupila. Mi kakusasana omuñwi, se luya kwani, ka mapakela luli, na yo mulapelela, taba yeswana sina ya hao, mi haba koni nihaiiba ku fumana mo i fitile. [Puteho ya nyakalala.] Na folisizwe. Amen. Na—na...[Kezeli Kidd ali, "Na na ni kulumela."] Una ni buima bo butuna cwale kufita mwa kile abelanga kale. Yena ni musala hae yomunyinyani mwa simu ya Evangelii, mwendi mane Ni sika pepwa kale. Utensi mo cwale... [Muzwale Kidd uli, "Lilimo ze mashumi aketalizoho ka ze ketalizoho."] Lilimo ze mashumi aketalizoho ka ze ketalizoho. Mane Ni sika taha kale mwa lifasi, neba kutaza Evangelii. Mi kiyo fa, ufolisizwe, fa silimo mwendi sa mashumi asupile ka a ketalizoho kamba...["Mashumi aketalizoho ka amalalu ni iliñwi."] Mashumi aketalizoho ka amalalu ni iliñwi. [Muzwale Kidd uli, "Ne lubanga niancafazo, mukopano wa lisunda zepeli, ku kutaza busihu ni busihu."] Ancafazo ya lisunda zepeli, neli ancafazo ya lisunda zepeli fela, ni ku kutaza busihu ni busihu. Mashumi aketalizoho ka amalalu ni iliñwi za kupepwa, ufolisizwe, kwa kansa, fani inza supeza.

⁴⁸⁵ Ku lukile, kezeli, ki nako ya hao cwale. Wa lumela? [Puteho ya nyakalala ni kubulela kuli, "Amen."—Mu.] *Kwapata, Masole Ba Sikreste.* Ku lukile, kezeli. Mina, ku mina kaufela, ki sikamañi se lu kaeza? KISONA SA BULELA MULENA. Ki sikamañi se lu eza, kuina ona mo?

⁴⁸⁶ Satani, u luzize. Lwa taha cwale. Lu ya lu kena cwale mwa Naha ya sepiiso. Ki sikamañi sani? "Lilundu le ki sikamañi, fa pila Zerubabele? Ki mañi yo, ya yemi fani? Ukaba patalaza." Kiñi? Ka Mukwale o buhalii kafa ni kafa, luka mu pumaka ku wisezafafasi. Yani ki niti. Ku lukile.

Kwapili, masole ba Sikreste!
Ku zamaya sina kwa ndwa,
Ni sifapahano sa Jesu
Sinze si etelela;

Kreste, Muluti wa bulena,
 U etelela kulwanisa sila; (ka Linzwi la Hae)
 Kuzwelapili mwa ndwa,
 Kubona, lipapazo za Hae haliya!

Kwapili, masole ba Sikreste!
 Ku zamaya sina kwa ndwa,
 Ni sifapahano sa Jesu
 Sinze si etelela.

⁴⁸⁷ Haleluya! Ki sikamañi se ne ba ezize? Taba ya pili yene ya kwapili, mwa ndwa, ya Isilaele, sika sa pili neli sikamañi? Baopeli kona bene baya kwapata, pili. Kiñi sene latelezi? Neli Areka. Kona kutaha ndwa. Ku lukile. Kana mwa lumela cwale? [Puteho ili, “Amen.”—Mu.] Lu opela *Kwapili, Masole Ba Sikreste*. Lu hoha kukakanya kaufela. Ha lu yeme cwale, luya kwa ndwa.

Halu yemeñi cwale, mutu kaufela.

Kwapili, masole ba Sikreste!
 Ku zamaya sina kwa ndwa,
 Ni sifapahano sa Jesu
 Sinze si etelela;
 Kreste, Muluti wa bulena,
 U etelela kulwanisa sila;

Lu mu koma cwani? Ka Linzwi.

Kuzwelapili mwa ndwa,
 Kubona, lipapazo za Hae haliya!
 Kwapili, masole ba Sikreste!
 Ku zamaya sina kwa ndwa,
 Ni sifapahano sa Jesu
 Sinze si etelela.

Ha lu si ka kauhana,
 Luna kaufela lu mubili ulimuñwi;
 Balibañwi mwa sepo ni mwa tuto,
 Balibañwi mwa lilato.

⁴⁸⁸ Kaufela baba lumela cwale, muli, “Amen.” [Puteho ili, “Amen.”—Mu.] Haleluya! Mwa lumela cwalo? [“Amen!”] Lu batuli. Sila kaufela sikai? Mwatasi a mautu aluna. Luna lukai kacenu? Luzuhile ku Kreste!

⁴⁸⁹ Cwale, ku felile, kezeli. [Muzwale Branham hape ubulela ni kezeli, yana kula—Mu.] Mwa lumela cwalo? Uzamaye kwa ndu cwale. U ikutwa hande? Ubulela kuli wa ikutwa hande cwale. Likia kaufela liiketile.

⁴⁹⁰ Ki babakai kafo baba ikutwa hande? [Puteho ya nyakalala ka kuhuwa ni kubulela kuli, “Amen.”—Mu.] Mi hane ba huwa, limota neliwilefafasi, amen, mi ba uhapa. Amen. Neba hapile munzi. Amen! Amen! Mwa Mu lumela? [“Amen.”]

⁴⁹¹ Cwale, musike mwa libala sebelezo busihu bwa kacenu. Muzwale Neville ukaba kwanu kacenu busihu, ni kuto lutiseza liñusa lelinde. Mi la Sunda, la Sunda lelitatama, haiba Mulena alata, mube kwanu.

⁴⁹² Cwale haluyeni, halunze luya. Mi cwale, kuzwa mwa muyaho, haluyeni, luopele, *Kwapili, Masole Ba Sikreste*. Mi kuzwa lizazi le, kuya kwapili, musike mwa beya Mukwale wani mwa sipushu ni kamuta. Mu ucomole mwateni. Halu komeñi. “Neba ile kwapili, banze ba koma, ni kuyo koma.” Ku lukile, hape, fa timana yapili yani.

Kwapili, masole Baskreste!
Ku zamaya sina kwa ndwa,
Ni sifapahano sa Jesu
Sinze si etelela.



NDWA YETUNA KUFITISISA YEKILE YALWANIWA LOZ62-0311
(The Greatest Battle Ever Fought)

Liñusa le ka Muzwale William Marrion Branham neli kutilizwe lwapili mwa Sikuwa la Sunda kakusasana, Liatamanyi 11, 1962, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org